

TESSERA
ROMANA,
AUTHORITATIS
PONTIFICIÆ.

Adversus Buccinam *THOMÆ*
ANGLI, & Classicum Hete-
rodoxorum.

Authore P. Fr. *Francisco* à Sancto Au-
gustino Macedo Franciscano Observan-
te, Lusitano, Conimbricensi, Magistro Artium &
~~Theologiæ~~ ~~Proessore~~, Christianissimorum Gal-
liæ Regum Annæ Matris & Ludovici XIV. Con-
cionatore, & Consiliario : Joannis IV. Lusitanæ
Regis Historiographo Latino.



Londini Excudebat R. Norton, 1654.

130. e. 45.

AM 22 21

RECEIVED

7-11-1961

TO THE
HONORABLE
MEMBERS OF THE
LEGISLATIVE COUNCIL
OF THE
PROVINCE OF ONTARIO
IN
PARLIAMENT ASSEMBLED
AT
TORONTO
ON
THE
10TH DAY OF
MAY
1906

[Faint, mirrored bleed-through text from the reverse side of the page, likely containing names and dates.]

Londoni Excubet R. Norton, 1674.



SANCTISSIMO PATRI
DOMINO NOSTRO
INNOCENTIO PAPÆ.

X.



Uem mihi alium Patronum
optarem, Beatissime P.
quam qui cum maximè
patrocinium deberet, posset
item addere Patrocinio dig-
nitatem. Et quidem is tu es

Innocenti Sanctissime, qui unus & jure te-
neris officij ad Pontificiam causam suscipien-
dam: & ob muneris splendorem, personæ que
amplitudinem, plurimùm vales ad eam mag-
noperè illustrandam. Nil igitur aut iniquum,
aut indignum à Sanctitate Tuâ postulo: cum
& justum sit, quod é re Pontificia est, rueri,

A 2

et

4a

& decorum, lumen ei dignitatis afferre. Et
quidem tot tamque præclaræ doctes sunt tuæ,
ut magnum præsidium, & splendorem, si te
privatum adoptarem & citra dignitatem, Pa-
tronum, operi attulisses. Ecquis enim te no-
bilitate illustrior? ingenio acutior? indole
celsius? iudicio maturior? moribus gravior?
Quàm tu vitæ integer! quàm sceleris purus!
quàm ab avaritia alienus! In superos Reli-
giosus: in miseros pius: in pauperes effusus.
Intra magnanimitatem mansuetus: intra
mansuetudinem magnanimus: gravis juxta
& comis: urbanus, & severus: humanus,
& incorruptus: in dubiis certus: in adver-
sis constans: in secundis moderatus. Unus
tu tot tamque diversas virtutes genio beato
non ferebas modo, sed etiam proferebas.
Par omnibus animus Orbis theatrum ad-
mirationis implevit. Provocavit spectandi
avidus tuam in scenam, produxitque perso-
nem. Eam sic egisti, ut commotam ex-
pectationem superares. Evolare cum pos-
ses, ire per gradus ad dignitatis Apicem
matuisti: non quòd gradibus indigeres; sed
quòd

quod ipsi te gradus optabant, ut nullus
virtute tua vacuum esset: cæque ascendentes
erudiret. Ita singulos institisti, ut necesse
esset te ipsum contrahere, & de magnitu-
dine tua adimere, ne mensuram gradus ex-
cederes. Sacros Magistratus omnes ita ges-
sisti, ut nulli non natus viderere. Quàm in
providendis rebus prudens! quàm in ad-
ministrandis dexter! quàm in gerendis in-
dustrius! quàm in conficiendis felix! Vo-
ta hominum non implebas tantum, sed
etiam præveniebas: Minus erat quod op-
tabant, quàm quod tu repræsentabas. Nemi-
pe ideam apud te perfectæ virtutis, quam
nemo exprimendo æquaret, effingebas. Ita-
que humanos egressus terminos, quæ à
Christo instituta sunt munera provocabas.
Nuntium sic egisti, ut Angelus viderere.
Nemo tibi obnuntiavit: quod Evangelia
nuntiares. Jam te Cæli Portæ ambiebant,
ut earum in te cardo verteretur. Per has
patefactus ad Pontificatum aditus est. Pur-
pureus Pater intrasti, citra fulmina, intra Si-
dera: imo & ultrà potestate iturus. In supre-

mo Christi folio, Petri Cathedrâ, confedisti,
tam aptè, ut & tu ad illam, & illa ad te fa-
cta videretur. Columbam & invenisti, &
attulisti. Et quoniam nascenti Christo Pax
arriſerat, Oleam, Pacis ſymbolum, Columbar
addidiſti. Paſtor Agnorum: ſed tam ſimilis
Agnis, ut *Innocentij* quoque nomen ama-
res. Fortè Agnum præſtituſti, quòd Paſtor
pro Grege Victima futurus eſſes. Huic tu
nobiliorẽ tui partem impendiſti: vigilan-
do, laborando, protegendo, dirigendo. Le-
oni Adverſario ad Caulas rugienti, eaſque
circumeunti, ſtrenuè reſtituſti. Lupos rap-
tores, quos improba mentis rabies ſtimula-
bat, avertiſti: gregem integrum, intactum
~~que ſervaſti. Ac non eum ab externa ſo-~~
lùm vi tutum: ſed à domeſticis etiam malis
liberum reddidiſti. Ambitione dejectâ: op-
preſſâ Avaritiâ: Integritate revocatâ:
Fide reſtitutâ. Obſtructi à te ſunt omnes adi-
tus ad ea vitia, quæ Gregeſ ſolent corrup-
pere. Fraudes, dolos, ſimulationes, profuſi-
ones, rapinas, luxum: nec minus exemplo,
quam lege. Nihil in tuo ſacro imperio flux-
um: nihil remiſſum: nihil diſſolutum: om-
nia

nia certa, constantia, incorrupta. Quæ duæ res
continere homines in officio solent, Præmi-
um rectè, Supplicium secùs factorum, te Pon-
tifice, maxime valent, valebunt que. Juris
amans, veri assertor, æqui vindex honesti
laudator, decori studiosus, vitiorum hostis
sordium que habetis.

*Hæc Rem Romanam nullo turbante tumultu
Arte regis.*

Et Romanæ Sedis dignitatem authori-
tatem que tueris; nullâ quippe illæ re magis,
quàm virtute Pontificum & sustinentur, &
conservantur. Id cum ego animadvertissem,
& occasionem de Authoritate Pontificia
scribendi nactus essem, non potui non Sancti-
tati Tuæ opus consecrare: cum quod privata
virtutes suadebant, publica dignitas exigeret.
Quod autem exiguum sit illud, & tenue, id
cum subitæ meæ ex Anglia profectioni, tum
imbecillitati ingenij, id est, partim fortunæ,
partim naturæ assignandum quibus, mode-
rari mihi non licet. Sed utranque excusabit
honestas & dignitas Causæ, cum præsertim
Decorum sit in media Anglia, in ipsa Arce

ac Corde Regni, Inter juratos ac præcipu-
os Romani Pontificis hostes. Authoritatem
ejus dignitatemque tuam: quod sane & ad
vim Veritatis significandam, & ad veniam
à te mihi impetrandam, conducet. Id unum
quippe mihi propositum est: Veritatem sine
fuo, sine spe, sine lenocinio, & colere, &
profiteri. Hoc animo sum, Sanctissime Pon-
tífex *Innocenti*, ut, quæ hic scripsi de Autho-
ritatē Pontificiæ, paratus sim meo sanguine
confirmare. Quod ad Ecclesiam attinet, nil
ego ei salubrius optare possum, quam ut te
diu Pastorem habeat: tibi quæ id, quod Au-
gusto olim Roma præcata, eveniat *Servus in
Cælum redeas*, ut dum vivis, Superos tecum
præsentēs habeamus.

Valeat Sanctitas Tua ad Fidei præsidium,
ad Religionis splendorem: ad Ecclesiæ or-
namentum.

LONDINO.

Servus Sanctitatis Tuæ minimus

Frater Franciscus à Sancto

Augustino Macedo.



LECTORI OPTIMO.

Postquam Appendicem ad Buccinam Thomæ Angli oblato Lituo refutavi, & hic cum plausu à Viris Catholicis & piis exceptus est, rogarunt me quidam ex ipsis, ut opellas omnes Authoris recognoscerem, & doctrinam in ijs traditam examinarem, quòd ob illam ex parte Author minus apud Catholicos benè audiret. Feci animo candido, & recto, non ut insectarer, læderemve personam: quam & amo propter virtutem, & propter eruditionem colo: sed ne si quæ essent praviæ in eo opiniones erroneæque sententiæ, illæ tanti obtentu nominis invalescerent, & Reipub. Christianæ officerent: Quod in Anglia maximè timendum erat, ubi Heterodoxi dominantur, qui si quis ad eos Catholicus opinando

opinando accederet, animos sumpturi essent, & majore vi Romanam Ecclesiam oppugnaturi. Itaque suscepto studio legi opuscula quædam Authoris, & comperi non vanam fuisse Catholicorum de illo suspicionem. Incidi quippe legendo in nonnullas pravas perversas que sententias quibus hæreses suas Heterodoxi confirmare possent. Et quoniam omnes nunc ego jam in prociectu ad navigandum in Lusitaniam confutare non poteram, unam elegi capitalem, quod ad caput Ecclesiæ, id est Romanum Pontificem, attinebat. Cujus Authoritatem Thomas Angelus in Tractatu suo de Tribus virtutibus Theologicis ita infringit, ut ansam præbeat Heterodoxis gloriandi, quod ad Castra à Romano-Catholicis sua Thomas Angelus penè transferit: secumque, nisi aperte reclamant, alios deduxerit. Quare communem causam nomine omnium Angliæ Catholicorum suscepi: eumque mihi refellendum proposui, & alacritatem Hæreticorum inhibui, impetumque repressi. Atque ut aptius id, & clarius efficerem, sententiam Authoris, uti ab eo tradita erat, productis duobus integris Paragraphis (sic appellat) exhibui

bui, tum ut de mea in citandis erroribus fide,
tum de veritate doctrinae in refutandis consta-
ret. Et quoniam non tam mihi cum Thoma
Anglo privato homine, quam cum ea, quam induit
agit que in Heterodoxa scena persona, contentio
futura erat, paulo latius stylum effudi, & rem
copiosius explicavi, ut quod occasione unius ho-
minis impugnando dicerem, ad omnes prorsus
Heterodoxos pertineret: ut in eo se peti sentirent
à quo se tectum iri spe rabant. Plures institu-
eram quæstiones, ac unam de Authoritate Pa-
pæ circa Indulgentias, quam ad tres Articulos
jam provexeram (sunt enim ea in re multi &
graves Thomæ Angli errores) sed indictâ
mihi in Lusitaniam profectio coactus fui in-
termittere, & opus penè imperfectum relinque-
re. Sed quoniam audio eum mihi fore respon-
surum, in patria, responso accepto, commodius &
inchoata perficiam, & nova reponam. Cumque
ille militari usus sit inscribendo voce Buccinæ,
& ego antea non ineptè lituum attulerim, nunc
aptissimè Tesseram adduco, quæ nota est mili-
taris, & teste Poeta.

It bello Tessera signum.

*Ceterum id pro meo in Patriam meam Amore
lector, te monitum volo: Proprium Lusitanae
gentis esse: Fidem Romano-Catholicam in-
ter exteros propagare, & inter hostes defen-
dere.*





PARAGRAPHUS XVII.

Quomodo Privilegium Petri maneat in successoribus.

EX dictis de Romana Ecclesiæ infallibilitate, evidens fit, Privilegium Petri fuisse ipsi personale, condistinguendo eum contra ceteros Apostolos; non autem condistinctè contra suam Ecclesiam: & sic intellectum, esse necessarium & summè proficuum Ecclesiæ: Privilegium autem Personale, quod comminiscuntur Moderni, ex quo habeat Papa condistinctè ab Ecclesiâ suâ Spiritum quendam prophetiæ, per quam præmissis quibusdam conditionibus, ex speciali Spiritus sancti dono, non possit in definitione suâ errare, esse prorsus superfluum: Cùm hoc donum quod explicuimus, in Ecclesiam Romanam collatam, abundè suppleat quicquid universali Ecclesiæ deficit vel molestum evadit; hoc est, congregationes frequentes Conciliorum Oecumenicorum. Interea enim veritates

2
ad fidem Catholicam spectantes, magno cum momento decidi possunt sine magnâ difficultate, quando in eadem civitate clerum in eadem civitate colligi nihil moleste est: sed si superfluum est, etiam non minus inutile est: cum quia dum ex solâ probabilitate & Theologorum placitis pendet ipsa persuasione potentia; id est, quam auctoritatem habeat; neminem cogit; neque habet effectum ad quem ex-cogitatum est. X

Sed præterea tot subjacet conditionibus invisibilibus, et non facile sentiendis; ut ex eo quoque capite omne robur deperdat. Quando enim aut quomodo infallibilitas sequatur Personam Papæ, non convenit ipsis ejus Authoribus; aliis requirentibus in Concilio Universalibus, Aliis ut saltem in Provincialibus; aliis ut in concilio Cardinalium, aliis ut in conventu Doctorum præsideat; aliis tandem ut prudenter & mature rem discutiat; Aliis ut per alios hoc præstet; ipse divinum duntaxat calceum ex aliquâ prædictorum suppositione demittat. Horum autem pars difficilis, & sine fructu est, ut conciliorum Congregatio, quâ posita, vigor papalis determinationis marcescit: Concilio enim tribuitur Actio, non Papæ: Pars nulli insigni crediturorum parti innotescere potest: Nulla etenim possunt esse adeo expressa Bullæ verba, ut fidem faciant Papam vel vidisse, nedum audivisse lectam, vel totam legisse. Notum est enim pleraque ex formæ vi, multa ex Ministrorum affectu & suggestionibus, nonnulla fraude vel negligentia irreperire.

perire. Quæcumque verò sint, esse modos quibus
Papales aures obferantur, ne audiantur, nedum cor-
rigantur.

Sed nec servit huiusmodi Privilegium illi inten-
tioni Scriptorum, quæ fortassis illud comminiscen-
di primam originem dedit: puta, ut infallibilitas
Ecclesiæ defendatur, neque opus sit aliquorum
Conciliorum erroribus oblinendis laborem im-
pendere. Longè enim magis acceptabile est ho-
mini ratione utenti, Congregationem orbis ter-
rarum non errare, quàm unum singularem homi-
nem. Sed & decreta Conciliorum maiori diligen-
tiâ & labore perficiuntur, quàm Papalia; neque
error sine notoreitate incidere potest; neque sunt
de quæstiunculis a deo obviis & occurrentibus; ne-
que tam frequentia & quotidiana & surreptioni ob-
noxia, quàm mādāta Principis alicujus; etsi restrin-
gantur ad præsentiam Papæ in Concilio Universali,
rursus redduntur ex eo capite parum efficacia ad uti-
litatem Ecclesiæ; propter infrequentiam; & in-
fallibilitas magis ad concilia referetur; quia Con-
cilia non nisi in casibus notoriis Errores incur-
runt.

Adde quòd huiusmodi Privilegium nullum fun-
damentum habet vel in Sacris Scripturis, vel in
sanctis Patribus. Cum enim consuetudo Antiquio-
rum Pontificum fuerit, decreta ad alias partes trans-
vehenda (maximè si de rebus fidei tractarent) non
nisi in Conciliis, vel in consensu Cleri Romani sta-
tuere: Sed & ipse Clerus in absentia Romani

Pastoris vel interregis responsi reddere non distulerit; Nihil quod vel in divinis libris, vel illustribus Patribus reperitur, necessario vel de more Ecclesiastico potest intelligi de Personâ Pontificis, secretâ à suo Clero, sed ut in ipso & per ipsum definitur.

Expende quoque quod non possit sustineri, nisi violando leges & naturæ & gratiæ: Naturæ, quoniam & Philosophia & inductio & experientia firmat omnem particularem hominem errori & falsitati & peccato subjectum esse: Gratia quoque docet generaliter naturam humanam esse & deceptioni & peccato obnoxiam, & neque ab uno, neque altero, nisi actu & fallibiliter in particulari exemptam. Hi verò Theologi volunt Papas regulâ generali in certis articulis esse ab errore exemptos, cum tamen exemptio ab errore difficilior sit exemptione à peccato, et eam præsupponat; prudenter enim judicaturus necesse est nullam pravam inclinationem circa objectum vel actionem habere; à peccato autem et imprudentiâ eximere Papas, nemo dum, quod sciam, aggressus est.

Est hoc Privilegium in sese intrinsecè miraculosum; in quo Deus supra naturæ vires, et contra leges gratiæ sese exerceat: et propterea neque asserendum, neque credendum sine speciali revelatione, qualem in Universali scimus nullam esse: si particularis allegetur, petendum est miraculum in confirmationem, et si specialium revelationum ad dogmata Ecclesiastica infirmitatem plerique satis agnos-

5
agnoscant. Præterea Pontificum errores & contradictiones sunt manifestæ, & quæ excusari cum verecundiâ non possunt: maximè si non de actu, sed de sensu Ecclesiæ, an fuerint possibiles, ut Liberij, & Felicis, & Honorij, & Vigilij, Sergij, & Formosi, Joannis vigesimi secundi, & Nicolai, & plurium aliorum: quos si excusare velis, ad conjecturas & vana commenta recurrere oportet, ut rem de sese incredibilem & inutilem sustineas: & te facilius ridiculum, quam rem ipsam plausus meritorem reddas.

Sed quid potest adferri adversus Concilia ipsa Universalia, quæ Honorium & Vigilium notant? Quid ad Pontifices agnoscentes eorum errores & condemnationem? fortassis esse deceptos? Velim, sed quid ad rem? numquid poterant in hoc decipi, utrum Papa possit errare necne? num potest negari quod acceptaverint Papam erravisse, si vere, si per errorem? Hoc ex ipsis Conciliis & Pontificum acceptance in totam Ecclesiam permanavisse; & à totâ Ecclesiâ constanter retentum esse? ex hac Ecclesiæ persuasione in ipso jure Canonico expressum esse papam posse propter hæresim deponi? Sed & Juris Antistitibus hoc esse quasi principium, & inter ipsosmet Theologos contra quos disputamus, pro communi sententiâ esse receptum? Quod quomodo cum suâ sententiâ compossibile faciant, ipsi muginentur. Num Papas velint pro mentali hæresi, vel pro non publicata, vel absque eo quod sint pertinaces,

vel quo alio effugio per aliquam heresim non ha-
reticam depositionem mereretur? certe grossis boni-
conibus, ex quibus Ecclesia plerumque con-
stat, & ex quibus me non leximo, non potest
non videri, sensum Ecclesie esse personam. Pape
posse heresim promulgare. Tandem conside-
tur quod ex quo opposita sententia cepit radices
in Ecclesia figere, evuluit Conciliorum præsertim
generalium frequentatio. Verè enim si Spiritus
sancti afflatus est Pontificis decretis, infalli-
biliter affixus, quorsum Episcoporum absentis &
itineribus conturbandus est totus mundus? qui ne-
que ad hunc ipsum afflatum aspirare post labores &
pericula possunt, nisi decreta sua subijciendo San-
ctæ Sedi, & hoc agendo, quod sinceris & eorum fa-
stidio fieri potest. Maneant itaque in Ecclesiis
seis, & hanc novitatem prædicent populis, quic-
quid ex successoris Sancti Petri ore derivatum est,
aperire cæcorum natorum oculos, tamquam si
ab æterna defluxisset sapientia.

Quoniam itaque Apostolorum exemplo & in-
stitutione Concilia ad sanitatem gentium congre-
gata sunt, & eorum legibus & dictatis tot sæcula
stetit & roborata est Ecclesia, sententia quam im-
pugnare tam formidanda est, ne Ecclesiam in rui-
nam & exitium trahat, quàm omni probatione &
fundamento inanis est & incerta. Quæ diximus
contra hanc sententiam, ex parte non minùs valent
contra eos qui ponunt in Conciliis vel generalibus,
vel regionalibus, vel etiam in Congregatione Ec-
cle-

clesiæ Matricis, immediatum quendam supra eorum quæ conspiciuntur connexionem, invisibilem influxum sine quo infallibilitatem non intelligunt. Huiusmodi enim commenta cum sint stupenda; & potentia, non aliâs quam quando necessarium est ut appareant à Deo facta, patrari in Theologicis dictum sit, non sine speciali revelatione fidem merentur, & detrahunt sapienti Ecclesiæ adificationi à Deo, & Christo Domino in primâ institutione præstanda? & propterea sunt rejicienda.



PARAGRAPHUS XXII.

*Solvuntur Argumenta ponentium Personam
successoris Petri esse regulam
fidei.*

Argumenta pro Papali inerrabilitate multa sunt, ex autoritate & ratione elaborata; sed nisi me fallit animus, nullum quod pro Papâ prout contra suam Ecclesiam distinguitur, cum aliquâ verisimilitudine militet. In quibusdam sanctorum testimoniis, & quidem efficacissimis, Romana Ecclesia nominatur, in reliquis Episcopus Romanus, vel aliquid æquivalens. Sed ubi Episcopus contra Clerum seu Ecclesiam con-

distin-

distincta Persona exprimat^{ur} esse, nihil prorsus invenio. Dices referri in successionem Petri hanc infallibilitatem; Petro autem ut Persona collatam esse auctoritatem quâ poteratur. Respondetur ex successionem Petri manere privilegia Romano Pontifici, sed non ea quæ erant privilegia Personalia ipsius; sicut neque Personalia privilegia cæterorum Apostolorum manserunt suis successoribus. Privilegia itaque quæ manserunt, erant privilegia Petri non Simonis; id est, ea quæ data sunt ei cum nomine Petri, hoc est, ea quæ habuit quasi in familiâ Christi, seu respectu aliorum Apostolorum, seu quatenus in Apostolatu prælatus est cæteris; hoc est, quatenus Episcopus primæ Ecclesiæ. Itaque & promissa & data sunt ei ratione suæ Ecclesiæ; vel potius prophetata de Ecclesiâ ipsius, sed nomine & Personâ Petri. Quid enim, ut ex præsentis quæstione non recedamus, infusius dici potest, quàm Petrum accepisse inerrabilitatem respectu cæterorum Apostolorum, quasi cæteri errare potuissent, & post separationem ad Petrum pro instructione redituri, postquam plenitudinem Spiritus sancti ad orbis magisterium accepissent?

Neque refert, quod Paulus accessit ad Petrum, collaturus cum ipso Evangelium, ne fortè in vacuum, ut ipse loquitur, curret vel cucurrisset. Nam neque ad solum Petrum accessit, sed etiam ad Jacobum & Joannem, hoc est, ad Ecclesiam, neque phrasis illa aliud significat, quàm ut collata

ra cum ipsis Evangelizatione suâ , ostenderet & ipsis, & iis quibus prædicaverat & prædicaturus erat, sese idem Evangelium prædicare quod cæteri Apostoli; de quo, ut docet Augustinus, suspensus erat. Quale enim est eum, qui jactat suum Evangelium neque ad hominem, neque per hominem esse, quique illud in Paradiso, seu in tertio cælo, id est, in superiori regione aëris coram à Christo accepisset, de eo dubitare? Unde etiam dicitur quod dederunt ei dextras; quod fratrum & sociorum est, non superiorum & mittentium in Apostolatum. Quæ itaque de Conciliis diximus, tum quoad testificationem, tum quoad specialem affluxum Spiritus Sancti, etiam de Papâ pronuntiata esse intelligantur. Et sic ab hac difficultate de Ecclesiæ Regulâ quoad fidem expediti sumus, si moncamus & nosmetipsos & alios ad quos hæc examinare spectabit, hanc quæstionem de Regulâ Fidei, non esse ejusdem rationis cum aliis quæ in Theologiâ tractantur. Cæteræ enim quasi privatæ sunt, hæc publica & universalis: in cæteris si erratur, error non ultra suam materiam extenditur: in hac si erres, omnes materias in dubium vocas, & universam Ecclesiam in exitium, quantum in te est, trahis.

Sic lugubria experimenta nos docent, omne Hæreseon genus ex eo trahere originem, quod Sacram Scripturam, vel certè privatum Spiritum pro Regulâ fidei statuunt. Tantundem est, si quis vel Concilia, vel Papam citra justas leges, hoc

est, aliter quàm per modum testium, pro Fidei authoribus statuat. Clarum enim est, eo ipso talem Theologum subicere totam Ecclesiam cui libet errori pro fide suscipiendo, quem Concilium vel Papa modo illegitimo proposuerit. Quare si certitudo fidei in integrâ Ecclesia sit basis & fundamentum totius vitæ Christianæ, & subsistentia spei futurorum omnibus fidelibus; evidens fit, quodcumque aliud crimen vel scelus longè minus & inferius esse propagatione talis doctrinæ. Dico incendia templorum, violationem Sacrarum Virginum super aras, conculcationem venerandi corporis Christi, tandem immissionem Turcæ vel Antichristi in regiones Christianas. Omnia enim hæc damna sunt corporalia, & fidem à sensibus, non ex animis tollunt; sed propagatio talis doctrinæ ex naturâ suâ ex ipso animo evellit ipsi Ecclesiæ universali fundamenta omnia salotis. Ponat itaque manum suam supra cor suum quisquis sententiam Romæ datam, non contentus utque ad obedientiam premere, fidei subiectionem flagitat, & severissimam indignissimamque servitutem Ecclesiæ totius cervicibus imponere audet. Et videat quanto scelere se implicat, & quam rationem supremo iudici facinoris adeo temerarij in exitium Universæ Ecclesiæ machinati, se redditurum expectare debeat.

Sed & comparo Regulæ Fidei corruptionem per Hæreticos, & hanc quæ per Concilij vel Papæ erectionem supra omne quod dicitur Deus Ecclesiæ accidit;

accidit, & video comparationem esse, qualis est ulceris in cute, ad aliud in ipsa viscera erumpens. Hoc enim maturatione sua occidit hominem, virus in vitales partes effundens; illud vero sese purgando sanatur. Sic dum corruptio in regula fidei est in quodam extrinseco, efficiuntur ei adherentes, & sana manet Ecclesia. Sed quid fiet his morbis qui capiti & cordi Ecclesiae sese affigunt? num separari poterunt? non periclitantur ipsa Principalia membra veneno suo pollueri? Verum est quod in Concilio Universali minus periculi est; tum quia rarò congregatur; tum quia maturè res agitur, & per multorum selectas manus; tum quia non adeò ei vacat rebus levioribus attendere, neque facilè circumvenitur: quorum opposita omnia obsident & circumstunt Papam, & propterea majus est de eo periculum.

Mihi satis est pronunciasse Opinionem tenentem Papam personaliter, & ut distinguitur à suà Ecclesià, si est falsa, vel potius quia nullum fundamentum habet, non posse non esse Hæreticam vel potius Archihæreticam, & ex naturâ rei Matrem & Matricem infinitorum & spurcissimorum errorum: & ex Theologorum Scriptis ferro & foco exterminandam, non argumentis revincendam, quæ nullum habet neque habere potest fundamentum. Quæ enim argumentationes idoneæ sunt quotidiano miraculo, adeò à naturâ haustæ & in Universos propagatæ apprehensioni adverso; contra Patrum & Conciliorum & totius Ecclesiae Do-

ctorum perpetuum sensum, evincendo ? Ne quis
tamen propinquitate dictorum fallatur, monen-
dus est lector, hoc effatum nihil ob stare potestati
Papali, quæ ex imperio & potestate gubernativa
pendet, quo minùs possit prohibere & interdicere
sententias sub quibuslibet pœnis : sed dumtaxat
respicere potestatem definitivam & fidei artifi-
cem.

CAPUT



CAPUT UNICUM.

*Sensus Authoris indagatur, eruitur,
Proponitur.*



UM nihil tam sit arduum atque difficile
quàm alienos, cum obscuri, & tecti
sunt sensus inspicere, & hic, quem refuto
Author, naturâ vaser, stylo durus,
dictione horridus, methodo incondi-
tus sit, & in hoc maxime opusculo obscuritatem af-
fectarit, quod vellet errores quosdam suos occultè
spargere, & sparso obruere, ne deprehenderentur;
& extarent, ut postea sensim irreperent, serperent-
que diu multumque in horum quæ adduxi, Para-
graphorum sensu investigando, & aperiendo labo-
ravi.

Quippe qui & Officij esse ducam, fidem in refe-
rendo servare; & conscientiæ, sensum non extor-
quere, nec extortum ad errorem traducere. Id
ex Augustino, cujus me discipulum palàm profi-
teor,

teor, didici quo nemo difficilior fuit in credendis, nemo benignior in exponendis, nemo patientior in tolerandis erroribus hæreticorum: quod primis contra Pelagium scriptis apparet. Sic & affectus & institutus sensa in his Paragraphis *Thome* Angli contenta, summa cum fide interpretor & produco:

MUCINU TUPAO

PARAGRAPHUS XVII.

PARTE I.

Primū ait Privilegiū Patri, quod Par. 22. *Inerrabilitatē* appellat, fuisse personalem Petri condistinctam a ceteris Apostolis, ita ut sine illo consultatione, & consortio posset certare, & infallibiliter definire. Addit. *Non autem condistinctam contra suam Ecclesiam.* Id est, dependentem ab Ecclesia eam Inerrabilitatem accepisse, ut nihil nisi illa & sociā & consultrice certum & infallibile statuere posset.

PARTE

PARTE II.

Negat in N. Summo Pontifice successore *Petri* esse illud Privilegium independentem à Romana Ecclesia; quippe quod concessum sit Ecclesie Romanæ, non ipsi Pontifici Romano: & *contrariam Sententiam appellat infra Gemma Modernorum.* Quid autem intelligat per Ecclesiam Romanam docet, tum hic duobus Paragr. tum manifestius Paragrapho xvi. aient *Esse Clerum Romanum, id est, Episcopum in Congregatione Baronum Romanorum, qui sunt Cardinales.*

Aggreditur deinceps infirmare huiusmodi Privilegium Personale. Primò ex dissensione Authorum in eo statuendo. Secundò ex surreptione errorum qui possunt contingere, sive ob incogitantiam & negligentiam *Papæ*; sive ob *Ministrorum machinationes & fraudes.*

PARTE III.

Pergit elevare *Papæ* auctoritatem anteferendo ei Concilia: quæ liberiora vult esse à subreptione & errore; cum consent ex multis: nec
Præ-

Præsentiam Papæ desiderat, tum quòd ea parum utilis erit, tum quòd supervacanea: cum quod sit certò constanterque definitum, id Concilio potius sit, quàm Pontifici assignandum.

PARTÈ IV.

Negat huiusmodi Privilegium ullum habere nisi Sacris Literis, vel Patribus fundamentum. Suadet ex eo quod tempore Interregni ob mortem Papæ, vel Schisma, in Clero Romano residet illa facultas definiendi; quæ sine Pontifice datur, cum sine Clero Pontifici non detur.

PARTÈ V.

Inducto eo Privilegio violari Leges naturæ, & Gratiæ. Naturæ, quòd nemo homo non fallitur. Gratiæ quod nemo non peccat. Utroque autem Pontifex liberatur, cum homo sit.

Parte

PARTE VI.

AIT Rem esse incredibilem : nec de ea nisi aut Revelatione , aut miraculis constare posse : quæ comperta non sunt. Errores deinde Summorum Pontificum commemorat qui negari & excusari nequeant. Itaque Papas & in hæresim posse incidere, & eam promulgare, & ob eam deponi affirmat.

PARTE VII.

Queritur hoc Inducto Privilegio tolli necessitatem Conciliorum Generalium. Nam si Decreta Pontificia sunt Divina quædam Oracula, non sunt ea à Conciliis petenda. Unde ea tantum novitas ab Episcopis prædicanda, & omnino Concilia omittenda.

PARTE VIII.

Taxat hanc sententiam tanquam inanem & perniciosam Ecclesiæ, quod Concilia ab Apostolis in-

D

stituta,

stituta, & commendata evertat. Ac demum statuit. Nullum prorsus esse Divinum influxum, id est, Afflatum Spiritus Sancti in ulla Concilia, vel Generalia, vel specialia, ne dum in Papas: atque adeo hæc mera esse commenta.

tus hinc ac deinde: in libello innotuit

SENSUS PARAGRAPHI XXII.

PARTE I.

Confirmat in Persona Papæ nullum Infallibilis authoritatis Privilegium inesse: sed Clero Romano ad id omnino indigere: & sibi in hoc est consentiens.

Q

PARTE II.

AIT, Ex eo quod Papa sit Successor Petri, non frui hoc Privilegio: cum Personalia Privilegia Petri non transierint ad successores. Sed ea tantum quæ nomen & sedem Petri sequebantur. Petrum tamen non per se, sed ratione Ecclesiæ illud Privilegium accepisse.

Parte

PARTE III.

STatuit nū Petro supra Ceteros Apostolos au-
thoritatis collatum. Eum *Fratrem & soci-*
um esse. Neque inter Apostolos quicquam quoad
authoritatem interfuisse. Judicat verò producto
exemplo *Pauli omnes æquales* extitisse quod in eandē
Ecclesiam omnes pariter coacti essent.

RELIQVO PARAGRAPHO. XXII.

EXaggerat vehementer imo & hyperbolicè Er-
rorem astruentium hujusmodi Privilegium
Definiendi veritates Fidei concessum Summis
Pontificibus. Ait Pestiferum, Exitiosum Ecclesiæ
Esse. *Eo everti fundamenta Fidei, imponi jugum*
Caroliæ Religioni, induci Antichristi superbiam:
neque hâc nota liberat eos qui Conciliis Univer-
salibus idem Privilegium attribuunt, licet plus hæc
quam Pontifices fidei, & authoritatis habeant :
nec tam sint errandi periculis obnoxia. Conclu-
dit monendo Lectorem nolle se quicquam detra-

here Potestati Papæ quâ Ecclesiam gubernat; & vetat ne quâ prava sententia invalescat. Sed hujusmodi tantum Potestatem definit, vā & Fidei artificem infirmare.

Summa Sententiarum est.

1. Privilegium Infallibilis Authoritatis, si quod est, non Petro, nec successoribus immediate, nec Personaliter, concessum, sed Romano Clero, & ab eo dependere.

2. Hoc Privilegium non esse certum Influxum, & Afflatum, nos Assistententiam dicimus, Spiritus Sancti, atque adeo esse incertum & fallibile.

3. Papam non solum hæresim posse admittere, sed etiam promulgare.

4. Concilia tum Generalia, tum Privata obnoxia esse erroribus.

5. Pontificem multò minus, quam Generale Concilium, & Romanam Ecclesiam, id est, Clerum authoritatem habere.

6. Concilium non modo Papæ Confirmatione non indigere, imò ipsum per se ac sine ulla Papæ dependentia veritates definire. Illæ v. totidem Authoris Conclusiones sunt. Istud v. ex illis deductum & sequens.

7. Tandem Censet Hæresim esse turpissimam & perniciosissimam: Affirmare Papam etiam ut successorem Petri habere Infallibilem in definiendis Controversis Fidei Authoritatem. Hæc

Hæc summâ fide erui, & aperui. Nunc ad singula confutanda accedo, & id agens manifestius ostendam has sententias, & Authoris esse, & Errores esse: ut nemini dubium sit *Thomam* & ita sensisse, & sentiendo errasse. Disputando propriè contra ipsum, & disputationem aptè ad Hæreticorum confutationem convertam: Et quid in hac Controversia sit tenendum, perspicuè exponam.



QUESTIO I.

De Authoritate Papæ.

ART. I.

*Fueritne in Petro Infallibilis
Authoritas?*

DUO nobis Catholicè dat *Thomas*, quæ negant Hæretici. Alterum *Petrum* Romanum Episcopum, & Pastorem ejus Ecclesiæ, et Cæterarum Orbis Caput Principemque fuisse. Alterum *Petrum* Successores eâdem in sede & munere habuisse, eosque haud dubiè Romanos Pontifices.

tifices esse. Quid utrunque Hæretici adeò impudenter negant ut fuerint qui Romam Petrum fuisse negarint, cum Velino, et Franco, quemadmodum tradit Gaud. de locis. lib. 6. cap. 8. & Maldonatus in Joannem. cult. De quibus ego sic judico, si argumentis urgeantur, ne admittant Romanos esse Pontifices Romam ipsam urbem esse negatores. Gratulor igitur Thomæ, quod anîmâ mihî advenit adversus hocce duos Errores pugnandi: contra quorû Authores pugnat Orbis Terrarum, tanquam *insensatos*.

Igitur accepto, quod dat Catholicè Thomas, propria quæstio superest. De Authoritate Petri Romanique Pontificis. At primum removeo *nebulam Analogiæ, qua septus infert se noster hic Author*, non satis distinguens inter Regulam Fidei, & Judicem Controversiarum Fidei, perinde ac qui harum Judex sit, cum & Regulam Fidei esse oporteat, uti apparet ex tractatione hujusce quæstionis à Paragr. xi. ad xxiii. In quo ille vehementer errat, cum multum inter utrumque intersit. Est enim Regula Ratio quædam veluti idea ad quam Judex intuendo judicium suum dirigit accommodatque, ut rectè de re sibi proposita judicet. Itaque Regula judice superius quiddam est, ac vim ei imperantis habet. Estque *Æterna, & immutabilis, & ab Errore prorsus aliena*. Ac liquet Exemplo Judicis in Causa Forensi, qui jus consulit, & legi auscultat, ut secundum eam ferat sententiam. Quam differentiam & similitudinem cum apud me ratiocinando formassem, inveni postea in

P. Be-

B. Becano in Summa Theolog. Scholasticæ tract.
 de tribus virt. Theolog. c. 7. & Tomo 5. Contro-
 vers. in Apolog. contra Gand. & in Manuali. l. 1. c.
 5. Atque id ego ex Augustino didicram, cuius
 carcti, & habetur dist. 4. cap. in istis, sententia.
 Non licet Judici de legibus judicare, sed secundum ip-
 sas. Idgitur Regula Fidei est Sacra Scriptura &
 Apostolica Traditio. Index Controversiarum
 Pontifex, & Concilium Generale legitimæ, quem
 nemodum deducitur ex Cajetani doctrina de Pri-
 matus Pontificis, & Cano de locis, & Suavio in De-
 finitione Fidei, & Cardinali Perronio in Contro-
 vers. cum Jacobo Rege Angliæ, & Bellarmino de
 Romano Pontifice, & Martino Becano libris, & lo-
 cis à me citatis. Ex quibus hic ait: Theologos id om-
 nes confirmare. Unde sublatâ Analogiâ Thomæ: locus est que-
 stioni excitatæ. Habueritne Petrus, et habeat
 Pontifex ejus successor facultatem definiendi res
 Fidei instar Judicis, quoties de iis controversi-
 a inciderit? sique illius infallibilis Authoritas?
 Heterodosi omnino negant. Thomas An-
 glus ita concedit, ut palàm videatur dare, oc-
 cultè verò deneget. Nam non vult uni Personæ
 tantum inesse Fidei, ut publicam et solennem fidem
 faciat; et necessariò lexigit concursum et consili-
 um Ecclesiæ. Deinde ne hac quidem in itâ Capi-
 tis cum membris societate admittit veritatem infal-
 libilem, cum fateatur, etiam Universale Concili-
 um posse errare. Tantum illud Apostolorum
 cum

cum Petro excipit, hoc enim verum, et infallibile esse non inficiatur. Sed remotis Apostolis, si Petrus cum Clero Romano, id est, Ecclesia sua, aliquid de Fide determinaret, significat Thomas Decretum illud non fore de Fide, quia Privilegium illud non erat personale Petri, sed cum Ecclesia sua conjunctum et hærens: cum autem Ecclesia sua ex illo Clero Romano constaret, ac ille neget in illo Concilio Generali aut Provinciali adesse infallibiliter Spiritum Sanctum, sequitur Petrum cum suo Clero Romano destitui certa et infallibili veritate. Quod autem Generalibus ille conciliis denegat Afflatum Spiritus Sancti, et supponat errare posse, nec quicquam licere de Fide definire, et uti credendum proponere, docet Thomas perspicue Paragr. 21. ubi detorquet sensum loci illius celeberrimi Actorum 7. *Visum est Spiritui Sancto, & nobis: ne de Assistentia, Spiritus Sancti, qualem inquit, fingunt Theologi, debeat intelligi.* Ex quo apparet Romanam cum Petro Cleri societatem, cum non esset Universale Concilium, multo minus authore Thoma Anglo Authoritatis & Fidei habituram, quam ipsum Concilium: in quo vix ab eo certa & infallibilis authoritas admittitur.

Adversus hanc Sententiam statuo. Fuisse in Petro Authoritatem infallibilem ad docendum & Potestatem ad definiendum, cui error subesse non potuerit. Id autem sic probo. Primum celebri loco Matth. 16. *Tu es Petrus, & super hanc Petram edificabo Ecclesiam meam* acceptis Patrum expo-

expositionibus & inter se collatis ac perpenſis.
 Plures aiunt: Super ipſum *Petrum* *Ædificandam*
Eccleſiam, ita ut *Petrus*, qui & *Petra* Fundamen-
 tum à Chriſto, qui Prima, & Principalis *Petra*
 erat, in qua *Petrus* ipſe niteretur, eſſet inſtitutus.
 Ita Clemēs Romanus in *Epist. ad Jacobum*, Anacle-
 tus *Epist. 2. & 3.* Hyppolicus in lib. de Conſum-
 mat. mundi. Dionyſius in *Epist. ad Timoth.* Ter-
 tullianus. lib. de Præſcript. & lib. de Pudicitia.
 Cyprianus in *Epist. ad Jubaianum.* & in *Epist. ad*
Cornelium. Origines Hom. 5. in Exod. Baſilius in
 c. 2. *Iſai.* & Homilia 2. de pœnit. lib. 2. contra Eu-
 nomium. Nazianzenus orat. de moderat. in di-
 ſput. ſervanda. Orat. 26. Epiphanius in Anelio-
 rato. Hilarius Canone 16. in Matth. & lib. 6. de
 Trinit. & *Pſalmo 131.* Ambroſius lib. de Fide. c.
 3. *Pſal. 40.* & Sermone 6. de Var. actionibus. &
 Serm. in Cathed. S. *Petri.* & Serm. 11. de Sanctis
 & in Hymno Landum Dominicæ. Chryſoſtomus
 hic Hom. 55. & Hom. 2. in *Pſal. 50.* & Hom. 9. de
 Pœnitentia. Hieronymus *Epist. ad Marcellam.* ad-
 verſus Montan. & lib. 1. contra Jovinianum. Dia-
 logo 1. contra Pelagianos. (De Magno Auguſti-
 no ſeorſim dicam) Pacianus *Epist. 3. ad Sympro-*
nianum. Cyrillus Hieroſolymit. Catecheſi 18. Cy-
 rillus Alexandrinus lib. 2. in Joan c. 12. Theophy-
 lactus *Lucæ 22.* & idem & Euthymius cum Chry-
 ſoſtomo ſuper locum iſtum Matthæi. *Pſellus* apud
Thebdoretum. l. 3. in Cantica. Maximus. Homil.
 1. in Natali *Petri.* Proſper. lib. 2. de vocat.

gent. c. 28. Leo Epist. ad Episcopum Viennensem, & Epist. ad Geminianum. & Serm. 2. de Apostolis Petro & Paulo. Gregor. Epist. ad Mauritium Augustum, et in alia ad Eulogium Episcopum Alexandrinum 6. lib. Epistol. 37. Isidorus lib. 2. de Officiis Ecclesiast. c. 5. et lib. de vita et mor. Sanctor. c. 69. Petrus Chrysologus Serm. 107. Laurentius Justinianus lib. de obedientia c. 12. Concilium Chalcedonense totum: et alij apud Caiet. de Primatu. Et Bellarm. et Valent. et Becanum in Controversi, et Canum. de locis, et Suarium in Defensione Fidei. Perronem, Echium, Roffensem, Sanderum, Stapletonum, et ceteros præclaros Novatorum Antagonistas. Consulendus verò est gravis Author Gratianus, in suo Decreto dist. 12. 21. 22. et sequent. et summus Theologus et Interpres Maldonatus in caput 16. Matthæi ad istum locum.

Hi Patres Personæ Petri Sententiam addicunt, ut ea propriè significetur per Petram, et designetur. Idque indicat illud *Tibi*: et illud, *Tu Petrus & super hanc Petram*. Nam Hebraicâ Chaldaicâ et Syriacâ lingua, quarum unâ Matthæus scripsit Evangelium, utrunque et masculinum et Fœmininum genus Petra significat: atque adeo uno et eodem nomine Petrus et Petra dicitur. Unde bella agnominatio, et pulcher ex ea sensus existit, cum homini Petro; quod est proprium Saxi *Petræ* uno eodem que nomine cum virtute reddatur: ut homo in vicem et munus *Petræ* transeat. Contra quam Calvinus in-

fulsè

fulse, et inscite dixit, cum et agnominationem non viderit, & leporem sustulerit.

Verum quia in *Petra* non nuda persona, sed ejus et virtus, et dignitas, munusque attendebatur, nec solius naturæ humanæ cuius individuum erat *Petrus*, sed Spiritualis etiam & moralis conditionis ratio habenda erat, multi ex his quos citavi Patribus, & aliis, Fidei, & muneri *Petri* illam sententiam accommodarunt: non quod negarent de *Petro* intelligi; sed quod in eo rationem spiritua-lem & moralem, ob quam illud est Elogium meritus, quod ad successores quoque pertinere posset, considerarunt. In quo sensu Excelluit Divinum Augustini ingenium, quo nemo rem melius aptiusque exposuit, ut mox aperiā. Igitur Hieronymus hic, Hilarius lib. de Trinit. Gregor. Nyssen. lib. contra Judæos. Chrysostomus Homil. 55. in hunc locum. & orat. 2. advers. Judæos. & Homil. 2. in Psal. 50. & Cyrillus Alexandrinus Dialogo 4. de Trinit. Author Comment. in Epist. *Pauli*, id est, Ambrosiaster in cap. 4. ad Galatas *Super hanc Petram, Super hanc Fidem* interpretantur. *Fidem* ut ait Chrysostomus *Saxaem*, cuiusmodi erat illa *Petri*. Pauci de *Fide omnium Fidelium* exponunt cum Origine Tract. in Matthæum, perinde ac ad Omnes Fideles, ex quibus constat Ecclesiā, pertineret. Quæ interpretatio non tollit aliam, cum omnes hī fermē Authores primum tradiderint sensum, ac de *Petro*, uti individuum humanæ naturæ, & certa Persona est, intellexerint. Quare nec

Hæreticis abutendum hoc sensu fuit, ad negandum primum, neque Catholicis quibusdam timendum, ne iste detraheret priori, cum uterque possit rectè consistere: imo ambo sint ad veritatem sententiæ necessarij. Quod jam ex Augustini doctrina aperio.

Igitur Augustinus cum subtiliter & altè vim huius loci more suo inspexisset, tribus modis illum accepit, & exposuit. Primum in persona *Petri*, successorum etiam Personas consideravit: & communem Earum cum Ecclesia sua Fidem futuram intuitus est; & acutè vidit Christum Ecclesiæ suæ per *Petrum* ac successores providere voluisse. Itaque *Fidem Petri* ac post eum futurorum ejus loco ac sede Pontificum, quæ una illa eadem quæ *Petri* futura erat per *Petram* intellexit. Quippe quæ *Petri* cum esset, per petuèrat duratura. Et cohæret maximè cum mente Christi, qui de tota tum Ecclesia cogitabat, fundata quidem in Fide Præsenti *Petri*, sed ad finem mundi per seriem succedentium *Petro* Pontificum continuanda. Eò enim spectant reliqua: *Ædificabo Ecclesiam meam. Et porta Inferi non prævalerunt adversus eam.* Hanc Christi mentem cum Augustinus attendisset de *Fide Petri* aptissimè, ut ad omnes successores pertinebat, exposuit. Ac eodem gravissimæ mentis judicio censuit *Petrum* totam Ecclesiam, cujus Pastor erat, in ea Confessione edenda repræsentsse; Cujus Christus fundamentum & Lapis Angularis erat, ad eumque hanc Ecclesiæ Personam gerentem Christum

stum dixisse. *Tu es Petrus*, id est, Tu vicem geris Ecclesie mee. Et hanc ego *super hanc Petram*, id est, me quem Ecclesie nomine confiteris, *ipsam edificabo*. Ac ejus tibi *Claves dabo*, id est, *Potestatem*. Quae sanè duæ interpretationes propriæ Augustini fuerunt: & ad Successionem Pontificum & Ecclesie unitatem, & æternitatem confirmandam aptissimæ. Sic Augustinus. Serm. 13. de verbis Domini secundum Matthæum, & tract. in Joan. 27. & 124. idem tradit tract. 50. in Joan. Consentit lib. de Pastor. c. 13. & Serm. 24. de sanctis & lib. 3. de Baptismo c. 17. & l. 1. contra Epist. Parmen. 5. & Epist. 152. & in Psalmo contra partem Donati, & contra Epistolam Fundamenti c. 4.

Uti tamen erat Divino ingenio Augustinus, vidit aliam item communem et facilem expositionem *super hanc Petram*, id est, *super se Petrum*, eamque probavit aliis in locis cum Cypriano, et Ambrosio quos magni facere Authores solet: nam Cypriani de Petro Petra refert, et admittit l. 2. de Baptismo c. 1. Ambrosii assert, et confirmat. l. 1. Retrâr. c. 21. cum suam de Petra Christo sententiam retulisset. Et utranque ibi idoneam judicat. Eandem autem tradit Serm. 16. et 29. et 49. de verbis Domini, et apparet hunc ei sensum placuisse ex illo versiculo Hymni contra Partem Donati *Numerate Sacerdotes vel ab ipsa Patri Sede. Ipsa est Petra, quam non vincunt Superbe Inferorum Portæ*. Nam qui Sedem Petri Petram dicit, justius ipsum dicat Pe-

trum Petram necesse est. Cum ab eo sit sedes *Petra* appellata. Tres igitur sensus ex Augustino habemus. Unum communem, proprios duos. Cur autem illo comuni non omnino videatur Augustinus contentus, cum idoneus sit, & facilis & promptus, atque adeo literalis vulgò dicatur, & alios duos adjunxerit, quibus acquiescit, duæ opinor, tresve causæ fuerunt. Prima quia vidit illum primum sensum esse adhuc incompletum, quòd Soli Petro addictus homini privato inhærebat, nec per eum ad Successores & Ecclesiam ejus gerebat personam, pertingebat, nec omnino mentem Christi totius Ecclesiæ seriem statumque respicientis adæquabat. Secunda: quia illa interpretatio Personale illud Privilegium faciebat, & ansam dabat Hæreticis negandi ad Successores pertinere, quod jam tum Donatistæ, non rates sunt Novatores, negant. Utrosque autem Augustinus cōfutavit Tertia, quia vidit Interpretes Matthæi Veteres quos magnæ estimat Augustinus, vocabulum *Petrus* in reddenda sententia *Petræ* non retinuisse: atque adeo vocabulum *Peirus* in *Petram* deflexisse. Unde aliquid mysterij inesse putavit, nimirum ut ex Persona *Petri* ad figuram Ecclesiæ quam gerebat, cum voce paululum immutata sensus deflecteret.

Et quidem haud temere fecisse Græcum Interpretem, & ita vertendo magnum quiddam significasse, suaderetur, ex eo quod cum Græcè vertere vocabulum *πίτρος* quod in Autographo ad utrumque genus pertinebat, posset, ut eodem modo caderet

ret. & *Petram* in *Petrum* masculina terminatione. Tu es *Petrus* ^{πετρος} & supra hanc *Petram* ^{πετρον} nam Attice *Petra* ^{πετρος} dicitur, noluit nisi variare, & *Petram* femininâ terminatione reddere. Et quamquam ita *Latinus* *Interpres* necessario verterit, quod ea lingua diverso modo utrunque genus explicet, tamen cum Græcè utrunque eadem ratione Atticâ elegantia transferri posset, idque non servasset *Interpres*, locum fecit conjecturæ *Augustini* putandi aliquid inesse mysterij in mutatione vocum, quod ad significationem transfiret. Quod si quod fuit, illud sanè quod *Augustinus* observat, credendum est fuisse.

Hinc constat rectè omnino locum istum *Matthæi* omnium optimè exposuisse *Augustinum*, & omnes illos sensus ad justam & perfectam intelligentiam Sententiæ necessarios esse. His enim & *Petrus*, successores, & *Ecclesia* comprehenditur. Cætera apta ad refutandoseos qui aut *Catholici* minus *Augustinum* intelligunt, aut *Heterodoxi*, eo præintellecto abutuntur, ad meum *Hyperaspisten* *Augustini* reservo. Maneat ergo locus ita expositus Facis instar ad doctrinam de *Authoritate* *Papæ* *Infallibili* demonstrandam. Quod jam *Præsto*.

Christus instituit *Petrum* *Petram* & *Fundamentum* *Ecclesiæ* suæ propter *Fidem*, & super hanc *Fidelem* *Petram* ædificavit *Ecclesiam*, igitur non potuit unquam *Petrus* à *Fide* deficere: ne in eo fundata *Ecclesia* erraret. Unde deducitur quicquid.

quid ab illis uti credendum proponeretur id omni-
 no firmum certumque fore. Si enim quod Petra
 innititur, est immobile, qui Fides innixa Petro
 mutabit & corruet? An non impium et absur-
 dum esset, cum Christus voluit Fidem Petri remu-
 nerare illud rependere, quod locum daret Erro-
 ri contra Fidem? Certe ineptum illud esset Fidei
 Præmium, quod Falsitati obnoxium foret: ac ip-
 sam Fidem cui reddebatur destrueret. Quid quod
 illa Pars sententiæ *Et Portæ inferi non prævalebunt*
aduersus eam. Inconcessam & Infallibilem Au-
 thoritatem indicant? Nam *Portas* in sacris. literis
Potentiam Roburque significare, cum alij Interpretes
 alibi, tum hic Maldonatus monstrat. At vis &
 Potestas Diaboli in Mendacio sita est. Cum ipse
 sit *Mendax & Pater Mendacij.* Igitur mendacio
 tanquam Ariete oppugnat, & quatit Petram Ec-
 clesiæ: quæ veritate, & Fide nixa consistit. Si
 autem mentiri & errare in rebus ad Fidem specian-
 tibus Petra potuisset, sanè aduersus eam Diabolus
 prævaleret. Absit igitur, ut qui in *veritate non ste-
 tit*, itantem in Christo veritate Petram evertat.
 Quod si per *portas Inferi Hæreses* significantur,
 quemadmodum vult Epiphanius in Anchorato, et
 Euthymius hoc loco, si semel Hæresim Petra admi-
 serit, aduersus eam *Portæ Inferi* prævalebunt.
 Jam verò alia pars sententiæ, *Et tibi dabo*
Claves Regni Cælorum, Magnum pondus habet.
 Nam Clavis duo in literis sacris significat. *Do-*
ctrinam et *Potestatem.* *Doctrinam.* juxta Lucæ
 phrasin.

phrasin. c. 15. n. 52. *Tulisti Clavem scientiæ.* Quâ Christus exprobrat Jurisperitis superbiam in arroganda sibi notitia & interpretatione Scripturarum: quam nomine *Clavis* significavit teste Ambrosio sermone 8. & Augustino l. 2. contr. Adversarium Legis & Prophetarum, c. 5. & Author. Quæstion. Evangel. 3. & Beda, & Theophylactus in Comment. & Cyrillus apud Divum Thomam. Hanc ergo Authoritatem doctrinæ, qua intelliguntur & exponuntur Scripturæ, & rerum Divinarum scientia traditur, una Clavi contenta *Petro* à Christo donatur. In quam bene quadrât dux ille voces *solvere* & ligare; cum & solvere pertineat ad aperiendas veritates, quæ definiuntur, & credi jubentur. Ligare autem spectet ad comprimendam audaciam temere interpretari volentium, & vetanda prava dogmata, scriptaque hæretica, & Ecclesiæ perniciofa. Quibus duabus rationibus à successoribus *Petri* videmus hujusce Clavis usum exerceri. Tum decernendo, quod tenendum sit, & exponendo solutis nodis difficultatum: tum cavendo ne id temere fiat, & si quid erroris hæresive prodeat, damnando, & vitando ne serpat, temeritate ligata, & doctrina prohibita. Alia Clavis Potestatis ad Jurisdictionem pertinet, quæ non est hujus loci. Quod si à Christo Clavem Doctrinæ *Petrus* accepit ad solvendum atque ligandum: quantus error esset admittere Petrum errare in recto Clavium usu, ligando quod erat solvendum, & solvendo quod ligandum. Quod si

quis non vereatur admittere, videat se Evangelio contradicere, imo & Christo in eo affirmanti quodcumque ligaveris super terram, erit ligatum & in Caelis, & quodcumque solveris super terram, erit solutum & in Caelis. Ubi universum dixit. Quodcumque ligatur & solvetur: significans. Omnia per eam Clavim recte ligari, & solvi: atque adeo omnia in Caelis esse rata, & accepta. Non enim dixit Christus siquid bene ligatum, solutumve fuerit. Sed quodcumque ligetur, & solvatur. Voluit quippe significare certam & Infallibilem illam Petri Clavem & esse & fore: nec unquam errare posse, quoniam à Christo summa veritate erat & instituta & donata.

Alter locus huiusmodi Authoritatis confirmandus est apud Lucam cap. 22. n. 32. *Ego autem rogo pro te ut non deficiat Fides tua. Et in aliquando conversus confirma Fratres tuos.* Duo hinc sunt: Christum rogasse, ut Petri Fides non deficeret, & Petrum exhortari ut Fratres suos in Fide confirmet. Constat autem quod Christus rogavit, id obtinuisse. Et ad quod hortatus est, Petrum facere, id Petrum omnino præstare potuisse. Rogavit autem Christus, ut Petri Fides nunquam deficeret, nunquam igitur defecit. Hortatus est Petrum ut ceteros in Fide confirmaret, ergo habuit talem Fidem qua eos confirmare posset. Unde sequitur in rebus Fidei Authoritatem certam eum, constantemque habuisse. Locutum autem Christum de Petro Pontificis Romani & Pastoris Universæ Catholicæ Ecclesiæ per-

personam gerente liquet ex textu. Nam pro omnibus Apostolis Christus alias oravit Joannis 17. *Ego pro eis rogo. Pater Sancte serva eos.* Inter quos erat Petrus. Pro quo tanquam pro uno ex Apostolis rogavit. Nunc verò aliter pro Petro orat, non tanquam pro uno & privato, sed tanquam pro Capite & Principe Ecclesiæ, atque adeo Publicam sustinente personam. Idcirco ad eum intentius, *Simon, Simon*, proprio appellans nomine, ne quis putaret, quod illum communi omnium causâ eo Privilegio donabat, ad eum propriè non pertinere. Utrique igitur & privatæ, & publicæ Personæ convenire illud significat quod mox ait. *Expetivit vos ut cribraret*: ceu in Petro omnes inessent, cum eo tanquam cum pluribus loquitur *Vos*: cum tamen dixisset ad unum, *Simon*. Sed hic unus omnium instar erat, quod Caput & Pastor futurus erat: Itaque illi, ac in illo omnibus illa firmitas concedebatur. Qui sensus suadetur altera parte sententiæ: *Confirma Fratres meos*, qui in Apostolos non quadrat, qui cum defecturi non essent, eos non erat *Petrus* confirmaturus. Nam ij à Christo oratione illa jam tum servati, & à Spiritu sancto postea confirmandi erant. Illud autem magnoperè observandum: prius Christum orasse ne *Petrus* deficeret: deinde potestatem confirmandi cæteros dedisse: nec enim confirmare posset, si posset deficere. Unde Firma, & infallibilis constat Authoritas. Et vero hunc locum ipsimet Romani Pontifices *Petri* successores magnum suæ in Ecclesia Authoritatis ar-

gumentum habuerunt : quo unanimi consensu utuntur: Lucius Papa Epist. ad Episcopos Gallia & Hispania circa finem. Marcus Papa. Epist. ad Athanas. Tom. Epist. p. 1. Felix. 1. Epist. 3. ad Benignum. Agathio Epist. ad Constant. Imperat. in sexta Synodo lecta & probata. Nicoolaus. 1. Epist. ad MICHAELEM Imperat. Leo 1. Serm. 2. de Natali Petri & Pauli. & Serm. 3. de Assumptione sua. Leo 1x. Epist. ad Michaellem cap. 7. Innocentius 111. in c. Majores de Baptismo. neque Pontifices duntaxat, quorum ut in Causa propria elevare quis Heretodoxorum testimonia conetur, sed alij etiam prisca Authores in hanc mentem locum exposuerunt : quos videre quis poterit apud alios Recentioris memoriae Caetanum lib. de Authorit. Papæ. & de Romanæ Ecclesiæ Primatu. Turrecrematam. in summa Ecclesiast. Bellarminum de Potest. Papæ. Canum de locis lib. 6. c. 3. Becanum Valentiam in controversiis. Suarium in Defens. Fidei contra Reg. Angl. l. 1. Qua de re gravis Author Joannes Maldonatus Comment. in Lucam. c. 22. n. 32. Itaque ait rectè ex hoc loco antiqui, gravesque Authores collegerunt Ecclesiæ Romanæ, & successorum in ea Petri fidem fore perpetuam.

Ex omnibus unum Theophylactum & Pontifices duos volo testes producere. Ita Theophyl. *Planus intellectus est, quia te habeo ut Principem discipulorum, postquam negato me fleviſſis & ad pœnitentiam veneris confirma ceteros. Hoc enim te decet qui*
post

post me Ecclesia Petra es, & fundamentum. Agatho sic. Dominus fidem Petri non defecuram promissit, & confirmare eum fratres suos admonuit, quod Apostolicos Pontifices meæ exignitatis predecessores confidenter fecisse semper, cunctis est agnitus. Nec non Leo Nonus, A sede Principis Apostolorum, à Romana videlicet Ecclesia tam per eundem Petrum, quam per suos successores reprobata, convicta & expugnata sunt omniū hæreticorum commenta. & fratrum corda in fide Petri quæ hætenus non defecit, neque unquam deficiet, sunt confirmata. Hæc nemo solidius ac elegantius Leone 1. dixit Serm. 2. de Natali Apostol. Petri & Pauli, quem quia citant plurimi, non adduco. Apud Suarium, & Maldonatum legat qui volet.

Duo hîc quæri possunt. Primum: quomodo post hanc Christi Orationem negavit Petrus Christum? atque adeo defecisse videtur à Fide? Alterum quomodo intelligitur illa particula *Conversus*, & quâ ratione ad confirmandos fratres pertineat? Primo respondetur primum. Christum non expressisse tempus pro quo rogaverat, sed in quo rogaverat. Dixit *Oravi* de præterito, ut orasse jam constaret. Sed pro quo tempore rogasset, cum illud futurum esset, non dixit. Unde cum oratio esset de re futura non constat, rem statim post orationem fuisse secutam. Videtur autem Christi oratio effectum habere cepisse ab eo tempore, quo Christus in Passione respexit Petrum, ac convertit ad Pœnitentiam. Et egressus Petrus foras flevit.

flevit amare. Nam ex illo deinceps nunquam defecit. Et quidem Christo adhuc vivo cum adhuc Petrus privatus esset, & tantum Princeps & Pastor designatus ante possessionem, mirum non est eum posse deficere; sed Christo mortuo, & Petro post Resurrectionem Pastore ab eo instituto, & Ecclesie data ovium possessione Præposito, & vices Christi gerente, Christi oratio effectum fortiri coepit suum, & Fides per eam impetrata re obtineri. Observandum est enim Christum antea Matth. 16. promississe Petro de futuro Ecclesie Primatum, uti verba indicant quæ sunt in futuro. *Edificabo Ecclesiam meam. Tibi dabo claves. Erunt ligata, &c.* designaret Principem, non crearet. At verò post Resurrectionem suam Christus, quod promiserat, implevit, traditis Petro ovibus suis, eoque Principe creato & confirmato, *Pasce oves meas* ter ad firmitatem possessionis repetito. Itaque ex quo Petrus Publicam gessit Pastoris Ecclesie Personam, donum illud Firmitatis ad omnes alios dirigendos & corroborandos in Fide accepit. In quam sententiam rectè Augustinus in loc. Joan. Hunc invenit exitum ille negator, & amator, præsumendo elatus, negando prostratus, flendo purgatus, confitendo probatus, patiando coronatus, hunc invenit exitum, ut pro ejus nomine perfecta dilectione moretetur, cum quo se moriturum perversa festinatione promiserat, faciat ejus Resurrectione firmatus, quod immature pollicebatur infirmus. Hoc enim oportebat, ut prius Christus pro Petri salute, deinde Petrus pro Christi

Christi predicatione moretur. Præposterum fuit, quod audere ceperat humana temeritas; cum istum dissoluisset ordinem veritas. Animam suam se posuit pro Christo Petrus putabat, pro liberatore liberandus, cum Christus venisset animam suam positurus pro suis ovibus in quibus erat & Petrus. Igitur

Petro illud Firmitatis & Auctoritatis credendo & confirmando orationis Christi virtute Privilegium ante ipsius Christi mortem donatum non est, quod nimirum adhuc in ovium grege, uti unus e grege privatus erat; post Resurrectionem vero Christi, cum Petrus accepta in Oves potestate & vir gregis, & Pastor institutus, & Publicam agebat Personam, eo donatus est munere, quod ad dignitatem pertinebat. Itaque firmus, & Author cepit esse ex quo Princeps, & Pastor esse cepit. Idem Augustinus. Si dilectionem tuam erga me habes; ubi ostendas habes, ubi exerceas habes, Pasce agnos meos. Et mox jam ex Ove in Pastorem transit, & vicarium Christi agit, quando idem agit quod Christus, id est, & patiando, & moriendo pro Ovibus. Nam id circo infra n. 18. Christus Petro mortem portendit. Alius te cingat, & ducet, quod tu non vis.

Pergit Augustinus. Quatenus pascendi essent agni & dominice oves tanto pretio comparata, quanta essent dilectione pascenda, in consequentibus demonstrat. Postquam enim Petrus impleto legitimo numero trine responsionis professus est se Domini dilectorem, commendatis sibi ovibus ejus audit de futura Passione. Hæc prima

prima est responsio admissio quod *Petrus* à Fide negando defecerit, non quod affirmem, sed quod si quis affirmet, videat se nihil inde posse concludere.

Secundum respondetur *Petrum*, etsi negaverit Christum, non tamen à Fide defecisse, cum ore tenus duntaxat negaverit, corde retinuerit: quæ communis Patrum & Scholasticorum sententia est, quemadmodum Interpretes Evangeliorum observant; & scitè scripsit Prudentius, in lib. Cathemer.

Flevit negator demique

Ex ore prolapsum nefas.

Cum mens maneret innocens

Animusque servaret fidem.

Imo & sunt gravissimi Ecclesiæ Patres, qui *Petrum* crimine negationis absolvunt, aiuntque specie tantum negasse, re autem confessum: imo & ideò negasse hominem, ut Deum esse doceret: uti refert Hieronymus in cap. Matth. 26. notans Hilarium & Ambrosium ità sentientes; quorum meritò improbat sententiam. Id constat *Petrum* negantem metùs causà ac privatum fecisse, atque adeo à Fide nec defecisse, nec quicquàm promissionis Christi firmitati negando detraxisse.

Sublatà

Sublatâ huiusmodi difficultate, Secunda superest. Cur Christus & quâ ratione dixerit: Conversum eum Fratres suos confirmaturum. Sensus ex dictis constat. Nimirum ab eo tempore veritatem promissionis incipere, quo *Petrus* post negationem resipisceret: seque denuò ad Christum flendo primum, deinde amando converteret. Tum enim satisfactione repræsentatâ, & acceptâ gregis possessione eo privilegio est donatus. Sic Euthymius hîc, & Theophylactus, et Ambrosius in Psalmum 43. & Leo 1. Sermon. 2. in Natali *Petri* & *Pauli*, & Sermon. 3. de Assumpt. sua. Nec id ego temerè opinor, observo. Hanc particulam *conversus* magno Evangelistis in *Petri* ad Christum, & Christi ad *Petrum* conversione usui fuisse. Nam post negationem *Petri* ait Lucas. *Conversus Dominus respexit Petrum* & c. 22. Tu aliquando *conversus*, & Joannes c. ultimo. *Conversus Petrus vidit illum discipulum*. Ex qua analogia deduco, ipsam vocem sibi ad hoc privilegium significandum respondere: ita ut *conversus Petrus* ad Jesum *conversum* respiciat: à quo sanè erat per Gratiam convertendus, & ad confirmandos Fratres formandus: ut cum postea apud Joannem illam acciperet potestatem *conversus* diceretur: ceu monere nos Evangelista vellet istâ repetitione vocis connexionem privilegii concessi cum ejusdem promissione significari. Ita *Petrus*, cui promittitur, dicitur *Conversus*: idem cui traditur *Conversus* item dicitur. Ut repetentes vocabulum rem quoque

memoria repetamus : qui *Conversus* potestatem accipit, ei cum *Conversus* fore prædicitur, promissam fuisse. Nec id suâ conjectura iustâque destituitur. Nam istud *Conversus* apud Joannem, videtur pertinere ad Officium pastoris, quod tunc à Christo Petrus acceperat. *Pasce oves meas.* Quo accepto cum Christus sequi se **P E T R U M** juberet, & *Petrum* sequentem **J O A N N E S** sequeretur : *petrus* ceu pastor de Joanne tanquam de ove sollicitus respexit ad Joannem : & respiciens ab Evangelio *Conversus* dicitur. Perinde ac tempus destinatum à Christo ad promissionis effectum declarandum illâ voce *Conversus* indicaretur. Nam illud *Aliquando Conversus*, huic actioni convertentis se ad Joannem *Petri* respondebat, de quo dicitur *Conversus petrus* ex officio pastoris.

Cui Officio erat annexum privilegium Confirmandi in Fide oves, quas Joannes significabat. Et quanquam diversa videatur vocis significatio apud Joannem cum i. i *Conversionem animi* ad Deum : hic *Conversionem* vultus ad Joannem indicet, nil ramen obstat quo minus et si diversa notio sit, ad idem tamen mysterium pertineat : cum præsertim apud Lucam illa vox *Conversus* alias habeat significationes, uti observant Interpretes : quarum una hæc potest esse *Conversi Petri* ad Joannem, cum ea curam & sollicitudinem potestatis retro concedendæ cum est *Conversus* ad Joannem impleta sit. Vereor ut hæc non tam subtilia quam futilia videantur : sed video non paucis ista probari, & aliquando, Augustino,

Augustino, Hieronymo, & Ambrosio, & Chrysologo qui Antithetis & Analogis sæpè delectantur, similia placuisse.

Tertius locus hic est quem modo attigimus, & sæpe antea Joannis ultimo. *Pasce Agnos meos. Pasce Oves meas.* Qui illustris est, & maxime celebratur. His enim verbis Christus præstitit, quod promiserat petro, pastorem cum gregis sui & caput Ecclesiæ instituens, quem antea designaverat: quemadmodum scribit Joannes Maldonatus, ac est communis sententia. Quod autem hic locus primatum petri probet, & confirmet, cum nostræ de Auctoritate certa, ac infallibilis mētis fundamentū sit, operæ pretium erit ostendere. Ac primum *pasce* perinde esse ac regere, gubernare & pastoris instar dirigere, suadetur ex psalmo 79. *Qui regis Israel intende;* ubi Hebraicè est *מִי־יִשְׂרָאֵל* qui *pasce*. Unde psal. 77. *Pascere Jacob servum suum.* Quare Matth. 2. Quod Latinus Interpres habet: *Exiet Dux qui regat* Græcus reddidit *ποιμανῆν* *pasce*, cum in Hebræo sit *שָׂדָה* *dominetur*. Accedit locus 2. Reg. 5. *Tu pasces populum meum Israel.* Qui sensus à sacris ad profanos quoque Authores transit. Nam solet Homerus Reges *ποιμῆνες* pastores populorum appellare. Hac ratione apud Joannem *pasce* Oves id est, *regere*. Sedulo, & amanter pastoris more. Petrus igitur, eum pastor, idem et princeps est institutus. Ita sentit Ambrosius Serm. 48. de Temp. & Serm. 1. de Sanctis, seu de Cathedra petri, & lib. 1. in Luc. c. 24 & lib. 5. de Fide. in proam. & lib. de

Dignit. Sacerdot. c. 2. & Cyprianus de Unitate Ecclesiæ circa princip. Eusebius Emisenus Serm. de sancto Joanne Evangelista. Augustinus hic & Serm. 62. 49. de verb. Domini. Beda Homil. in vigilia Apostolorum petri et pauli. Chrysostomus Homil. 87. in Joan. Cyrillus lib. 11. in Joannem. Leo papa 1. Serm. 3. Assumptionis sue. Ambrosiaster 2. ad Corinth. 12. et Galat. 1. et 2. Isidorus de vita et morte Sactorum c. 69. Euthymius hoc loco Joan. Bernardus lib. 2. de Considerat. ad Eugenium. cap. 8. Gregorius Magnus lib. Epistol. Epist. 32. ad Mauritium Augustum. Arnobius in psal. 138. Eucherius in Vigilia Sancti petri. *Qui omnes locum intelligunt de summa petri in totam Ecclesiâ ptestate, quæ et docêdo cum Authoritate, et regendo cum imperio exercetur. Omnes autem erudiêdos, & Gubernâdos esse à petro, tum Infirmos tum fortes, tum subditos, tum præpositos, Christus significavit distinguens Gregem in Agnos, & Oves, Pasce Agnos meos, Pasce Oves meas, ut neminem vellet exceptum. Id cum Theophylactus, & Rupertus obscuriùs jecissent. Clarissimè dixit Emisenus. Prius Agnos, deinde Oves commisit: quia non solum Pastorâ, sed Pastorû Pastorem eum constituit. Pascit igitur Petrus Agnos: pascit & Oves: Pascit Filios, pascit & Matres. Regit & subditos, & praelatos. Omnium igitur Pastor est, quia præter Agnos & Oves in Ecclesia nihil est.*

Eadem est mens aliorum Patrum, licet non eâ quæ acutior est, quam solidior, conjecturâ nixa.

Quan-

Quamquam eam Ambrosius item respexerit lib. 10.
 in Lucam. c. 24. in fine. Jam non Agnos ut primo,
 nec Oviculas ut secundo, sed Oves pascere jubetur,
 perfectiores ut perfectior gubernaret. Recte igitur
 Bernardus lib. 2. de Considerat. c. 8. Non modo
 Ovium, sed & Pastorum tu unus omnium Pastor. Unde
 id probem quæris? Ex verbo Domini. Cui enim non
 dico Episcoporum, sed etiam Apostolorum sic absolute &
 indiscrete, tota commissa sunt Oves? Si me amas Petre
 pascere Oves meas. Quas? illius, vel illius populos ci-
 vitatis aut regionis, aut certi Regni? Oves meas inquit.
 Cui non planum non designasse aliquas, sed assignasse om-
 nes. Nihil excipitur, ubi distinguitur nihil. Et
 foris presentes ceteri condiscipuli erant, cum commit-
 tens uni unitatem omnibus commendaret in uno grege, &
 uno Pastore secundum illud? Una est Columba mea.
 Ubi unitas ibi perfectio. Et pulchre Cyprianus.
 lib. de Unit. Ecclesie circa princip. Loquitur Do-
 minus ad Petrum, Ego dico tibi, Quia tu es Petrus, &c.
 Et iterum eidem post Resurrectionem suam dicit, & pascere
 Oves meas. Super illum unum edificat Ecclesiam
 suam, & illi pascendas mandat Oves suas, & quævis
 Apostolis omnibus post Resurrectionem suam parem po-
 testatem tribuat, & dicat, sicut misit me Pater, &c. Et
 quorum remisit peccata, &c. tamen ut unitatem ma-
 nifestaret, unam Cathedram constituit, & unitatis ejus-
 dem originem ab uno incipientem suâ auctoritate dispo-
 suit. Et infra Primatus Petro datur, ut una Christi
 Ecclesia & Cathedra una monstretur. Explicavit quæ
 esset par illa potestas omnibus Apostolis data, id
 est,

est, pascendi & Regendi Oves in Ecclesiis, sed ita,
ut inter eos Petrus tanquam Caput & Princeps emi-
neret, & illi has oves cum haberent, quarum essent
Pastores, Petri tamen Oves haberentur: ut *Domine
esse Ovis & unus Pastor, & Ecclesia unitatem sub
uno Capite & Pastore haberet.* Hæc ratione Pe-
trum veritatem *Omnia Apostolici* Chrysostomus Ho-
mil. in Joannem 87. appellavit. Claudat hoc
agmen Patrum Augustinus Tract. 123. in Joan-
nem. *Nec alius toties audit à retro, quam se dili-
gi: nec alius toties commendat retro, quam Oves suas pas-
cat.* De ad suum quo semper respicit successores,
& Ecclesiam sensum Serm. 49. de verbis Domini
*Dicit Dominus retro in quo uno format Ecclesiam: retre-
dus me.* Respondet Amos: *pascas Oves meas,* quo
maximè cum Cypriano consentit. *unus pastor & unus
grex.* Probari autem ex hoc loco Doctrinam petri esse
certam, & Authoritatem Infallibilem apparet.
Ad id enim institutus est Pastor, ut Oves dirigat, &
serve & pascat, quæ omnia spectant ad doctrinam
cuius est dirigere, ne errent: servare à lupis ne dis-
cerpantur: pascere in optimis pascuis, ne pere-
ant. Si autem Pastor erret, & in devia & abrupta
vadit, Oves sanè secum ducet, & in præceps da-
bit. Si ad Lupos deficiat, iis dilaniandas Oves
trahet. Si in noxia inducat pascua, & venena-
tis herbis pascat, prorsus interibunt. Brevi de Grege
actum erit. Quare Divinitus summus ille Pastor
Christus, se Optimum describens pastorem, &
Ideam pastorum, quos informabat, cuncta est de-
scribendo

scribendo complexus. *O* Joannia. Nam primum
Ostium se constituit. *E*rgo sum *Ostium*, ne *Gate* ab
Ostio aberraret, ac per Christum ad optimam sala-
 briam pascua intraret. *per me si quis introierit salva-*
bitur, & *pascua inveniet*, non precipitia. Unde
 patres Chrysostomus, Euthymius, Theophylas-
 tus *Ostium* Scripturam sacram intelligunt recte ac
 ex Fide Ovibus expositam: quam *Ostiarinus* Spi-
 ritus Sanctus, iisdem authoribus, vel ipsemet, Chri-
 stus Authore Ruaperto, aperit, & interpretatur per
 Doctores Sacros, idoneos, ritè institutos, ac mis-
 sos: uti notant hoc loco Cyrillus, Augustinus, &
 Beda, & Theophylactus. Nec satis id est; *Educit*
 eas: & *omnemiserit ante eas* *vidit*, ne quæ deerent,
Oves enim sequuntur, & *voce meæ audiant*. Tanta
 est in docendo & ducendo cura. Deinde *Fures* &
Latrones amovet Christus studio servandi Gregis:
 ne in Lupos, qui nulli sunt pravis Magistris faviores
 incidant, à quibus discerpantur & perdantur. Hos
 enim pseudophetas, et Hæreticos esse *Omnium* sen-
 tentia interpretum est. Hi enim missi non sunt ab
 pastore summo, nec ab ejus in terris Vicario, et
 aliunde veniunt extra Ecclesiam Romanam, quæ
 una et sponsa est, in qua una auditur vox sponsi,
 atque adeo non intrant ad docendum per *Ostium*
 commune, sed aliunde proprio ducti spiritu impo-
 et pruritu ascendunt instar Latronum, atrocio-
 rum Lupis ad *Oves* in *Caulis* ecclesiæ Romanæ Ca-
 tholicæ abducendas, et seducendas. Cujusmodi
 fuerunt Lutherus, et Calvinus insignes Fures La-
 tronesq;

tronesque vestimentis. [Ovium induto] ad eas
 decipiendas vocem Christi simulantes, manus au-
 tem, unguis, et ungues Leonum, dentesque lu-
 porum regentes, ut simplicem Jesu Gregem ad
 se illa honesta specie traherent, et tractum, tradu-
 ctumque discernerent. Tandem pascua idonea et salubria Christus præ-
 paravit, ad pascendas Oves: à quibus mors exu-
 laret, et in quibus vita inhabitaret, *Ut pascen-
 do vitam habeant.* Nimirum gratiam per Fidem
 animatam, formatamque operibus partam, uti
 Chrysostomus, Euthymius, Theophylactus,
 Cyrillus, Augustinus, et Beda exponunt, in
 qua ingressi pascua, in alia Gloriæ egrediantur:
 quod aiunt Gregorius Homil. in evangel. 14. et
 Rupertus hoc loco. Hæc autem munia commendata
 sunt petro, cum Pastor est institutus, ejusque
 sunt vicariis commissa, quibus dicitur *pasce Oves
 meas.* Hæc ratione *Tanquam bonus pastor,* inquit
 Ambrosius, Serm. 1. de sanctis, seu de Cathedra
 petri, *tuendum gregem accepit, ut qui sibi infirmus fue-
 rat, feret omnibus firmamentum.* Non posset au-
 tem petrus tueri et servare, si errare, regere-
 que se non posset. Itaque habuit, et certam in
 Fide tuenda constantiam, et infallibilem in tra-
 denda auctoritatem. Firmare autem placet quæ
 hæcenus tradidi egregiâ Leonis 1. papæ senten-
 tiâ Serm. 3. Assumptionis suæ. *De toto mundo
 unus petrus eligitur, qui & universarum gentium
 vocationi & omnibus Apostolis, cunctis que eccle-
 sic*

sic patribus preponatur, quavis in populo Dei
multi Sacerdotes sint, multique pastores, Omnes ta-
men **PROPRIE REGIT PETRUS**, quos
**PRINCIPALITER REGIT ET CHRIS-
TUS**. Cui hæret altera Ambrosij lib. 10. in
Lucam c. 24. in fine. Dominus elevandus in Cœ-
lum petrum Amoris sui nobis, Amoris sui veluti Vi-
carium relinquebat; sic enim habes: Simon Joan-
nis diligis me? utique Tu scis Domine, quia amore.
Dicit ei **JESUS**: Pasce Agnos meos. Qui vicarium A-
moris relinquebat, is certe Fidei vicariū reliquerat.
Et cujus Amor non refrixit, Ejus profecto Fides
non defecit.



*Eadem veritas alijs testimonijs con-
firmatur.*

A Resurrectione Domini Petrus cum Primatus
dignitate Authoritatis suæ munus exercuit.
Nam 1. Actorum capite, eligendi in locum
Judæ alterius Apostoli Author fuit, ceu ad eum cu-
ra illius Senatûs pertineret: ac unus eam rem cæ-
teris in Concilio proposuit: & Scripturæ locum

H

ceu

ceti Doctor adduxit. Cap. 2. Predicandi provinci-
 am primus ac solus suscepit: & Auditores ad Fi-
 dem Baptismumque hortatus est. Cap. 3. Claudum
 illum stantem pro Speciosa porta sanavit, & re-
 dit jam insistentem vestigiis ad viam salutis perduxit.
 ita documento, officij sui esse, eos qui in Fidei
 tramine claudicarent, a se & corrigendos, & confir-
 mandos. Cap. 4. Coram Pontifice & Senioribus Ju-
 dæorum, rationem reddit miraculi & Christi Resur-
 rectionem, & Divinitatem depredicat, & Eccle-
 siæ Authorem, & fundamentum vocat: miranti-
 bus ceteris fructum ex Petri concionibus, & ope-
 ribus consecutum. Cap. 5. Quoniam Potestas Pe-
 tri summa erat, & æqualis Autoritas, atque ad
 supremum Doctorem & principem spectat & do-
 cere, quæ facienda sunt, & secus facta punire, ac
 legem statuere & vindicare ejusdem est Potestatis,
 Ananiam & Sapphyram violati voti Reos morte
 multavit: & eodem capite, umbra suâ ægrotos
 sanavit. Quod non vacat mysterio; solus enim
 Petrus ex omnibus Apostolis umbrâ patravit mira-
 cula. Nempe quod umbram Christi figuramque
 gerebat: cumque umbra in eo multum adderet
 dignitatis Personæ, cuique ratione Vicarius Christi,
 & Princeps Ecclesiæ esset; æquum erat, ut quod
 aliis per propriam patrabant personam æquus per
 umbram operaretur. Cum præsertim uti obser-
 vat Chrysostomus. Umbrante unum Petrus, reli-
 qui omnes in platea stantes sanantur: atque id
 verba textus significant: Ita ut in plateas ejicerent
 infirmos.

infirmosque ponam in lectulis & grabatis, ut veniente Petro saltem umbra illius obumbraret quinquam illorum, & sanarentur omnes. Ubi duo observanda sunt. Alterum unius Petri umbram ad omnes pertinere. Alterum uno obumbrato sanari omnes, etsi ad eos umbra non pertingeret. Primo enim indicatur Petrum, uti umbra est Christi, universalem Pastorem esse, quod non habet ratione Personæ, sed figuræ. Secundo quicquid circa rem unam decernit Petrus ad universorum Fidem pertinere. Itaque quod unius occasione personæ à Pontifice definitur, id non ille solus ad quem propriè definitio spectat, sed omnes alii credere tenentur.

Cap. 8. cum Simon Magus Spiritus Sancti Donum pecuniâ emere vellet, & simoniam in Ecclesiâ conaretur inducere obviam nefario conatui Petrus iit, quod ad illud malum, quod Sacer Reipublicæ maxime infestum est avertendum Summi Pontificis adhibenda esset Authoritas: nam cujus erat Ecclesiâ gubernare, ad eum sanè spectabat, tam præsens ab ea periculum propulsare. Pertinebat autem ad Pontificiam doctrinam, quantum illud Peccatum foret illustri documento declarare. Jam verò quæ c. 9. de Curato Ænea, & suscitata à mortuis Tabitha narrantur, magnum pondus habent ad confirmandam Petro ad faciendam supremæ suæ Authoritati fidem Patrandi miracula potestatem factam. Præterea cum futuri essent Hæretici, qui solâ Fide contenti, bona

opera necessaria ad salutem eternam esse negarent, ad *Petrum* attinebat, eos *Tabitha* ob insignem in *Rauperes* misericordiam charitatemque à mortuis revocatâ, docere *Fidem sine operibus mortuam esse*, quando operibus cum *Fide* conjunctis vita reddebatur.

Quid? quod capitis X. Historia *Cornelij* Centurionis tota hujusce *Authoritatis* documentum est. Nam solus *Petrus* ex omnibus ad primam illam Gentilium conversionem, quæ pignus erat vocationis Gentium authore *Coelo* minister deligitur, & cum ad illud via & porta solis *Judeis* aperta esset, clavem alteram *Petrus* adhibuit, quæ illam Gentibus aperiret: ut utriusque Populi ad *Christianam Fidem* vocatio à *Petro* initium acciperet. Cumque *Paulus* à *Spiritu Sancto*, hominum tamen operâ ad illud ministeriû cum *Barnaba* *Act. 13* segregatus esset, *Petrus* à *Deo* per Angelum destinatus est: quod *Paulus* superiorem haberet in terris, *Petrus* non haberet. Ecquid autem majorem tunc *Authoritatem* exigebat, quàm salutis *Christianæ* mysteria Gentibus patefacere & importire? Itaque primus ille scivit *Deum* non esse *Personarum* acceptorem, & *Gratiæ* legem omnibus novit esse Gentibus communem: Et *Christo* ad *Chananaeam* testante se non esse missum nisi ad *Oves* quæ perierunt de domo *Israel*: *Petrus* ab eodem Angeli ore mittitur, ad *Oves* Gentium, ut eas in unum *Ovile* cum cæteris congregaret: ita Authore *Petro* completum est illud *Christi* vaticinium. *Fiat unum*

Ovile.

Occide, & unus Pastor. Sanè decuit ut ab ipso
 Apice ac vertice Authoritatis ac Potestatis *Petro*
 & Spiritus Sancti effusio, & Baptismi lustralis as-
 persio in Gentes fieret. Quemadmodum ex eodem
 capite constat, ut restantia, tamque mirabilis, ac
 prænovitata insolens, summâ *Petri* Authoritate fir-
 maretur: necâ quoquam improbâri infringive pos-
 set, quod à Capite & Principe Ecclesiæ gereba-
 tur. Clarius adhuc multò & illustrius testimoni-
 um redditur cap. 11. ubi Judæis cum *Petro* exposu-
 lantibus, quòd prophanas gentes ad Communionem
 Ecclesiæ admisisset: ipse satisfacit exponens obje-
 ctam sibi lintei è Cœlo delapsi speciem, quod à
 quatuor plagis, totidem angulis suspensum, ad se
 demittebatur bestiis, & volucris refertum: voce
 intonante *Iac* invitante *Surge Petre, occide, &*
manduca. Cujus cum significationem aperiret, do-
 cuit Gentes in Ecclesiæ gremium invitandas ac re-
 piendas esse: id que toto Cœlo attestante confir-
 mari. Itaque *Petrus* Author primus extitit tan-
 tæ rei, quâ nulla majori tum contentione agitata:
 nec minus tum à Judæis expectata, gravi deinceps
 & iniquo animo, à vulgo illorum hominum re-
 cepta. Hanc tamen Authoritate suâ *Petrus* emol-
 livit, & firmavit, ut quanquam postea *paulo*
 ministerium fuerit prædicandi Gentibus commen-
 datum, Auspicia tamen, & initia à *Petro* du-
 cerentur. Nobile item est hujusce veritatis argumentum
 oratio illa Ecclesiæ c. xii. pro *Petro* in Carcere
 detento.

detinens ab omnibus in ea contentis fidelibus facta.
 Nam cum Iacobus tantus Apostolus & victus an-
 tea esset, & afflictus & postea jugulatus, non legimus
 Ecclesiam communes pro eo preces suscepisse,
 Silentio transacta sunt illa, & tanquam privata illa
 immahitas esset, minus se Resp. Christiana comovet.
 At ubi eo mortuo in *Petrum* injecte sunt manus, &
 ille in Carcerem coniectus, & cum illo tota pe-
 riclitaretur Ecclesia, conjunctis animis, & vocibus
 Deum pro illius, tanquam pro communi salute
 rogarunt, nec destiterunt, donec ille Angeli ope
 & opera liber evasit, & universam Christianam
 Remp. metu & solitudine liberavit. Ex quo
 inter utrumque Apostolum discrimine patet, quan-
 tum inter privatos Doctores & Episcopos ac *Petrum*
 interesset: & quantum momenti ad Ecclesiam
 commovendam habitura esset autoritas, pro cuius
 liberatione universa orabat.

Cap. 15. in quo primum Concilij forma ratio-
 que proponitur, obtinet *Petrus* primas Authorita-
 tis & dignitatis. Proposita enim controversia de
 necessitate Circumcisionis, Cum magna conquisitio
 fieret, Surgens *Petrus* dixit ad eos Sententiam
 tanta vi & pondere verborum, ut quid agendum
 esset prorsus definiret. Cui Barnabas & *Paulus*
 assenserunt, & *Iacobus* proprius illius sedis Epis-
 copus adhæsit. Et quanquam hic pluribus senten-
 tiam suam dixerit: non ea tamen prerogativâ qua
Petrus dixit. Nam *Petrus* primus surrexit, judi-
 cavit, definivit: Autoritate propriâ, perspicuè
 &

& absolute, & Gratia necessitatem, vimque, & excellenciam expressit, & commendavit. *Jacobus* autem tantum respondit, & dixit, Ego judico, ceu privatum calculum adderet, & quod *Petrus* statuerat, iudicio suo sequeretur. Itaque neque surrexit, quod dignitatis est, nec absolute definiit, quod est *Authoritatis*.

Sunt alia locorum momenta. Nam Epistolâ ad Galat. i. *Paulus* cum à Christo vocatus, & in Cælo edoctus esset, *Ierosolymam* postea veniens ad *Petrum* adivit, & apud eum mansit diebus quindecim: nec ad *Jacobum* tunc, etsi *Hierosolymita* nus esset *Episcopus*, divertit. Sed ad *Petrum* quasi caput, & Principem se contulit: quo sane significavit ejus & Primatum & *Authoritatem*: nam etsi post annos quatuordecim eodem rediens non cum *Petro* solum, sed etiam cum *Jacobo* aliisque *Evangelicis* consultasset, & initâ cum iis societate ministerium prædicandi Gentibus acceperat, non obstat quominus *Petrum* Principem Caputque agnovisset. Præsertim cum quæsierat, cumque eo dies quindecim habitaret, & quod nexum est, de Fide, ac Evangelio multis egerat, non quod ejus aut doctrinæ, aut approbatione indigeret, sed ut illius dignitati, & *Authoritati* testimonium redderet. Quod cum semel præstitisset, alio opus non erat, ut infra expremo.

Et quidem plures ex Patribus hoc loco *Petri* primatum agnoscunt & firman. *Ambrosius Theodoretus, Oecumen.* & alij eod. cum confirman-
dum

dum utuntur Hieronym. Epist. ad August. 11. & Chrysostom. Hom. 87. in Joan. Græcos de quod nemo suspectos dicit. Chrysostomus. Os erat Apostolorum & Princeps: propterea & Paulus eum præter ceteros visurus ascendit. Theodoretus. Etenim cum humanâ doctrina non indigeret, Apostolorum Principi, quem pare est honorem detulit. Oecumenius. Ut videret Petrum tanquam majorem, ut maneret, causâ honoris, quem Petro deferebat factum est.

Deinde observo Petrum in sua Epistola Apostolum se JESU Christi propriè & absolute nominare, sine additamento aut nexu, aut expositione: ita enim Petrus Apostolus JESU Christi electis advenis, &c. Jacobus vero & Joannes, & Judas in suis Epistolis nusquam se Apostolos appellant. Sed duo primus, & postremus servos se: medius Joannes Seniore se dicit. Paulus autem qui se Apostolum sæpè, ac maximè vocat, eo titulo interdum abstinere uti Epist. ad Philippens. & ad Thesalonic. 1. & 2. ad Philem. & ad Hebræos: interdum Servi nomen præmittit: uti Epist. ad Romanos, & Epist. ad Titum. Et cum se Apostolum dicit, aut non absolute dicit, uti in epist. ad Corinth. 1. Paulus, inquit, vocatus Apostolus, aut cum nexu & respectu ad aliud dicit, quemadmodum Epist. ad Corinth. 2. Cum scripsisset Paulus Apostolus Jesu Christi, addidit per voluntatem Dei. Sic ad Galatas Paulus Apostolus non ab hominibus, neque per hominem, &c. et ad Timoth. 1. Paulus Apostolus Jesu Christi secundum imperium Dei. Fateor Petrum

trum in Epist. 2. Servum se & Apostolum dicere.
 Sed satis est, quod semel se in A. Apostolum
 Jesu Christi simpliciter, & omni præciso addita-
 mento appellet: quod nemo alius Apostolorum
 usurpavit. Illud quidem ad rem maximè videtur facere,
 quod solus Petrus initio Epistolæ suæ trium Perso-
 narum Trinitatis claram & illustrem mentionem
 fecit, cum Paulus duas tantum Patrem Filiumque
 expresse-rit, quemadmodum lector attentus com-
 periet. Igitur Petrus epist. 1. *Secundum præscien-
 tiam Dei Patris in sanctificationem Spiritus, in obedi-
 entiam & asperersionem Sanguinis Jesu Christi.* Qui-
 bus verbis non solum Personæ tres, sed earum eti-
 am proprietates explicantur. Et quanquam Chri-
 sti Domini Divina non exprimatur natura, nec
 proprietas, Persona inducitur, & quod necessa-
 rium est ad æternam consequendam salutem cre-
 dere, id est, verbi Divini Incarnatio exprimitur, ut
 Petrus præcipua Fidei Christianæ Capita in epistola
 illa 1. sua, ceu summam totius doctrinæ tanquam
 princeps & Doctor Universalis Ecclesiæ proposue-
 rit. Et quidem decebat, ut in quo suprema erat
 ad regendam Ecclesiam potestas, summa in eo
 quoque esset ad docendam & instruendam Autho-
 ritas: cum ea potestas spiritualis esset, & ad salu-
 tem Animæ quæ Fide nititur ordinata. Hanc Petri fidem constantem & Authoritatem
 infallibilem patres multis ac illustribus titulis de-
 clararunt: ex quibus ea deduci potest. Ac pri-
 mum

mum Concilium Nicheum Petrum Christi Vicari-
 um & ab eo Ambrosius 2. Lucas Anselmus ad cap. 16.
 Mattheus Bernardus lib. 2. de Confid. appellant,
 Equis vero audeat dicere Vicarium Christi qui
 summa Veritas est falli posse, & fallere? cum eadem
 sit Vicarij eius vicem gerit Authoritas. Hiero-
 nymus lib. 1. contra Iovinianum, & Optatus lib.
 1. & 7. contra Parmenian. & Cyrillus Alexandr.
 lib. 12. in Joann. c. 64. Apostolorum & Ecclesie Caput
 vocantur. Cui autem veniat in mentem dicere tam
 puri & pulchri Corporis caput errori esse obnoxii-
 um? & cum Aurum optimum sit, foecibus in-
 quinari? Chrysostomus de Apostolorum eadem ra-
 tione dicit. Eusebius Emisenus Serm. de Sancto
 Joanne Evangelista Pastorum Pastorem nominat.
 Quantum error esset si non modo Oves, sed Pasto-
 res, imo & eorum Pastor errasset? Aut quis erro-
 rem tantum corrigere? cum de uno errante Do-
 ctore Christus dixerit, Quod si saltem fuerit in quo
 salietur? Vericem & Apicem Ceteris Apostolici.
 Cyrillus in Thesauris & Chrysostomus Homil. 87.
 in Joann. nuncupat. Quam deformis esse in Co-
 ronide & Corona edificiis pulcherrimi vitium emine-
 re. Coryphaeum Apostolorum appellat Dorotheus
 Tyrus in Synopsi. Isidorus Pelusiota l. 1. epist.
 epist. 143. Andreas Casariensis ad cap. 13. Apocal.
 Qui autem Coryphaeus esse posset qui errando extra
 Chorum se defaltasset? Duce[m] discipulorum Chri-
 sti dicit epiphanius haeresi 51. Quam inepte Du-
 cem ageret, si cecidisset? cum verum sit illud
 Christi

Christi Domini. Quous si Cæco ducatum præstet, nonne
ambo in foveam cadent? Antesignanum Apostolo-
rum nominat Isidorus Pelusiotæ. Turpe foret
Antesignanum ad errorem, quo nullus maior est ec-
clesiæ hostis defidere. *ecclesia Personam gerentem*
dicit Augustinus Tract. 124. in Joannem. Sane
si Petro falsitas posset obrepere fucos inducto perso-
nam ecclesiæ contaminaret. Rectorem Navis ec-
clesiæ nuncupat Maximus Taurinensis Homil. 3. in
Natali Apost. Petri & Pauli. Male regeret, qui
cum Palinuro ad gubernaculum dormitaret. Petram
& Crepidinem & Fundamentum ecclesiæ Synodus
Chalcedonenfis Art. 3. & communiter patres ap-
pellant. Arena potius diceretur, si minus firma
consisteret, & adflantes doctrinarum ventos cir-
cumferretur. A Crepidinis duritie longe abesset,
si mollesceret ad errores. Firmum Fundamentum
esse nequiret si variarum opinionum pulsibus
quateretur, & in accepta veritate nutaret. Qua-
re optimè Origines Hom. 5. in exod. Vide, ait, magno
illi fundamento. & Petra solidissimo, super quam
Christus fundavit Ecclesiam quid dicatur à Domino.
Et in Psal. 1. petrus super quem Christi ecclesia edifica-
ta est, contra quam Inferorum porta non prevalet, &
Chrysostomus Hom. in Petrum & Aliam. Petrum ta-
lem ac tantum virum, Apostolorum Verticem, Funda-
mentum immobile. & Petram stabilem. Et Augusti-
nus Serm. 13. de Sanctis. petrum itaque Fundamen-
tum ecclesiæ Dominus nominavit, & ideo digne Funda-
mentum hoc ecclesia colit, supra quod ecclesiastici edi-
ficantur.

ficij altitudo confurgit. Equum profecto erat, ne
qui Authore Hilario *Ceteros Fide anteierat, & teste*
Hieronymo Ardentissima semper Fidei inventus fue-
rat, ab ea confirmatus à Christo non recederet,
nec illius ardorem remitteret, sed ad extremum
usque Spiritum servaret, donec Cruci affixus in
media etiam morte Firmitatem et constantiam
indicaret.

Una superest removenda obiecto, quam ur-
gent sæpè Hæretici, tum adversus Primatum, tum
adversus illius auctoritatem. Hanc mihi vindican-
dam sumo, et argumentum sic ex eorum sententia
formo, paulus Galat. 2. narrat petrum Anthiochie
non rectè ad veritatem evangelii ambulasse, atque id-
circo se ei in faciem resistisse, quia reprehensibilis erat.
Erravit igitur, et quidem graviter contra evangeli-
cam veritatem petrus; et est iure à paulo reprehen-
sus, quod si eo minor erat paulus, ac nihil inde pri-
matui juxta Augustinum timendum, ideo magis
metuendum est Auctoritati nam qui cum minor
ausus est reprehendere, errantem sanè deprehendit:
nec enim ei aliter se auderet opponere. Non po-
terat autem non errare graviter qui contra verita-
tem evangelis ambulabat.

Hoc argumento usus fuit olim Marcion adver-
sus petrum, Tertulliano teste lib. de præscript. c.
23. et ex Novatoribus Gardius & Marcus Antonius
de Dominis, apud Becanum Tomo de Controversi.
Hac de re extitit celebris controversia inter duo Ec-
clesiæ Lumina, Hieronymum & Augustinum, quam
multis

multis & eruditissimis ultro citroque missis Epistolis acerrimè agitarunt. De qua Divus Thomas 1. 2. q. 103. a. 4. & et ibidem Theologi. prima responsio est. In eo loco pauli non agi de petro Apostolo, & Apostolorum principe, sed de alio qui unus erat ex septuaginta discipulis; nam paulus cum ibi non vocat Petrum, sed Cephas; quo nomine rarius vocare solet, atque ad eo appellans notat se de alio, non de petro rem narrare: in ea quosdam esse authores sententia, refert Hieronymus in Comment. Epist. ad Galatas. c. 2. cum præsertim inter discipulos esset unus, qui Martialis Cephas vocabatur. Authore Clemente Alexandrino apud Eusebium l. 1. Histor. c. 14. Verùm hæc frigida & inepta evasio est; nam in eodem c. 2. paulò ante paulus n. 9. Petrum Cepham primum appellarat, *Jacobus*, inquit, *Cephas*, & *Joannes*. Ubi Cephas pro Petro ponitur. Quare cum n. 11. Cepham inducit, non poterat non Petrum significare: imo non decebat eum alio nomine, quam Cepha afficere, ne intra duas lineas variare nomen temerè videretur. Itaque omnes fermè patres tum Græci tum Latini locum de Petro intellexerunt.

Comperto & admissio. Cepham Petrum esse; Prima responsio est Hieronymi & patrum quos adversus Augustinum citat Græcorum, Epist. inter suas 89. inter Augustinias 11. neque errasse Petrum, neque Paulum verè illum reprehendisse, sed eos ita rem inter se composuisse, ut Petrus Errorem, paulus

lus Reprehensionem simularet, ut ea ratione Judæos & Gentiles conciliarent, & quid utrisque liceret officiosa illa simulatione docerent. Nam qui Judæi viderent *Petrum* utentem legalibus, Synagogam cum honore sepeliri, competerent; & Gentiles, cum animadverterent reprehendi *Petrum* à *paulo*, eroderent usum illum Legalium iam interiisse, & tantum permitti, cum suprema officia sepulture. Imo & Judæi idem eâ oburgatione docebantur; cum viderent *Petrum* reprehendi à *paulo*, & reprehensum abstinere. Id Origenes, id Didymus, id Apollinaris, id Alexander, id Eusebius, id Theodorus apud Hieronymum Epist. illa 89. sive 11. Consentit Chrysostomus, Theophylactus, & Euthymius in eum locum Galat. Ex Scholasticis unus assentitur Adrianus in 4. q. 1. de Baptismo. Hac ratione inanis est objectio, cum nihil inde adversus *Petri* Authoritatem et dignitatem deducatur.

Sed quoniam hujusmodi sententia, etsi gravissimorum Doctorum, vera non est, uti divino suo ingenio Augustinus demonstravit Epist. 8. usque ad 19. qui cum Latini ferme omnes, tum patres, tum Scholastici sentiunt: dandum est argumento quodd assumit, & errasse in eo facto *Petrum*, & ob id verè, ac rectè à *paulo* reprehensum. Verba enim *pauli* in hac Epistola aliter exponi non possunt: quemadmodum ostendit accuratissime Augustinus. Et patet in textu. Ac ita docet D. Thomas 1. 2. q. 103. a. 4. ad 2. & ib. Thomista, &

Doctor

Doctor noster subtilis, in 4. d. 3. q. 4. §. Quan-
 tum ergo. & Scotista ibidem. Bonavent. in 4. d. 3.
 a. 5. q. 2. Richardus in 4. d. 1. a. 6. q. 4. Duran-
 dus eadem dist. q. 9 n. 7. & 8. paludan. q. 6. a. 5.
 coticl. 4. Gabriel q. 4. a. 3. dub. 3. Sotus l. 2. de
 iust. q. 5. a. 4. ad 3. membr. 1. argum. eandem
 docuit Hugo de sancto Victore. quæst. in Epist.
 ad Galat. q. 6. Imo & ita definitum esse in Con-
 cilio Florentino affirmat Caietanus, & Dominicus
 Soto. alter ad locum. 1. 2. alter lib. 2. de Justitia.
 plures videri possunt apud Vasquez. 1. 2. d. 182.
 & Becanum in Tomo. de Controvers. in Opuscu-
 lis. l. 2. de Repub. Ecclesiast. et quidem Erras-
 se petrum, & ob id objurgatum, affirmant diserte
 Augustinus & Cyprianus Epist. ad Quirinum, nec
 Gregorius Homil. 18. negat, & confirmat Divus
 Thomas in 2. 2. quæst. 33. a. 4. ad. 2. & est commu-
 nis sensus Authorum. Quomodo erravit Petrus
 videndum. primum non erravit in aliquo articu-
 lo Fidei: nam communicare tum cum Judæis, &
 eorum traditiones, ut ait Augustinus, obser-
 vare, licitum erat: modo spes salutis in iis non
 poneretur. Ac iis etiam Paulus ipse est usus, cum
 Timotheum circumciderit, et totonderit in Cen-
 chreis caput, et se Hierosolymis purificaverit, et
 obtulerit. Igitur eo in usu Petrus non peccavit.
 Erant enim Legalia, dum Lex Gratiæ promulgata
 non erat, mortua tantum, sed non mortifera:
 permittiebanturque à Deo, ut inquit Augustinus, in
 Synagoga cum honore sepeliretur. Constat igitur Pet-

trum in Doctrina Fidei non errasse. Tantum ergo erravit, in aliquo vel affectu, vel circumstantia loci, aut temporis, vel in utroque. Nam timore percussus videtur: cum dicat Textus *Timens eos qui ex Circumcisione erant*; et iste fortasse timor culpatur. At paulus non dicit eum ob Timorem reprehensibilem: sed innuit culpam in opere, nam non rectè ambulabat ad veritatem Evangelij, et scandalum præbebat exemplo. Igitur opere et facto errabat. Sanè: sed extra re Fidem errabat. At in eo error erat, quòd alieno tempore illo convictu et cæremoniis usus est: cum Gentiles repentè reliquerit, et ad Judeos qui recenter advenerant se transtulerit, ac eorum more vixerit. Unde scandalum oriebatur apud Gentiles, quos adhuc in fide teneros illa mutatio posset percellere, & ex ea secuta, observantia Legis perturbare. Itaque ad incogitantiam potius, & imprudentiam error ille pertinet, quàm ad aliquod vitium voluntatis, & morum. At ita ferme explicant huiusmodi errorem Petri Patres & Doctores: ac inter omnes luculenter Vasquez. d. illa 103. c. 7. & Suarez. l. 9. de legib. & in Defens. Fidei contra Regem Angliæ l. 3. c. 11. Quare in Politica Petrus, non in doctrina Fidei erravit. An peccaverit ambiguum est. Id constat graviter non peccasse. Quod acutè & accuratè probat Scotus. Peccaveritne venialiter disceptatur. Et quidem sic peccasse Augustinus, & Thomas, & Scotus, cæterique non negant. Recentioris memoriæ Theologi omni-
no

65
no negant, ne quoniam in Petro verum admittant.
Ita Vasquez sentit, & contendit probare illo cap. 7.
n. 56. Ego non dubitem in Petro leve ac veniale
Peccatum, sed in Iudicio potius Politico, quam in
re, & mentis intentione admittere: nec id quicquam
detrahit aut dignitati, aut authoritati, cum prae-
sertim veniales culpe tam facile obrepant. Nec
video, qui sine Peccato Petri, verba Pauli possint
consistere: nam nisi peccasset, non diceretur à
Paulo *Reprehensibilis*, quod supra Personam cadit,
non supra nudum factum. Præterea, quomodo li-
berari ab omni culpa potest, qui non rectè ad veri-
tatem Evangelii ambulabat: & qui exemplo illo suo
Judaizare Gentes cogebat? Itaque etsi neque do-
ctrinâ, neque intentione errasset, nec graviter de-
liquisset, saltem, in modo & circumstantia tem-
poris per incogitantiam, & imprudentiam pecca-
vit: quæ cum non omnino esset invincibilis, &
aliqua levis negligentia obrepisset, satis fuit ad
culpam venialem contrahendam. Quare argu-
mento non concedimus Petrum ullo modo in do-
ctrinâ errasse, cum usus ille Legalium pro eo tem-
pore Judæis permitteretur, nec ob eum reprehen-
di à Paulo, qui illis etiam usus fuerat, potuisse. Lo-
co autem concedimus Petrum ex incogitantia obre-
pente incuria, levissimè peccasse: quo & integra
Paulo Fides, & petro incorrupta authoritas manet.
Grave testimonium Tertulliani clausula esto. lib.
de Præscript. *Ceterum si reprehensus est Petrus, Con-
versationis fuit vitium, non Predicationis.*

K

Alium

Aliud scrupulum objicit Thomas Angelus Pa-
 ragr. illo suo xx i i. non quo fidem *Petri* infirmet,
 sed quo imminuas auctoritatem. Quem move-
 bant antea Marcus Antonius, & Gardius, & Se-
 renissimus item *Jacobus* Rex Angliæ ex æquali-
 tate cæterorum cum *Petro* Apostolorum, & Socie-
 tate cum *Paulo* & *Barnaba* initæ Ad Galatas 2. ubi
Paulus cum agnovissent Gratiam quæ data est mihi *Ja-
 cobus*, & *Cephas*, & *Joannes*, qui videbantur Co-
 lumnae esse, dexteræ dederunt mihi, & *Barnabo* so-
 cietatis, quo loco non solum non superior *Petrus*,
 sed inferior *Jacobo*, qui prior ponitur, significa-
 tur: ac deinde in ordinem cæterorum redigitur.
 Objectum scrupulum supra jecimus & removimus:
 nunc prorsus tollemus. Nihil eo testimonio detra-
 hitur Auctoritati supremæ *Petri*, nam cum *Paulus* c.
 i. dixisset venisse se Hierosolymam videre *Petrum*,
 & apud illum fuisse diebus quendicim, satis decla-
 raverat *Petri* excellentiam & auctoritatem, cum ne-
 minem illum ei vel præposuisset, vel conjunxisset.
 Quare non erat necesse, ut mox iterum ejusdem
 rei mentionem faceret: nec enim id tunc *Paulus* a-
 gebat, imo ab eo quod agebat maxime alienum
 erat, *Petri* summam in Ecclesia auctoritatem testa-
 ri: nam ea mens, id consilium *Paulo* erat, Doctri-
 nam suam à Christo ipso & Spiritu sancto accep-
 tam ostendere, ut nihil ei homines, ne Apostoli
 quidem, contulissent. Ad id autem demonstnan-
 dum æqualitas maxime faciebat: quam eâ ratione
 voluit *Paulus* inducere. Nec id sanè inficiandum,
 Paulum

paulum in eo *petro* & Apostolis parem fuisse: quem admodum observat *Suarez*. l. 3. defensionis *Fidei* c. 11. n. 18. Quare cum de eo tantum *Ibi Paulus* ageret, non erat opus ut *Petri* excellentia memineret; cum præsertim eam satis primo capite expressisset. Eo autem nihil supremæ *Petri* auctoritati derogatur: nisi forte, si quis se *Anglus* ingenio, & sapientiâ *Parem Jacobo Regi* eo tempore quo regnabat diceret, idque probasset, is omnino negaret *Jacobum* auctoritate superiorem esse. Itaque potuit *Paulus*, potuerunt Apostoli pares se in multis *Petro* ostendere, idque verè affirmare, nec tamen ejus Principi auctoritati derogare. Ut autem ad *Thomam Anglum* stylum convertam. Fateor eum in potestate Consecrandi *Chalcedonensi* Episcopo parem esse: cum tamen hic eo & dignitate, & auctoritate, & Jurisdictione superior sit, & cui *Thomas* *Anglus* omnino, quod sit Pastor, teneatur, ut *Ovis*, obedire. Quod ut faciat moneo, ne perperâ sentiendo & scribendo erret, & errando à *Caulis Christi*, ad aliena & inimica septa deficiat: idque magno re curandum, nam quædam jam in *Thoma* decerrantis apparent vestigia.

Quæ diligenter observo. Et quidem hoc loco castiganda sunt. Supponit primum: nos qui summam *Petro* auctoritatem ac infallibilem damus affirmare *Petrum* accepisse *Inerrabilitatem respectu cæterorum*, quasi *cæteri* errare potuissent, & post separationem ad *Petrum* pro instructione redituri: postquam plenitudinem *Spiritus Sancti* ad *Orbis* magisterium ac-

ceperunt. Quo quid ait *insulsus esse potest* ? Falsum ille omnino supponit. Cui enim id Catholico in mentem venit ? Nemo dicit Apostolos errasse, aut in fide errare potuisse, neque à Petro confirmatos esse, aut potuisse confirmari: uti articulo superiore tradidimus; sed illud tantum Catholici *Authores* asserunt; *Petrus* illam Firmitatem credendi & potestatem confirmandi tanquam Caput, & Pastorem Ecclesie accepisse, eam que ad Successores cum eadem dignitate, & autoritate transisse: ac in iis respectu aliorum Fidelium Pastorumque & fuisse, & esse, & fore. Nec enim ex *Petri* Privilegio Apostolis quicquam de sua Fide & autoritate detractum: nec *Petrus* in Fidei firmitate privatâ eos antecedeat: sed in eo quod ea Fides in *Petro* erat Capitalis, & cum Eminentia & respectu ad totam Ecclesiam: unde reliquos qui errare poterant, ex officio poterat & debebat confirmare. Itaque duo discernenda sunt in *Inerrabilitate*, ut ait *Thomas Anglicus*, *Petri* & Apostolorum, Firmitas privata & Autoritas publica. In primo Apostolis *Petrus* potuit non excellere; sed in secundo non potuit non excellere, cum in singulis Apostolis non esset Autoritas Capitis ad universam Ecclesiam pertinens, cujusmodi erat in *Petro*, nec enim tot erant Capita Ecclesie, quot Apostoli. Itaque insulsiſſime *Thomas Anglicus* supponit, & ineptissime ratiocinatur.

Deinde minus fideliter in exponendo textu procedit, coniungens locum *Pauli* conferentis Evangelium, cum illo quem citat: *Jacobus & Cephas*

& *Joannes* qui videbantur Columnæ esse, &c. cum ille prior ab hoc diffusus sit, etenim *Paulus* n. 2. in quo ait se Evangelium contulisse, neminem nominat: nominat autem n. 9. cum ei dederunt *dexterās societatis*, non ad collationem Evangelij, sed ad prædicationem illius, partito munere Evangelizandi, ut *Petrus* & cæteri Judæis, *Paulus* & *Barnabas* Gentibus Christum annuntiarent. Sed *Thomas* utrunque locum confudit, cum debuisset inter eos distinguere: & quid cuique proprium esset assignare.

Tandem ait *Thomas* *Anglus*, *Paulum* in tertia regione aëris (ita exponit *Tertium Cælum*) *Arcana illa verba* cum Evangelij doctrina audivisse: quod sanè absurdum videtur: nam aut illis verbis *Tertium Cælum* nō intelligitur locus aut si intelligitur, ille sanè *Tertia Aeris Regio* esse non potest: sed alius multo & eminētiōr, & sacratior: cujusmodi est *Cælum* quod appellamus *Empyreum*. Et *Paradisus* ab Ecclesia dicitur, in quo est sedes Beatorum, qui Dei clara visione fruuntur. Et quidem *Augustinus* lib. 12. de Gen. ad Litter. à c. 27. Per tertium Cælum, tertium quoddam visionis genus, quo Deus intuitivè, ut aiunt, acuti est in se videtur, intelligit. Alii communiter *Paradisum* interpretantur, id est, locum in Cælo *Empyreo*, ubi est sedes Beatorum. Certè *Paulus* illâ suâ 2. ad Corinth. Epist. c. 12. *Tertium Cælum* *Paradisum* vertit. n. 4. Existimo autem *Paradisum*, non esse in tertia aëris Regione, cum præsertim sentiam cum *Augustino*,

Epist. 112. c. 12. & lib. 12. de Genes ad litteras. c. 27. & 28. & Anselmo. 2. ad Corinth. 12. & Scotto. q. 2. Prol. & in. 2. d. 3. q. 9. & in 4. d. 49. q. 15. & D. Thoma. 1. p. q. 12. a. 11. & Scotistis, ac Thomistis communiter, Paulum Clarè Deum vidisse. Ad id autem idoneum non esse locum, Tertiam regionem Aeris existimo. Nisi forte quòd ea extra tempestates, & ventos sit, Putavit Thomas Angliari esse ad Beatitatem accommodatam. Olympum, opinor, cogitabat ille, cujus caecumen in tertiam illam regionem evadens, locum Poetis dedit fingendi in eo monte Cælum, imo eum pro Cœlo montem accipiendi. De quo aptè canitur. *Pacem summa tenent.* Acquiescerem, nisi scirem Joanni Evangelistæ (de quo quidam cum P. Salas sequente Origenem aiunt Deum vidisse) veritatem illam initio Evangelii sui Divinitus expressam inter sonantes tonitrus, & micantia fulgura, & contorta fulmina revelatam. Sed is Filius Tonitruī erat, & in secunda aeris regione debebat ad Deum videndum consistere. Paulo cum esset organum Spiritus Sancti Suave, & temperatum ulterius eundum erat, ubi non obstreperent tonitrus, nec fulgura præstingerent; nec fulmina terrerent, Lepidè Blacolus si ita, sed putidè tamen ratiocinatur.

ARTICULUS III.

*Utrum hoc Privilegium Petri ad Romanos
Pontifices ejus successores transferit, ac in
iis conservetur?*

NON mihi aut Petrum Romæ posuisse Cathedram, eamque Ecclesiam rexisse: quod quidam Hæreticorum temere & impudenter; nec successores alios Romanos Pontifices continenti serie in eadem sede, & Ecclesia habuisse, quod multi imprudenter negant, quod cum homine Catholico disputem, probandum est. Sed utrum eodem Firmitatis Fidei, & Authoritatis Infallibilis ad confirmandum in Fide Cæteros Privilegio, quod Petro assignavimus, fructi fuerint ac fruantur illius successores? non nunc de privata cujusque Fide & Authoritate, sed de Publica, quæ dignitatis & Cathedræ Comes est, & ad regimen Ecclesiæ pertinet, quæ diversa quidem argumenta sunt, instituto quæstionem.

Qua in re omnino affirmandum idem quod in Petro fuit privilegium cum eadem prærogativa in successoribus esse. Id ratione constat. Nam
utir

uti ex Patribus supra diximus, Christus Dominus ita Petrum Caput & Pastorem Ecclesiæ suæ instituit, non ut pro ejus vita duntaxat dignitatem, primatumque institueret, Ecclesiamque ejusdem vitæ periodo terminaret, sed ut in Petro & Ecclesia sui temporis, formam quæ futura erat, Pastorum & Greges in Ecclesia sua perpetuo duraturam præstitueret ac demonstraret. Quod si quævis Hominum Respublica, cum Regem sibi vel Principem deligit, cui se regendam committit, non de eo tantum cogitat, sed in posterum cogitationes suas intendit, & futuram Regum, ac Principum successionem, in eo quem deligit, destinat & providet, quanto majori jure Christus Ecclesiæ suæ eadem ratione consulere debuit, cum eam perpetuam constantemque formaret? Negare quisquā Regni temporalis, & caduci civis non audeat Reges suos legitimos esse, qui à Primo sunt deducti, & audebit Catholicus quisquam Romanos Pontifices justos ac germanos esse Ecclesiæ spiritualis ac æternæ pastores inficiari? Ergone desinet à Christo Domino Petro autoritate Divina collata potestas? æternabit Regibus à populis autoritate humanâ jurisdictio attributa? Pudeat quenquam, tam ineptè & absurdè ratiocinari.

Sed sacrat us rem pendamus. Textus ipse nos docet Christum de Futuro ad finem usque mundi statu Ecclesiæ cogitasse, ac egisse. Quorsum enim spectat illud *Ædificabo Ecclesiam meam*? Ac *super hanc Petram*, & illud *Porta Inferi non prævalerunt adver.*

sus

sus eam. Et aliud *Ut non deficiat Fides tua.* Et aliud *Conversus confirma Fratres tuos.* In quo loco summa vis est. Nam Fratres confirmandi à Petro Apostoli non erant, igitur alii erant Fratres Apostolis succeduri, qui in Fratrum nomen & locum succederent. Hos igitur diuersos personis, pares dignitate, pontifex alius à Petro personâ, idem loco, & authoritate confirmaturus erat. Jam verò locus ille Matthæi ultimo: *Ecce ego vobiscum sum usque ad Consummationem seculi* curam istam providentiamque designat. Nec enim cum Apostolis tantum, qui non eò usque victuri erant; sed cum eorum successoribus ad consummationem seculi duraturis futurus erat, uti Augustinus lib. 6. de Genesi ad litter, c. 8. & Theophylactus hic exponunt.

Nec Patres hac in veritate probanda minus, quàm in Petri dignitate, & authoritate asserenda acres, vehementesque fuerunt, quemadmodum supra indicavimus: nunc mostramus. Igitur Cyprianus lib. de Unit. Ecclesiæ initio, *Ut unitatem manifestaret, unam Cathedram constituit, & unitatis ejusdem originem ab uno incipientem suâ authoritate disposuit.* Et Epist. 27. Dominus noster Ecclesiæ suæ rationem disponens in Evangelio loquitur, & dicit Petro, *Ego dico tibi quia tu es Petrus, & supra hanc Petram ædificabo Ecclesia meam.* Ac infra. *Inde per temporum & successionum vices Episcoporum ordinatio, et Ecclesiæ ratio decurrit, ut Ecclesia supra Episcopos constituatur, & omnis actus Ecclesiæ*

eclesia per eosdem præpositos gubernetur. Eodem sensu dixit Chrysostomus lib. 2. de sacerdot. versans locum Joan. 21, quam de Causâ Christus sanguinem effudit suum? Certè ut pecudes eas acquireret, quarum curam tum Petro, tum Petri successoribus committebat. Idque deinceps probat. Unde rectè breviter que Ambrosius in Psal. 40. intulit ex illis verbis Tu es Petrus, &c. Ubi Ecclesia ibi Petrus, id est, Petri successor Pontifex Romanus, & addit appositè Ubi Ecclesia ibi nulla mors, sed vita æterna: quia et si Petrus, & qui ei succedent singuli moriantur, Ecclesia & vivit, & æternat. Philippi Presbyteri in Conc. Ephes. Tom. 2. Concil. c. 16. luculentum testimonium est. Nulli dubium imo seculis omnibus notum, Sanctum Petrum Apostolorum Principem & Caput, Ecclesiæ Catholicæ Fundamentum per Successores suos huiusque semper vivere, causasque decernere, semperque victurum esse. Huius itaque Ordinarius successor Papa Cælestinus nos ad hanc Synodum misit. Id nemo melius Augustino vidit, & confirmavit, uti supra commemoravimus, semper enim in Petro publicam pro tota Ecclesiâ Personam agnovit. Ejus autem rei idoneam rationem affert Enarrat. 1. in Psal. 108. loquens de Juda Judæorum Populum representante. Sicut enim inquit, quedam dicuntur, quæ ad Apostolum Petrum propriè pertinere videantur, nec tamen illustrem habent intellectum, nisi cum referuntur ad Ecclesiam, cujus ille agnoscitur in figura gessasse personam propter Primatum quem in discipulis habuit. Ita Judas quodammodo personam*

sonam sustinet inimicorum Christi Judæorum. Ubi
observo Augustinum in Petro agnovisse, & Prima-
tum, & veram Ecclesiæ sustinuisse Personam, quod
de Juda Quodammodo dixit, ut innueret multum inter
utranque Repræsentationem interesse. Cum
Judas umbratilis Judæorum, Petrus solida & germa-
na Ecclesiæ Persona repræsentando existeret. Quod
adhuc accuratius expressit tract. 124. in Joan. post
med. expendens illa verba Evangelij Dimitte nobis
debita nostra, &c. Hoc agit Ecclesia spe beatâ in hac vita
crûnosa: cuius Ecclesiæ Petrus Apostolus propter Aposto-
latus sui Primatum gerebat figuratâ generalitate Personâ.
Quod enim ad ipsum propriè pertinet, naturâ unus homo
erat, gratiâ unus Christianus, abundantiore Gratiâ unus,
idemque Apostolus. Sed quando ei dictum est, Tibi
dabo Claves Regni Cælorum. Universalem significa-
bat Ecclesiâ. Rectè omnino, nam ista repræsen-
tatio Ecclesiæ supponebat in Petro dotes & virtutes
quibus abundabat, & dona quibus ceteros antece-
debat: ac iis ipsis ecclesiam significabat, ut sicut in
eo erant, ita in Ecclesia essent futura. Et lib.
de Agone Christiano c. 30. Non enim sine causa
inter omnes Apostolos hujus Ecclesiæ Catholicæ personam
sustinet Petrus. Huic enim Ecclesiæ Claves Regni Cæ-
lorum datae sunt, cum Petro datae sunt. Et cum ei di-
citur ad omnes dicitur Amas me? Pasce Oves meas.
Non quod singulis eodem modo quo Petro concessa
sint singula, sed pro varietate munerum & persona-
rum: quemadmodum postea nos idem Au-
gustinus docebit. His enim locis non æqualitatem,
sed perpetuitatem, & proportionem significat:
L. 2. quælibet alioqui

alioqui omne Regimen ecclesiæ confunderetur, si omnia essent promiscua. Unde Serm. 33. de verbis Apost. c. 2. *Respondit Petrus unus pro omnibus, quia unitas in omnibus.* Ecce unitatem, videamus distinctionem, ac retentis muneribus proportionem. Serm. 13. de Verb. Dom. c. 1. *Ipsè enim Petrus in Apostolorum ordine Primus, in Christi amore promptissimus sæpè unus respondet pro omnibus.* in Personæ & muneris distinctionem cum unitate in Fide. Hæc communis, illud proprium, representata ecclesiæ fide, servata dignitate. Clarius c. 2. *Idem ergo Petrus à Petra cognominatus, beatus, ecclesiæ figuram portans, Apostolatus Principatum tenens.* Viden? ut ecclesiæ publicam Personam sustinens, propriam servat prærogativam principatus? Ea nimirum erat Figuræ conditio, ut quod futurum erat in ecclesiâ significaret, cum autem in ea Caput & membra essent futura. *Petrus* qui caput erat, quid capiti conveniret propriè, quid membris metaphoricè indicabat. Ita qui futuri erant in ecclesiâ Capita in Petro capite exprimebantur, qui membra in Petro Fideli adumbrabantur.

Neque hoc acuminandum est meo, aut in Augustinum affectui, sed studio veritatis. Ac ut id appareat audiamus Augustinum servantem Decorum Dignitatis Petri, impositâ communi fragilitatis Fidelium personâ. Loquens de Pœnitentibus Epist. 108. ad Seleucianum sic ait. *Quod autem dicitur Petrus egisse Pœnitentiam, cavendum est, ne ita putetur egisse quomodo agunt in Ecclesiâ qui pœnitentes vocantur. Et quis hoc ferat ut primum Apostolus inter tales pœnitentes numerandum putemus?* Itaque

Itaque Quod de Deo Adamum formante dixit Tertullianus: *Cogitasse Christum cum figurabat Adamum* id de Christo Petrum instituyente Augustinus aptè ad Ecclesiam convertit. *Eum in Petro formando Ecclesiam præformasse.*

Quascunque igitur Prærogativas Petrus Publicam Principis & Capitis ecclesiæ Personam gerens à Christo accepit, & retinuit ipse, & ad successores transtulit. Inter eas unam inprimis fuisse Authoritatem in definiendo, & iudicando supremam, nemo inficias ierit qui Sanctorum Patrum monumenta evolvat. Ac primum id Pontifices ipsi Romani, qui proprii sunt ac domestici Testes fatentur: quibus non ideo abroganda est fides, quod in Causa propria testimonium reddunt, cum præterquam quod omnium consensus firmum sit argumentum veritatis, ipsi sanctissimi viri & integerrimis moribus fuerint: ac nemo melius quid sibi liceat quidve conveniat, quàm quibus ea est Potestas tradita cognoscit. Equidem non video cur minus credamus Catholicis Pontificibus nostris, quàm Calvinistæ & Cæteri Heterodoxi Regibus ac Principibus suis suam Jurisdictionem & authoritatem affirmantibus credunt. Itaque ferant nos Pontificibus summis Petri successoribus duce Scripturæ & traditione fidem adhibere, quando ij Principibus suis ad astringendam pro libitu Potestatem propriam, & vindicandam alienam credere volunt. Nec ego nunc de Primatu dignitatis, sed de pondere Authoritatis (quæ meæ sunt partes) ago. Igitur Euaristus epist. 1. *Romanum Episcopum Caput vocat*

ad quod in dubiis recurrendum est. Id Anacletus antea, Epist. 1. dixerat, & Alexander. 1. & Sixtus 1. id Anicetus, id Eleutherius, id Victor in Epistolis suis dixerunt. Zephyrinus Epist. 1. ex loco Matth. 16. Romanæ Ecclesiæ authoritatem probat, ad cæteras instruendas: & ad finem ait: *Memor enim sum me sub illius nomine Ecclesiæ præsidere, cujus à Domino Jesu Christo est glorificata confessio, & cujus Fidei omnes semper destruit errores.* Consentiant Anterus ad Episcopos Bæticos, & Fabianus Epist. 1. 2. & 3. Cornelius Epist. 46. inter Epistolas Cypriani, & Lucius in Epist. ad Occidentales. Sixtus 11. Epist. 1. Ac Dionysius Epist. 2. ad Severum Episcopum: *Ab initio, ait, tantam accepimus à Beato Petro Apostolorum Principe fiduciam, ut habeamus authoritatem auxiliante Domino Universali Ecclesiæ subvenire.* Quod Felix Epist. 1. confirmat, & Marcellus Epist. 1. calculum addit. Adjicitque *Nullam Synodum legitimè fieri posse sine Romanæ sedis authoritate.* Eusebius Epist. 3. Marcus Epist. ad Athanasium & Episcopos Ægypti, & Julius 1. Epist. ad Orientales. & Liberius in Rescripto ad Athanasium, & Felix 11. subscribunt. Id Damasus probat epist. 2. ad episcopos Africæ, & Siricius epist. 1. ad Himerium. Illud præclare jactat, *Portamus onera omnium Ecclesiarum, imo in nobis portat Beatus Apostolus Petrus.* Nec minus Anastasius ad Burgundicos & Germanicos episcopos. *exigit, inquit, dilectio vestra ex authoritate Sedis Apostolicæ vestris respondere Consultis.* Sed nemo id

id sæpius ac luculentius confirmat, quam Innocentius I. tempore Augustini quo maximè ecclesiæ Romanæ authoritas viguit summi hujus Doctoris firmata oraculis, quæ paulo post afferemus. Itaque Innocentius epist. 1. ad Victricium. 2. ad Exuper. 3. ad Innocentium. 17. ad Arcadium. 27. ad Episcopos Macedoniæ. 29. ad Decentium Epist. 31. & 32. ad Concilium Carthaginense, & Milevitanum Apostolicam authoritatem asserit & illustrat. Sequitur Zozimus. Epist. 1. ad Hefychium & Bonifacius 1. Epist. 2. ad Episcopos Galliæ & Epist. 3. ad Hilarium. & Coelestinus. 1. Epist. 1. ad Episcopos Viennenses & Narbonenses. & Epist. 4. ad Ecclesiam Constantinopolit. & Epist. 5. ad Nestorium. Qui deinceps successerunt à Leone I. Usque ad Innocentium III. ab eo ad nostra usque tempora magni profecto & Authores & vindices hujusce Authoritatis Pontificiæ extiterunt. Quorundam locos tantum indico. Hilarij Epist. 3. ad Ascanium. Gelasij 1. Epist. ad Episcopos Dardaniæ, & 6. ad Episcopos Lucaniæ & Epist. 10. ad Anastasium. & Epist. 11. ad Dardanos. & in Commonit. ad Faustum, & in Decreto de Apocryphis Scripturis. Anastasij 2. in Epist. ad Anastasium Augustum. & Symmachi in Apologet. contra eundem. & Hormisdæ Epist. 1. ad eundem met Imperatorem, & Epist. 22. & sequentib. ad Justinum Imperatorem. Bonifacij 11. in Epist. ad Fulvium. Joannis 11. Epist. 2. ad Justinianum. Vigiliij Epist. 1. c. 7. & Epist. 4. ad Universum populum Dei. Pelagij 1.

in

in Epist. 1. ad Vigilium & Epist. 3. & 5. Joannis III. in Epist. 3. ad Episcopos Germaniæ, Pelagij 11. Epist. 1. contra Joannem Patriarcham Constantinopolitanum. Honorij 1. ad Eduinum Regem Anglorum, & Honorium Episcopum. Leonis II. Epist. ad Episcopos Hispaniæ. Benedicti II. Epist. ad Concilium Toletanum 14. Agathonis Epist. ad Constantinum Imperatorem. quæ habetur in 6. Synodo. Adriani 1. Epist. ad Constantinum & Jrenen. quæ in 7. Synodo exhibetur: præcipuè parte 2. quæ in Vaticana Bibliotheca servatur. Nicolai I. Epist. 6. ad Phocium. & Epist. 10. ad Episcopos Constantinopolitanæ Sedi Subjectos, & 18. 20. & 30. Joannes VIII. Epist. 73. ad Lambertum. Leonis IX. in Apologia contra Michaellem & Leonem & Epist. ad Petrum Antiochenum, & ad Constantinum Monachum Imperatorem. Gregorii VII. Epist. 10. lib. 3. Epist. ad Henricum Regem. Innocentij III. Serm. 2. de Consecratione Pontificis. Cæterorum Recentioris memoriæ Pontificum locos adducere omitto, quòd de iis nemo dubitat, quin auctoritatem sibi eam tanquam Romanæ Sedis propriam vendicarint, ac eam sæpe exercuerint. Qui scire id exactius velit, Sacrorum Canonum, & Constitutionum, et Bullarum libros evolvat.

Delecta certorum Pontificum antiquiorum testimonia operæ pretium erit adducere. Ac primum Leo 1. hanc Auctoritatis in doctrina Prærogativam egregie asserit & confirmat. Ita epist. 4. Pastorem se Universalem totius Ecclesiæ agnoscit:

Divinis

Divinis, inquit, praeceptis, & Apostolicis monitis incitatur ut pro omnium Ecclesiarum statu impigro vigilemus affectu. Idem inculcat Epist. 84. ad Anastasium Episcopum Thessalonic. & 89. ad Episcopos Viennensis Provinciae, & luculenter admodum in Sermonibus de Assumptione sua, praesertim 3. Sed duo maximè loci notandi. Alter in Epist. 47. ad Synodum Chalcedonensem, in qua cum dixisset, Ex voluntate Imperatoris indictum esse Concilium, ait *Beatissimi Petri Apostoli jure atque honore servato.* Quod summum erat, nec ei poterat derogari. Et infra cujusmodi illud sit ostendit declarans. *se in ea Universali Synodo per suos vicarios praesidere.* Apertissima item sunt Epist. 53. & 54. & 55. Sed illud in hac ultimâ ad Pulcheriam Augustam pulcherri- mum ad Pontificiam auctoritatem circa res Fidei commendandam. *Consensiones Episcoporum, Sanctorum Canonum, in Nicena Synodo conditorum regulis repugnantes unitâ nobiscum vestra Fidei pietate in irritum mittimus, & per AUTHORETATEM BEATI PETRI generali prorsus definitione cassamus.* En à quo Auctoritatem ad rem tantam tamque gravem circa doctrinam Leo acceperit, id est, à Primo ac Principe Ecclesiae Petro, qui eam per aliorum sibi succedentium Pontificum manus ad Leonem inviolabili jure transmiserat. Suffragatur haud multum à Leone tempore dissitus uno, tantum interposito Hilario Sardo, Romanus Pontifex Simplicius Tiburtinus. Epist. 1. & 3. ad Zenonem Imperatorem, in qua sic *Perstat in successoribus* M *suis,*

*fuis, (id est, ipsius Petri) hæc & eadem Aposto-
lica norma doctrinæ, cui Dominus totius curam ovilis
injunxit. et Epist. 3. ad Acatium. Quia Sanctæ
memoriæ Prædecessorum nostrorum extante doctrinâ,
contra quam nefas est disputare quisquis rectè sapere
videtur, novis assertionibus non indiget edoceri.
Ejusdem modi habet Epist. 9. & 13. ad Zenonem
Augustum. Tertius se addit Comes Gregorius Mag-
nus, ingens suo nomine pondus trahens.*

Nemo solidius, nemo videntiùs, nemo in
copiosius de Pontificia authoritate tractavit. Ubi
que occurrunt exempla, sed quosdam illustriorum
locos designabo. Epist. 24. & 71. & lib. 1. Indict.
p. 11. Epist. 7. & lib. 4. Epist. Epist. 54. & lib. 7. E-
pist. Epist. 125. & super 5. Psalm. Pœnitent. &
Homil. 21. in Evangel. & alibi sæpe. Pauca in
rem profero, lib. 6. indict. 15. c. 37. alias 201. ait :
*Quis est qui nesciat Sanctam Ecclesiam, in Apostolo-
rum Principis soliditate firmatam ? & l. 7. Epist. 123.
Quæ semel Apostolicæ Sedis Authoritate Sancita sunt
nil egent firmitatis. Ita duobus hisce locis Petri &
successorum unam & eandem esse Firmitatem & au-
thoritatem comprobavit.*

Hæc testimonia suspecta videri non debent,
imo si rectè calculum ponamus, justa et idonea, quod
propter Heterodoxos dico, qui infirmant. Nam iis
ego illud impingo. Cum historiam Regum suo-
rum scribunt, eò sibi majorem fidem conciliant,
quòd præmonent, se Regia Tabularia, & Auto-
grapha in iis servata consuluisse, perinde ac plus
fidei mereantur, cum tamen ipsorum Regum
man-

mandata, & scripta: & quædam ab ipsis & confecta, et obsignata sint. Quod si quis illarum Chartarum authoritatem eleuet, succensent, et ferre non possunt. Quâ fronte igitur tot Pontificum Sanctissimorum testimonia ex arcanis veterum tabulariorum visceribus deprompta impugnant, et irrident, cum præsertim ab ipsis sint Authoribus partim scripta, partim dictata. Omnia certè bona fide publici iuris facta. Si fidem habui volunt Diplomatis Regum iisque tanquam incorruptis testimoniis utuntur, cur quæso eleuant Authoritatem summorum Pontificum in Chartis illis Virginibus illibatâ fide custoditis clausam? Igitur aut credant nostra, aut non credant suis: nec velint Religiosiores erga Regum suorum Diplomata, quam erga Pontificia Decreta: cum nec illi Reges illos præcos nisi famâ et traditione noverint, quorum venerantur monumenta. Pergo. Hujusmodi supremam quæ in Petro fuit authoritatem in Pontificibus Sedis Romanæ mansisse Conciliorum calculis confirmemus. Generalibus maximum pondus inest. Horum primum produco. Nicenum Can. 2. sic. *Episcopi in gravioribus Causis liberè Apostolicam appellent Sedem, atque ad eam quasi AD MATREM confugiant.* Quæ Mater est ubera habet; ut alat Infantes. An non id Petri proprium cui dicitur *Pasce Oves meas*, qui dicit *Quasi modo geniti infantes sine dolo lac concupiscite*? At non ea sub Petro tum, sed sub Julio I. Mater erat. Et Can. 39. in Canonibus ex Græco & Arabico translatis: *Ille qui tenet Sedem Romæ Ca-*

put est, Princeps omnium Patriarcharum, quandoquidem ipse est primus SICUT PETRUS, cui data est potestas in omnes Principes Christianos, & omnes Populos eorum, ut qui sit Vicarius Christi sit super cunctos Populos & Universam Ecclesiam Christianam. Igitur quicumque Petro Succedit SICUT PETRUS Vicarius est Christi; atque adeo vice Christi, qui veritas est, veritatis est Assertor et Promulgator: et si Author esse non possit. Concilium Ephesinum sic Epist. ad Coelestinum Tom. 4. Synodi c. 17. Est enim vobis in more positum, ut in omnibus celebres sitis, studiaque vestra solida Ecclesiarum firmamenta constituatis. A Firma & Solida Petra Petro firmamenta solida Summi Pontifices appellantur. Clarius & luculentius Chalcedonense Concilium Leoni I. Magno testimonium reddidit. Act. 2. lectis Leonis litteris, Patres unanimi omnes consensu congregati dixerunt: Ita credimus. Petrus per Leonem ita locutus est. Et in fine Action. 15. à Fr. Laurentio Surio relatæ de eodem Leone. Alia omnia ab eo definita teneantur tanquam à Vicario Apostolici Throni. Et supra dixerat: secundum Claves à Domino definitas. quæ ex D. Thoma Surius citat. Octava Synodus Sedes Romana vocatur, sedes petri Principis Apostolorum. Ita definitum à Concilio Florentino in litteris unionis: & à Tridentino Sess. 6. c. 1. Et quidem de Authoritate doctrinæ agebant. Hanc statuunt Concilium Romanum 1. sub Sylvestro: & Romanum 3. & 4. sub Symmacho. &

& Concilium 4. Aurelianense c. 1. & Carthagenense, et Milevitanum sub Innocentio 1. & Africanum sub Bonifacio c. 35. Idem Turonicum 2. c. 21. Bracharense 1. c. 18. 22. 23. Toletanum 1. in Afsert. Fidei. & 3. Can. 1. sub Pelagio 2. Ex quo apparet hanc Petri Prærogativam ad successores cum dignitate pariter transiisse.

Id verò aliis fortissimis argumentis confirmatur.

Primum esto ab ipsa Regum institutione petatum quod supra tetigi. Nam quæcunque sibi Respublica Reges constituit, etsi unum hominem singularem creaverit, eo ipso tamen voluit, ut ad sequentes Reges eadem dignitas, & Potestas Regia perveniret: imo, & ipsi eam Reges jure suo, uti quisque succederet, vindicabat. Ita Judices primum apud Hebræos, ita Reges deinde, nec tantum ij qui jure hæreditario & sanguinis, uti Reges Judæ, sed etiam qui aut electionis judicio, aut vj armorum Regnum vindicabant, uti Israel. Ita Duces postea usque ad Hyrcanum in sacris litteris Rempub. gesserunt. Hac ratione Romæ Reges, Consules, Imperatores, pari acceptâ & traditâ potestate imperarunt. Id omnes Populi ex quo cœpti sunt ab uno vel pluribus regi rem altè repetendo evenisse comperient. Fuerunt sanè qui ambigerent, An quis jure occupasset imperium: nemo tamen, qui semel rectè & ritè cepisset, de eo An integram potestatem accepisset, dubitavit.

Secundum esto à Summorum Pontificum iusti-

tutione ac serie deductum. Ex quo enim Aaron Inauguratus est Pontifex : dum ea floruit Respub. ad Hyrcanum, imo et ad Caiphā et Ananiam Patronum qui sunt deinceps instituti Pontifices dignitas fuit. Hæc verò non nuda, sed suis ornatæ prærogativis per manus est succedentium transmissa. Nec enim solum in familia Eleazar usque ad Ozi Abnepotem, sed & in Familia Ithamar quæ in Abiathar Abnepotem Heli desit, integra & illibata dignitas viguit. Quæ etiam tempore Regum ad Captivitatem usque Babylonicam ad Eleazari rursus revocata Posteros, per tredecim (tot enim sunt) à Sadoc ad Saraïam Pontifices perduravit. Post Captivitatem, libertate Judæis, & Patriâ restitutâ iterum Pontificia dignitas revixit, & ad Machabæorum usque ætatem à Josue Josedeci Filio ad Joannem Hyrcanum Simonis Filium duorum supra viginti Pontificum series est perducta. Postea etsi concisa, & malis artibus, quod jam antea teracciderat, contaminata, non ideo tamen gradu cecidit, sed in eo stetit, & suam Prærogativam retinuit. Nam nisi retineret Caiphæ Pontifex non prophetaret, nec Paulus Ananiam cui maledixerat dolens reveretur. Qua de re proximâ quæstione dicemus. Nunc satis est ex hujusmodi exemplo colligere: quod Synagogæ concessum fuit, id Romanæ Ecclesiæ non negandum: sum ea sit Unica Columba, & sponsa Christi cum quo unum Corpus efficit, & Fide conjuncta, & Amore copulata.

Tertium

Tertium est ab ipsa experientia sumptum. Videmus enim quam Firmitatem Christus Petro, ac in eo Ecclesiæ suæ promiserat, eam in Romana Sede ejusque Episcopis impletam. Si enim oculorum aciem ad reliquas quæ Principes habitæ, et Patriarchales Ecclesiæ, convertamus, perspiciemus omnes unam post aliam corruisse; Nullamque earum præter Romanam hodie superesse. Sanè Hierosolymitana ecclesia haud ita multò post Christi mortem grassante ferro cum ipsa est urbe eversa. Antiochena, & Alexandrina diutius, sed non multis seculis manserunt. Constantinopolitana, uti Romana altera, longius latiusque floruit. Sed tandem desiit, & à Bonifacio IV. cum Hierosolymitana restituta vigere tamen diu non potuit. Sola Romana super Petram fundata perstitit immobilis, nec ullis fuit unquam machinis expugnata. Imo ea paulatim crescens magnitudine suâ complevit Orbem, & quod Romanum sibi vendicavit Imperium, obtinuit, ut iisdem quibus sol spatii regiones illa terminaret suas, & illud in eam Principis Poetæ, an Vatis, quadraret.

*En hujus Petri auspiciis illa inclyta Roma
Imperium terris, animos æquabit Olympo.
Totumque una sibi muro circumdabit Orbem
Antiquæ Fidei.*

Nec alio sæpius Patres adversus Heterodoxos ac vehementius utuntur argumento, quàm isto Perpetuæ

petuæ Firmitatis, & successionis in Romana sede Episcoporum continenti serie ad fidei vinculū apte deductorum: quemadmodum quæstione proximā videbimus. Itaque Divino Consilio providit Deus ut in Romana Ecclesia tanquam Aurea Catena è Cœlo ad nos demissa, Homericā meliore, jam inde à Petro post vincula, perpetua Pontificum instar Annulorum, sibi nexorum, & cohærentium series ad nostra usque tempora perveniret. Similitudine eò libentius utor, quòd video rem continere. Nam in vinculis Petri illud haud temerè observo. Cum Eudocia Imperatrix Hierosolymitanam Catenam Romam ad Pontificem misisset: isque eam cum Romana contulisset, subito sibi hæsisse, & unam ex duabus extitisse. Perinde ac potestas Ligandi Petro à Christo data in Judæa, cum Romana ita connecteretur, ut in unam coaluisset. Unde S. Petri ad Vincula Romæ solennitas & Ecclesia constituta.

Quantum etsi Profanum quiddam contineat aptum videtur, & nobile argumentum. Singuli quique Sectarum philosophicarum Authores, eum eas instituissent, scholas erexerunt, in quibus discipulos erudirent, qui sibi succederent, et quam acceperant doctrinam continuarent, ne interirent, sed in posterum perennarent. Id primum pythagoras in Italia, ut Italicam: id postea plato Athenis in Academia, ut Academicam: id deinceps Aristoteles in Lyceo ut peripateticam: Id Zeno in porticu, ut Stoicam: id Epicurus in Hortis, ut Epicuream confer-

conservaret : delectis præstantibus ex discipulorum numero præceptoribus egerunt, nè sui nominis memoria, & documenta fidei interciderent, cum omnes illæ umbratiles essent & fucatæ, quædam etiam fuitiles, aliquæ à recta ratione & libero homine alienæ. Quod si ii tantò studio & sollicitudine id curarunt, quomodo Christus vera Patris Sapientia, & germanæ ac solidæ doctrinæ Author, cum Ecclesiam suam institueret, & in ea Cathedram locasset, soli Petro regendam traderet : nec quicquam de successoribus in posterum cogitaret. Cum præsertim eâ quam docuit Fide, ac juxta eam vivendi ratione salus æterna hominum nitetur. Pudeat Heterodoxos, quorum nonnulli ingenio & scientiâ valent, sectarum gymnasia Dei Ecclesiæ anteprehendere : negare erubescant à Christo minorem habitam esse firmitatis Ecclesiæ suæ, quam à prophanis illis Philosophis Sectarum suarum habita fuerit rationem, cum turpe sit ac ineptum dicere miseros mortales, fragiles & caducos, de Immortalitate scholarum suarum cogitasse : Christum verò Æternum Dei Filium hanc de Ecclesia sua stabilienda curam abjecisse. Maneat igitur Christum Dominum ita Petrum Ecclesiæ Catholicæ Caput & Principem instituisse, ut vellet post eum successores fore, qui Petri Personam sustinerent, eademque dignitate & autoritate fruerentur : & in quibus eadem Fidei firmitas & Doctrinæ Puritas remaneret.

N

QUÆST.



QUÆSTIO II.

De Infallibilitate Authoritatis Pontificiæ.

ARTICULUS I.

*Pontificium Successio, & unius in iis & cum
iis doctrinæ consensio Authoritatem
Confirmat.*

CUm Ecclesia Christi unum; ac Virgineum Corpus sit: una item sit oportet & Fides & doctrina, qua membra nectantur, & in unum Corpus coalescant. Necessè autem est, ut hoc corpus suum caput habeat; quod cum emineat dignitate, nexu Fidei cetera membra contineat, & iustum cum iis corpus efficiat. A quo qui dissiliat intra Ecclesiam esse non possit. Itaque ex communione Unitatis argumentum sumitur, ut qui scire velit, An sit in Corpore Christi, is omnino tenere debeat, An cum eodem in Fide doctrinaque concordet. Unde item sequitur, si una & incorrupta est Fides, in quo ea corpore fuerit puram & illibatam esse, nec posse aliquâ ratione corrumpi.

Igitur

Igitur si probem Fidem Catholicam ex communione cum Romana Ecclesia, & hanc ex perpetua in ea Pontificum successione firmari, efficiam, ut appareat & Pontificum Fidem, et Autoritatem nunquam defecisse. Nil itaque frequentius occurrit in Patribus, quàm istud ex successione in Romanam Cathedram Pontificum pro unitate ac Firmitate Fidei argumentum, quod sane firmum non esset, si ii in rebus Fidei errare fallive potuissent. Quid enim quæso interesset ad probandam Catholicæ Ecclesiæ veritatem series illa continuata Pontificum, nisi ii non magis inter se connexi, quam in Fide concordēs extitissent: non enim, opinor, loci & numeri, sed sensus et doctrinæ ratio habetur. Quare cum Petri Fides et Autoritas, quemadmodum ante ostendimus fuerit firma et infallibilis, quia erat ejus Ecclesiæ Caput & Pastor, quæ oves omnium Fidelium continebat: ita et qui Petro eo in munere successerunt, similem cum Cathedra, et potestate Fidem et Autoritatem habuerunt, ac de singulis intelligitur illud Christi à nobis supra adductum, & explicatum. *Oravi pro te Petre, ut non deficiat Fides tua, et tu aliquando conversus confirma Fratres tuos.* Incipiamus à Martyre, quem Augustinus gloriosissimum vocare solet, Cypriano. Is Epist. 40. circa medium. *Una Ecclesia & Cathedra una super Petrum Domini voce fundata.* En fundamentum; Successionem Jrenæus auspicetur. lib. 3. contra hæreses cap. 3. *Quoniam longum est omnium Ecclesi-*

arum numerare successiones maxima & antiquissima
 & omnibus cognita à gloriosissimis duobus Apostolis
 Petro & Paulo Romæ fundata & constituta Ecclesia
 eam quam habet ab Apostolis traditionem & annuntia-
 tam hominibus fidem per Successionem Episcoporum
 pervenientem usque ad nos indicantes, omnes eos, qui
 quoquo modo, vel per sui placentiam malam, vel va-
 nam gloriam, vel per cæcitatem & malam sententiam
 præterquam oportet colligunt. Ad hanc enim Ecclesi-
 am propter Potentiorē Principalitatem necesse est om-
 nem convenire Ecclesiam: hoc est, eos qui sunt undi-
 que Fideles, in qua semper ab his qui sunt undique
 conservata est ea, quæ est ab Apostolis traditio. Ec-
 ce successio, et in successione traditio ejusdem Fi-
 dei à Petro acceptæ, et à Paulo confirmatæ. Quæ
 si quandoquā Pontifice defecisset, non constaret
 successionis argumentum. At valet illud, quia
 teste Ruffino in principio Exposit. Symboli. Ne-
 que hæresis ulla illic fumpsit exordium, & mos ibi
 servatur antiquus. Idcirco ad Donatistas Augu-
 stinus in Psalmo contra Partem Donati. Dolor est
 ait, cum vos videmus præcisos ita jacere. Numerate
 Sacerdotes, vel ab ipsa Petri sede, & in ordine illo
 patrū quōdāni successit videre. Ipsa est Petra quam
 non vincunt superba inferorū Porta. Successores
 Petri Pontifices Romanos jubet inspicere, et in eos
 intiendo Fidem Petri agnoscere à Petra ductam,
 et in successoribus conservatam. Quare optime
 Tertullianus lib. de Præscript. c. 36. Habes inquit
 Romanū unde nobis quaque auctoritas præsto est. Statim
 felix

felix Ecclesia cui totam doctrinam Apostoli cum sanguine suo profuderunt. Successionem autem Pontificum Romæ, quam sedem Authoritatis esse vult, proponit lib. 5. contra Marcionem, ubi loquens de Apostolorum discipulis, qui *Successere per Orbem* pergit Romanos à Petro Pontifices numerare:

Ex quibus electum magnum plebique probatum
Hæc Cathedrâ Petrus, quâ federat ipse locatum
Maxima Roma Linum primum confidere iussit.

& usque ad Telesphorum decurrit : & addit

Constabat pietate vigens Ecclesia Romæ
Composita à Petro, cujus successor & ipse
Jam que loco nonò Cathedram suscepit Hyginus.

Et alios deinde recenset. Libro de Præscriptione Eleutherii mentionem facit : & *Doctrinam Ecclesie Romanensis Catholicam* dicit. Eandem successionem sæpe inculcat Optatus Milevitanus contra Parmenianum Donatistam. Unum locum lib. 2. dabo. *Videndum est, qui & ubi prior Cathedra sederit.* Tum intra, *Negare non potes scire te in urbe Roma Petro primum Cathedram Episcopalem esse collatam; in qua sederit omnium Apostolorum Caput Petrus, in qua unâ Cathedra Unitas ab omnibus servaretur.* Quomodo autem servaretur Unitas, si quis Pontificum à Fide defecisset? Nemo itaque disjunctus & avulsus, Unde sequitur : *ergo Cathedra Unita quæ est prima de*

*dotibus, sedit prior Petrus, cui successit Linus, Li-
 no Clemens, Clementi Anacletus, & deinceps usque
 ad Siricium. Concinit ex Græcorum Choro Epi-
 phanius: qui cum in Anchorato dicat Petrum &
 Petram firmissimam esse, et Fundamentum Roma-
 næ Ecclesiæ firmum jecisse: Hæresi 27. circa finem
 seriem Romanorum Pontificum accuratè refert, et
 ex ea successionem Doctrinæ deducit, subditque.
 Ne quis miretur, quod singularia ita exactè recense-
 mus, per hæc enim semper claritas ostenditur. Lumi-
 na igitur sint oportet omnia, ex quibus claritas
 existit. Accinit Hieronymus lib. de scriptor. Eccle-
 siast. Pontificum serie evolutâ. Eodem argu-
 mento utuntur Pontifices ipsi, cum authoritatem
 suam vindicare, & doctrinam confirmare volunt.
 Ita Anicetus Epist. unica. Eleuther. c. 6. Victor
 Epist. 1. ad Theophylum. Zephyrinus Epist. 1.
 Anterus Epist. ad Episcopos Bætic. et Toletan.
 Fabianus Epist. 1. Sixtus II. Epist. 1. Melchiades
 Epist. ad Episcopos Hispaniæ. Innocentius I. E-
 pist. 31. et 32. ad concilia Carthag. et Milevit.
 Zozimus ad Hefichium. Bonifacius ad Hilari-
 um, et ad Episcopos Galliæ. Cælestinus 1. epist.
 4. ad Constantinopol. Ecclesiam. Leo Papa Ser-
 monibus de Assumpt. sua. Simplicius epist. 1. ad
 Zenonem. Episcopum et epist. 3. ad Zenonem
 Imperatorem. Et epist. 5. ad Acatium: alii que
 pene omnes. Quibus id propositum est, ut ex suc-
 cessione in Cathedram Authoritatem & Doctrinam
 suam probent, & vindicent: quod ea non posset
 colligatio.*

colligatio everti Christi verborum nexu copulata.

Nemo tamen hoc argumentum copiosius versavit Augustino adversus Donatistas, Novatorum Patriarchas, disputans: quos omnes tam accuratè exactèque confutat, ut præsentès oculis vidisse, futuros mente prævidisse, & in eos quæ tum jaciebat tela destinasse animo videatur: quod observant quotquot fermè contra Novatores pro Romanæ & Catholicæ Ecclesiæ veritate ac dignitate pugnant. Ex quibus vir gravissimus Maldonatus sic c. 13. Matthæi n. 47. Soleo dicere Divum Augustinum nullum hæreticorum genus tam strenuè, atque Donatistas refutasse, & illos tot libros quot adversus illos composuit, non tam contra illos, quàm contra longe post futuros Lutheranos & Calvinistas composuisse: tantum opus esse, ut qui eos legit pro Donatistarum, Calvinistarum, & Lutheranorum nomen ponat. Id ego sum legendo expertus. Nolo autem omnes locos commemorare, nam infinitum id esset. Seligo qui loco hæreant, & causam maximè remque contineant. Igitur omisso loco Psalmi contra partem Donati de quo supra, in lib. 2. contra litteras Petiliani c. 51, urgens hæreticum: *Cathedra quid, inquit, tibi fecit Romana? In qua Petrus sedit in qua nunc Anastasius sedet.* Et Epist. ad Generosum 165. *Si ordo Episcoporum sibi succedentium considerandus est, quantò certius & verè salubriter ab ipso Petro numeramus, cui totius Ecclesiæ figuram gerenti Dominus ait, super hanc Petram edificabo Ecclesiam meam, et portæ inferi non vincunt eam.* Petro enim

enim successit Linus, Lino Clemens, Clementi Anacletus, Anacleto Evaristus, &c. Id ipsum versat lib. 1. cont. Epist. Parmen. c. 5. & lib. 28. contra Faustum. c. 2. In lib. item contra Epistolam Fundamenti c. 4. magnum apud ipsum pondus habet. Ab ipsa sede Petri, cui pascendas Oves suas post Resurrectionem Dominus commendavit usque ad presentem Episcopatum successio Sacerdotum. Eandem firmat lib. de utilitate credendi c. 17. Fateatur Augustinus se hoc ad Fidei doctrinam sustinendam magnopere argumento moveri: quod ad confirmandam infallibilem Pontificum Authoritatem me quoque maximè movet. Nam nisi omnium una & certa Fides esset, nullius esset illa successionis series momenti ad Ecclesiæ Romanæ Doctrinam asserendam: neque tantopere Communio cum ea Sede cæteris commendaretur. Signum igitur est: Divinum in ea Sede aliquid residere, quod occultè inspirèt quid ad Universæ Ecclesiæ doctrinam & Regimen pertineat. Itaque in illa continenti Pontificum serie Traditio Disciplinarum fundatur. Hanc verò demonstrare in Romanæ Sede pergamus.

Testis locuples est Hieronymus Epist. 57. ad Damasum. *Cathedra Petri communionem confocior: super illam Petram edificatam Ecclesiam scio, quicumque extra domum hanc agnum comederit profanus est.* Et in Apolog. contra Ruffinum l. 1. *Fidem suam quam vocat? Eamne qua Romana pollet Ecclesia? An illam quæ in Origenis voluminibus continetur? Si Romanam*

manam respondet. Ergo Catholici sumus. Perinde est esse Romanum, & esse Catholicum. Nam Eusebius Papa. *Hæc quæ dicta sunt rerum probantur effectibus, quia in Sede Apostolica extra maculam semper est Catholica servata Religio.* Observa illud *Extra maculam.* Est enim Ecclesia tota pulchra, in qua non est macula. Inesset autem si quis Pontifex ipsius Caput, errore esset aliquo maculatum. Aurum est Optimum Caput illud, dum caput est; ac uti ad totum & publicum Corpus pertinet nullis fordibus inquinandum. In quam mentem Gelasius ore aureo Epist. ad Anastasium Augustum. *Hoc est quod Sedes Apostolica magnoperè caret, ut quia mundo radix est Apostoli gloriosa Confessio, nullâ rimâ prævitatis, nullâ prorsus contagione maculatum.* Nam si, quod Deus avertat, quod fieri non posse confidimus, tale aliquid proveniret, unde cuiquam resistere auderemus errori, vel unde correctionem errantibus præberemus. Consentit Ambrosius lib. de obitu fratris Satyri versus finem de quo ait, *Advocavit ad se Episcopum, neque ullam veram putavit nisi veræ Fidei gratiam, percunctatus quæ ex eo est. Utrum eam cum Episcopis Catholicis, id est, cum Romana Ecclesia conveniret.* Lib. autem 1. Epist. 4. ad Imperatores Epist. 1. ita scribit, *Totius Orbis Romani Caput Romanam Ecclesiam, atque illam Sacrosanctam Apostolorum Fidem ne turbari sineret observanda foret Clementia Vestra: indecens in omnes Communionis iuradimanant.* Idem confirmat Serm. 2. de Sanctis qui est de Cathedra Petri & Serm. 11. qui est secundus de Petro & Paulo, in quo

O

de

de Romana Ecclesie firmitate in Fide loquitur.
 Quæ si in aliquo altaret Pontifice infirmum esset
 Fundamentum: & Edificium imple laboraret, saltem
 non esset ea Communio certa, & constansque. Id
 Theodoretii testimonio confirmo. Epist. ad Leo-
 nem Papam. Eam (id est Romanam Ecclesiam)
 insigniter exornat Fides, & fide dignus testis Divinus
 Apostolus, qui clamat: Fides vestra annuntiatur in
 universo mundo. Et Epist. ad Renatum Presbyte-
 rum Romanum, quam gravissimi Authores citant.
 Tenet Sancta ista Fides gubernacula regendarum cuncti
 Orbis Ecclesiarum, cum propter alia, tum quia semper
 hæretici fatoris expers permansit. Nemo igitur non
 Pontifex Christi bonus odor fuit cum Pastoris &
 Capitis Ecclesie personam sustinuit. Ita idem censet
 Theodoretus de Leone æquali suo Romæ Sedente
 in eadem ad ipsum iusta Epist. Cum enim dixisset.
 Vobis per omnia primos esse convenit: vestra enim
 Sedes est omnium maxima & præclarissima, & quæ
 præest Orbi terrarum. Illata mentione Petri & Pauli
 addit in rem nostram: Illorum autem Deus nunc
 quoque Sedem claram insignemque reddidit, cum ve-
 stram Sanctitatem in ea collocaverit quæ radios Fidei
 Orthodoxæ emittit. Expertem illam Cathedram
 esse errorum docet antiquus Pater Cyprianus Epist.
 55. ad Cornelium Papam. Romanorum Fides Apo-
 stolo prædicante laudata est ad quos Perfidia habere non
 possit accessum. Id urget ex Communionem cum Papa
 Romano. Ait enim Epist. 76. ad Magnum. Ec-
 clesia una est, quæ una & intus & foris esse non potest.

Colligit autem. Si apud Novatianum est, apud Cornelium non fuit: si vero apud Cornelium fuit, qui Fabiano legitima ordinatione successit, Novatianus in Ecclesia non est. Non solum excludit Novatianum quod cum Cornelio & Fabiano Romanis Pontificibus non sit; sed hos Catholicos supponit esse, quod in Romanam sint Sedem admissi: quasi ea Sedes non nisi Catholicos admitteret; ac de ipsis nemo, quin tales essent, dubitare posset. Hinc est ut decreta, seu Dogmata à Pontificibus edita Oracula duxerint Episcopi Tarracoenensis Provinciae Epist. 2. ad Hilarium Papam. Proinde nos, inquit, Deum in nobis primitus adorantes, cui sine querela servitis, ad Fidem recurramus Apostolico ore laudatam, inde responsa querentes, unde nihil errore, nihil presumptione, sed Pontificali tutum deliberatione precipitur. Totum dixit, ne quid ex his sibi Error Falsitasve deciperet. Ex integro sanum & firmum est, quicquid ex eorum Constanti solenni formula recitatur. Id Beda venerabilis Angliæ Augustinus, Heroicis illis temporibus novit, & prædixit lib. 3. de Histor. Angl. c. 26. in fine ore Wilfridi: Si audita Decreta Sedis Apostolicæ: imo universalis Ecclesiæ, & hæc litteris Sacris confirmata sequi contemnitis, absque ulla dubietate peccatis. Idem omnino in Gallia Bernardus, quod in Anglia Beda sensit, & maiore adhuc vi protulit. Ita enim Epist. 109. ad Innocentium, in qua ejus Auctoritatem adversus novam tunc surgentem hæresim implorat. Oportet inquit ad vestrum referri Apostolatum peiracula quæque & scandala

emergentia in Regno Dei, ea præsertim que de
 Fide contingunt. Dignum namque arbitror ibi
 potissimum tractandam Fidem. **U. BINON POSI-**
SIT. R. IDEB. SENTIRE DE DEFECTUM
HÆC QUIPPE huius Prærogativa Sedis. Cui
 enim alteri aliquando dictum est. **Ego pro te ro-**
gaui Petre non deficiat Fides tua, **Ergo quod sequi-**
tur à successore legitur; **Et** aliquando confirmat
 Fratres suos. **Dilertè dilectissimus Doctor ait;**
 Deficere Pontificum Romanorum Fidem non pos-
 se, eamque virtutem Cathedra inesse. Quare
 qui in eam successerunt, & ex ea sunt locuti, omni-
 no ob Christi Privilegium vera dixerunt. Hoc
 Anselmus quoque lib. de Incarnat. ad Urbanum
 Pontificem testatur scribens c. 1. **Quoniam Divi-**
na Providentia vestram elegit Sanctitatem, cui vitam
 & Fidem Christianam custodiendam & Ecclesiam re-
 gendam committeret, ad nullum alium rectius refertur, si
 quid contra Fidem Catholicam oritur in Ecclesia, ut
 ejus auctoritate corrigatur. Non tam rem hic quam
 rationem obliero; statuit qui Ecclesiam Pontifex
 regat, eū, quod illius sit Rector auctoritatem ad er-
 rores corrigendos habere. Hac ducti & veteres & novi
 Catholici Scriptores, qui in quancunq; ætatem inci-
 dissent, quemcunque nacti essent Papam, ei eandem
 Fidei firmitatem auctoritatemque tribuebant:
 donec aliter Luthero Boram subanti visum. At
 quis purissimam Ecclesiam nisi sordidissimus con-
 taminaret? Et tamen sunt quos non pudeat Au-
 thorem sequi, **cujus ne nomen quidem sine rubore**
 pro-

proferri potest. Ego sanè possem catenam Authorum id sentientium, quemadmodum Pontificum succedentium, deducere, & unam alteri conferre, &nectere quæ ego quidem pluris facio, vincula, quàm Heterodoxi libertatem: qui sciam proprium esse Fidei *Captivare intellectum in obsequium*: non solvere in audaciam. Itaque nos Gratia liberat, sed captivat Fides.

Adjicio ultimum Calculum judicio Augustini. Hic successione Pontificum præcipuè utitur, & in illa multorum serie unius veritatis consensionem agnoscit: soletque præjudicio ejus, qui antecessit, alterius qui successit judicium confirmare. Ita l. 2. de Grat. Christi. & Peccato Originali commemorans Pelagij & Celestij damnationem, probat Sententiam Zozimi Successoris Innocentij, ex ejusdemmet Innocentij latânte Sententiâ, ac ex utriusque inter se consensione demonstrat, nec posteriorem à priori dissentire, nec utrumque consentientem errare potuisse: imo & Papa ipse Zozimus credidit tantum momenti esse in Prædecessoris sui judicio, ut eo usus fuerit ad convincendum confutandumque Celestium. Audiamus Augustinum c. 7. *Hanc ejus Celestij prælocutionem venerabilis Papa Zozimus tenens egit cum homine, quem falsa doctrina ventus inflaverat, ut ea quæ illi à Diacono Paulino fuerant objecta damnet, atque ut Sedis Apostolicæ litteris quæ à sanctæ memoriæ suo Prædecessore manaverant præberet assensum. At ille noluit quidem Diaconi objecta damnare, sed Bea-*

ti Papæ Innocentij litteris non est ausus obistere : imo se omnia quæ SEDES ILLA DAMNARET DAMNATURUM ESSE PROMISIT. Plura præstitit quam ego promisi Augustinus, cum apud eum vel damnatus Celestius Romani Episcopi Papæ judicio ita se submiserit, ut contradicere non auderet; ejusque sententiam non unius hominis, sed Romanæ Sedis esse putaret. Nondum Hæretici pudorem abjecerant; sed nostri & frontem quoque deposuerunt: & cum corpori curando studeant, honestissimam ejus partem præciderunt. pergit Augustinus. c. 8. idem in damnato pelagio monstrare. Pelagius, inquit, sefellit judicium Palestinum in Concilio: Romanam verò Ecclesiam fallere usquequaque non potuit. RECOLUIT ENIM BEATISSIMUS PAPA ZOZIMUS QUID IMITANDUS PRÆCESSOR EJUS DE IPSIS SENSERIT GESTIS. Et adductâ c. 9. Epistolâ Innocentij ait: Videtis in his verbis quemadmodum papa Beatissimus Innocentius non tanquam de incognito loqui videatur? Videtis qualem tulerit de illius purgatione sententiam? Videtis quid SUCCESSOR EJUS Sanctus papa Zozimus recollere debuerit, sicut recoluit, ut in eo SUI PRÆDECESSORIS JUDICIUM remotâ cunctatione firmaret.

Illustrior adhuc est lib. 2. ad Bonifacium Augustini eandem damnationem refricantis locus. Etenim Bonifacio, qui Zozimo successerat, remota gesta erat exponens, quæ dixerat de consensu duorum Pontificum Innocentij & Zozimi rursus

sum confirmat. cap. 3. & 4. Ac illud inter alia
 præclare. Cum litteris venerabilis Innocentij de
 Paroulis, nisi baptizarentur in Christo in æterna
 morte mansuris (de quo erat controversia) Ca-
 tholica Fidei clareret Antiquitas, profecto Ecclesiæ
 Romanæ prævaricator potius esset quicunque ab illa
 sententia deviasset, quod Deo propitio, &c. Cete-
 rum illis in capitibus probat non potuisse inter se
 illos duos Pontifices in Romana sedentes Cathedra
 dissidere: perinde ac ea in Cathedra vis quædam
 Divinitus infusa consisteret. Hanc recognorat
 multò ante Augustinus in Concilio Milevitano
 scribens ad Innocentium, sic enim orditur: *Quia*
te Dominus Gratia sua præcipue munere in Sede Apo-
stolica collocavit, &c. Imo & Innocentius à Patri-
 bus Carthaginienſis Concilij consultus id prorsus
 confirmat: *Scientes quid Apostolica Sedi, cum*
omnes hoc loco positi ipsum sequi desideremus Apo-
stolum, debeat, à quo ipse Episcopatus & tota
Authoritas nominis hujus emerſit. Quem sequen-
tes, &c. Idcirco Augustinus Donatistas hor-
 tabatur, ut ad Episcopos Romanæ Sedis oculos
 converterent, ac in eorum ſucceſſione Fidei
 quoque conſentientem obſervarent: cauſâ item
 commemoratâ, unde exiſteret vera, & certa
 conſenſio: *Numerate Sacerdotes vel ab ipſa Petri*
Sede. Et in Ordine illo Patrum QVIS CUI
SUCCESSIT VIDE TE. Ipſa eſt Petra.
 Hinc origo & Fons ſucceſſionis & firmitatis &
 Authoritatis. Omnium in ea Sedentium una
 mens,

mens, una fides, una consensio. Nam nisi esset, una
petra non esset, sed in multos dissentiendo lapides dis-
 filiret. Augustinū imitatur fides discipulus Prosper:
 de iisdem Pontificibus Innocentio & Zozimo, ac
 in eadem causa loquens, & eandem rationem
 inculcans. Contra Collat. c. 10. & c. 41. Coro-
 nidem Articulo Tertulliani Sententiā impono.
 lib. de Præscriptionibus cap. 28. *Ceterum quod*
apud multos unum invenitur, non est erratum
sed traditum. Audeat ergo dicere aliquis illos erras-
 se qui tradiderunt.



ARTICULUS II.

*Conciliorum Decreta Authoritatem Pon-
 tificum Approbationemque de-
 siderant.*

Nihil est in Ecclesia grāvius, nihil firmius,
 nihil Sacratius, secundum Scripturas Cano-
 nicas, quā Concilia, tum apud universos
 Oecumenica, tum apud privatos Provinciālia.
 Adeo ut vel ipsi Hæretici, qui omnem pene autho-
 ritatem arbitrio suo suspendunt, & privato spiri-
 tui ipsum Dei verbum subjiciunt, Concilia ple-
 rumque suspiciant eorumque Decreta venerentur.

Imo

Ino & suis se Synodis ac Conciliabulis adversus iusta legitimaque Concilia tueantur. Quare si constet, Ipsa hæc quæ tantopere commendantur Concilia, Pontificum Authoritati favere, ea planè perspecta & explorata esse debet. Nec ego nunc id in quæstione voco: Utrum sit supra alterum? & utrum Emineat Papæ? an Concilium? ab ea quippe abstinendum; quod non sit ad id quod suscipimus probandum, necessarium.

Primum igitur statuendum: tantam esse Pontificis in Concilia autoritatē, ut quod præter Pontificis autoritatem institutum sit, & ab eo confirmatum non sit, non sit iustum ratumve Concilium. Ita Damasus Papa definit in Epist. ad Stephanum Archiepiscopum, & tria Concilia Africana in Epist. ad eundem Damasum. Fatentur ipsamet Concilia, Septima Synodus. Actione 6. Tom. 1. Octava Synodus Actione 1. & 7. & Synodus Romana sub Symmacho. 96. dist. C. Benè. & Synodus 90. Episcoporum sub Damaso. Histor. tripart. c. 29. Concilium Lateranense sub Leone 10. Sess. 11. ubi hoc ipsum dicitur in Synodo Alexandrina definitum. Hanc esse Niceni Concilij constitutionem dixit Julius 11. in Epist. ad Orientales, altiusque ascendens Marcellus in Epist. ad Antiochenos ait Apostolorum eam Sanctionem fuisse. Socrates lib. 4. Hist. Trip. c. 9. tradit Regulam Ecclesiasticam jubere, ut Concilia inconsulto invitoque Pontifice minimè celebrentur. Id ipsum ostendit Gratianus decimā septimā dist. cap. *Regula.* & cap. *Multis.*

Sed ad expressa testimonia veniamus. Concilium Nicenum lib. 3. Canonum. juxta Julium. 1. Epist. 2. Can. 1. *Non debem inquit præter sententiam Romani Pontificis Concilia celebrari.* Et quoad confirmationem doctrinæ extat Epist. Synodi ad Sylvestrum Papam in qua illustris quædam fax est, *Quicquid constituimus precamur ut vestri oris consortio confirmetur.* Quibus ita precantibus respondet Sylvester: *Confirmo, figoque ad doctrinam vestram reclamantes de unitate Trinitatis.* Et paulo post. *Probo vera fuisse quæ in vestrum nostrumque mandare mysterium.* Quanta oportuit esse Authoritatem Pontificis tanto concilio robur addentis? Sanè ex Divinis fontibus haustum quod in eos Patres viva Ecclesiæ flumina redundavit. Concilium Ephesium summam in Romano Pontifice Authoritatem & in statuendis & confirmandis Decretis hisce verbis expressit in Epist. ad Cœlestinum Papam, quæ habetur tomo 4. c. 17. *Est vobis, inquit, tam eximius in more positus ut in omnibus celebres sitis, studiisq; vestra solida ecclesiarum fundamenta constituatis.* Perinde ac solemne esset Pontificibus studiis suis firmare Ecclesiæ doctrinam. In hanc mentem pergit dicere: *Quia verò necessitas exigebat, ut omnia quæ in hac Synodo acciderunt Sanctitati tuæ declararentur, non potuimus hisce nostris litteris ad tuam Sanctitatem non perscribere.* Quæ tandem illa necessitas esset proxima verba ostendunt, nimirum quia illi Synodo opus erat approbatione & confirmatione Pontificiâ. Patet autem ex tomo 2. c. 15. litteras à Cœlestino.

lestino ad Patris Concilii datas reverenter ab iis acceptas, & documenta iis contenta ad unguem servata, ipsumque uti Caput Ecclesiæ agnitum receptumque fuisse. Extant Philippi unius ex ipsis verba: quæ loco hærent: *Gratias agimus Sanctæ reverendæque huic Synodo, quod literis Cælestini Sanctissimi Beatissimi quæ Papæ recitatis, Sanctæ Ecclesiæ, sanctis vestris vocibus, piisque præconiis Sancto vestro capiti vos exhibueritis: non enim ignara est vestra Beatitudo, totius Fidei cæterorumque omnium Apostolorum Caput Beatum Petrum Apostolum extitisse. Idem quæ argumentum profèquitur. Quid? quod Ex actis omnino constat Cælestinum Papam Legatos ad id Concilium suos misisse, quibus vices suas mandavit, ut ibi primas haberent.*

In Concilio Chalcedonensi sub Leone 1. Magno. Mire emicuit Romanæ sedis autoritas. Primum enim Legati Leonis, principem, uti par erat, dignitatis gradum habuerunt: ipsiusque iudicio, controversia, & cæpta, & terminata. Patet ex verbis Paschasii unius Legatorum Act. 1. *Beatissimi atque Apostolici viri Papæ Urbis Romæ, quæ est Caput omnium Ecclesiarum præcepta habemus præ manibus, quibus præcipere dignatus est ejus Apostolatus ut Dioscorus Alexandrinorum Episcopus non sedeat in Concilio, sed audiendus intromittatur. Omne Autoritatis punctum tulit ille, qui in Concilio potuit præcipere: cuique omnes, (nam id est consecutum) paruerunt. Nec mirum: cum Leo sæpe Actione 3. ejusdem Concilij Universalis Patriarcha*

et *Universalis Archiepiscopus* appelletur. Ac in ea Julianus Episcopus ad Legatos papæ dicat, *Nunc vestra Sanctitas primatum tenet Sanctissimi Leonis ; & infra. petimus Vestram Sanctitatem, qui habetis locum Papæ Leonis, contra eum (id est Dioscorum) Proferre sententiam.* An non hoc imperantis & Judicis est ? & supremum sibi doctrinæ arbitrium jure vindicantis ? Quid quæris ? Act. 2. lectis Leonis Pontificis in Concilio litteris, Omnium ea & consentientium Patrum clara vox fuit. *Ita credimus, PETRUS PER LEONEM ITA LOCUTUS EST.* Sanè iidem Act. 16. in Epist. ad Leonem in qua gesta Concilij commemorantur, aiunt. *Eum tanquam membris Caput præfuisse.* Ac infra petunt ea quæ decreta sunt in Concilio, Leonis autoritate firmari. Tandem in fine Concilii Tom. 2. hæc est sententia, qua nihil potuit illustrius inveniri. *Unde inquirunt, Sanctissimus & Beatissimus Papa Caput universalis Leo, per nos ut Legatos suos Sancta Synodo consentiente, Petri Apostoli præditus dignitate, qui Ecclesiæ Fundamentum, & Petra Fidei & Cœlestis Regni Janitor nuncupatur Episcopali eum dignitate nudavit.* En supremæ Authoritatis Apex : in Universi conspectu Concilij judicare, definire cæteris consentientibus, illo uno absente per legatos suos inspirante. Summa ejus esse potestas deprehenditur, cujus arbitrio cæteri omnes suspenduntur, nutuque temperantur. Hæceadem constant ex Epist. Leonis 59. ad idem Concilium. & Epist. 58. ad Pulcheriam. Sic placuit Concilio Sardicensi c. 4. & 5.

Cujus

Cujus idonea & magna autoritas est teste Sulpitio I. 2. Histor. & Socrat. lib. 2. c. 6. confirmatur auctoritate Athanasii Apolog. 2. circa initium. Et verò sicut membra capite reguntur & corde foveantur, ita Concilia Papæ auctoritate animantur.

Quare si qua sine Consensu & Autoritate papæ Concilia cōgregata & habita sunt, illegitima, adulterina, imo & inanima fuerunt. Sic accidit Concilio Antiocheno contra Athanasium instituto. De quo sic Socrates lib. 2. Histor. cap. 5. *Nec Julius inquit, Romæ Episcopus in Concilio adfuit, neque quenquam qui ejus locum suppleret eo misit, cum utique Ecclesiasticus Canon jubeat non oportere absque Romani Pontificis sententia Decreta Ecclesis sancire.* En necessitas Pontificiæ auctoritatis: sine cujus animatu illud Concilium penè Cadaver fuit. Idem de eo tradit Sozomenus. lib. 3. c. 7. ubi rem illam copiosius narrat, aitque ad Romanum Pontificem propter Sedis dignitatem curam omnium Episcoporum & Fidelium pertinere. Simile vitium contigit Concilio Ariminensi, de quo sic Theodoretus lib. 2. Histor. c. 22. *Numerus Episcoporum qui erant strimini congregati præjudicij vim habere non debet: præsertim cum formula composita sit, neque Episcopo Romano ejus sententia expectanda erat, &c.* Et quamvis sexcentorum Episcoporum esset, nil illos numerus juvit, ad non errandum: cum sine Face Duceque convenissent, imo invito Liberio Pontifice operâ hæreticorum coactum Concilium illud fuisset:

isset: ut Damalus Epist. ad Africanos Episcopos, & Gelasius relatus dist. 15. cap. Sancta Romana & Ecclesiastica Historia testantur. Nec minus erravit Concilium Constantinopolitanum Leone Imperatore, quod repugnante Pontifice congregatum, unde à Septima Synodo Generali 367. Patrum apud Nicæam reprobatum fuit. Hinc momentum causæ adjicio. Nam ideo Concilium Constantinopolitanum Primum 150. Patrum Damalo Pontifice certum & constans fuit: Alterum verò Leone Imperatore cum dimidio majus esset, incertum, & errore obnoxium exitit, quia illud & coactum jubente Pontifice, & ejusdem calculo approbatum: istud autem inconsulto, & invito Papa inchoatum, & nullatenus confirmatum legitur. Hinc illustris illa Concilij Turonici sententia *Quis sacerdotum contra Decreta quæ à sede Apostolica processerunt agere præsumat?* Et illustrior adhuc Gregorii Magni lib. 7. Epist. 19. *Acta in Concilio sine Apostolicæ Sedis authoritate atque consensu nullas vires habent.*

Ut tamen certa quædam ratio proponatur, quæ quasi norma tenenda sit: Tres Melchioris Cani summum Theologi amplectenda sunt Conclusiones: Prima lib. 5. de locis, loco de Authoritate Conciliorum. *Concilium Generale quod authoritate Romani Pontificis nec congregatum, nec confirmatum est, errare in Fide potest.* Secunda: *Concilium Generale etiam congregatum Authoritate Romani Pontificis, errare potest in Fide.* Tertia: *Concilium Generale confir-*
matum

matum à Romano Pontifice, etsi ab eo retractum non sit, certum omnino est, ac firmum in Fide, errareque non potest. Unde deducitur quanti sit momenti Authoritas Pontificia: nam cum præcipue in iudicio, & definitione consistat: si hæc desit, Concilij veritas poterit deficere. Si adsit, non potest. In Confirmatione itaque Romani Pontificis omne pondus est. Quapropter in Concilio Ephesino 11. congregato autoritate Leonis, imò ad id missis Legatis, Episcopi congregati Dioscoro Hæretico subscripserunt, ac cum eo planè errarunt. Verum & Legati tum resisterunt, & Leo postea refragatus est. Opus est igitur confirmatione, nec sufficit congregatio. Etsi enim hæc emanet à voluntate Pontificis, proprius iudicii actus non est. Confirmatio approbationem continet: quæ si desideretur, destituitur Authoritate idonea Concilium. Ita de illo Concilio Leo Epist. 12. & 13. & 21. 22. 23. 24. & Synodus 8. actione 7. & Nicolaus ad Michaellem Imperatorem. At verò Concilium à Pontifice confirmatum expertus omnino est erroris, quod à capite & Magistro Ecclesiæ approbetur: cui dixit Dominus in Persona Petri. *Confirma Fratres tuos.* Hæc interveniente, etsi congregatio non sit à Pontifice inerit Concilii Decretis certa & infallibilis vis authoritatis. In hac rem nata illa Eugenj iv. in Decreto super unione Jacobinorum, postquam Synodum Ephesinam secundam proscripsit, Sententia. *Suscipit ait, Sancta Romana Ecclesia omnes Universales Synodos auctoritate Romani Pontificis Legitimè congregatas, ac cele-*

celebratas, & confirmatas. Ubi optime Catus: *Non dixit congregatas solum, sed celebratas & Confirmatas.* Imo tanta est Pontificiæ authoritatis virtus, ut concilia etiam Provincialia cum à Pontifice confirmantur, certam, & infallibilem authoritatem habeant: atque adeo in eundem Generalium locum transeant.

Id ut probemus, observandum est multos Hæresiarchas in conciliis Provincialibus damnatos fuisse: & doctrinam contra eos traditam pro Catholica introductam & receptam: sola accedente confirmatione Romani Pontificis. Itaque Concilium Carthaginense, & Milevitanum in quibus damnatum Pelagius & Cœlestius, Toletanum, in quo Priscillianus proscriptus: Telenſe, in quo Elvidius exactus, Arauficanum in quo Semipelagiani præcisi, quod à summo Pontifice sunt rata & probata, certam & constantem authoritatem citra erroris, aut suspicionis periculum habuerunt. Ne quis autem objiciat ea Concilia, non ideo quod à Pontifice sint confirmata solennem authoritatem habuisse, sed quod ab universis fidelibus paulatim recepta sunt & tacite ab omnibus approbata, volo oppositis idoneis testimoniis objectionem avertere, & si intendatur retundere. Igitur Carthaginensis Concilii Patres contra Pelagium & Cœlestium congregati, cum eorum errores damnassent, sententiam suam per litteras Innocentio I. Pontifici Romano exposuerunt, rogarunt que ut Authoritate illam Apostolica confirmaret. Verba sunt ejusmodi apud Augustinum

gustinum Epist. 60. Hoc itaque gestum Domine
 Frater Sancte, Charitati tue intimandum duximus, ut
 statutis nostræ mediocritatis etiam Apostolicæ Sedis ad-
 bibeatur auctoritas prout bona salute multorum, & quo-
 rundam peruersitate corrigenda. Et quanquam te-
 stentur compertum sibi esse eos errare, & pauca per-
 niciofa que docere ac idem antea à Patribus Ori-
 entalibus aduersus eosdem esse definitum, expectari
 à se tamen Innocentij ea in Causa iudicium, ut illæ
 duorum Conciliorum sententiæ ratæ habentur, &
 in Rempublicam Christianam transeant. Non du-
 bitamus, inquit, venerationem tuam, cum gesta Epis-
 copalia perspexerit, quæ in Oriente in eadem Causa
 confecta dicuntur, id iudicaturum, unde omnes in
 Dei misericordia gaudeamus.

Affirmant non sua duntaxat, sed & aliorum Pa-
 trum Orientalium in Concilio Acta Examini & ju-
 dicio Innocentij subijci oportere, quod id solenne
 in Ecclesia jam tum inde à Petro fuisset, continu-
 atâ traditione. Id verò continet Innocentij re-
 sponsum in litteris ad eosdem redditis. *Antiquæ,*
ait, Traditionis exempla seruantes, & Ecclesiasticæ
memores disciplinæ vestræ Religionis vigorem, non
minus nunc in consulendo, quam antea cum promun-
retis, vera ratione firmatis, qui ad nostrum referendum
approbastis esse iudicium, scientes quid Apostolicæ Sedi,
cum omnes hoc loco positi ipsum sequi desideremus. Apo-
stolum, debeat. A quo ipse Episcopatus, & tota
Auctoritas nominis hujus emerfit. Soleo dicere hunc
locum Achillem, esse cui nemo Hæreticorum Hector
possit

possit resistere. Nam Patres Concilij legitimè cum Aurelio Africanæ, quæ tunc erat Clarissima Ecclesiæ Capite, in novum Concilium coacti, in Causa optima, certâ, indubitata summo jure dânantis Erroribus, judicium tamen sustinent suum, & ad Pontificem referunt, imo & alterius Orientalis Concilij relatum supponunt, petuntque, ut Apostolica Autoritate utrumque firmetur, & ratum habeatur: Pontifex verò probat & judicium in dammando, & obedientiam in consulendo, & utrumque juxta commendat, aitque illos ex officio ad consulendum teneri: idque traditione constare, quia Romanæ Sedis est summa, & Apostolica, atque adeo Princeps Autoritas. Nihil hic sanè ad convincendos Hæreticos hujus temporis desideratur. Legant, expendant, reliquam Epistolam, satis erit illa ad persuadendum, si libero sunt & animo & judicio. Sin præoccupato & affecto, si minus proderit ad doctrinam, certè proficiet ad pudorem. Nisi adeo periit frons de rebus, ut liceat unicuique fingere quod credat: nec velit credere nisi quodingat.

Par est in secundo robur: *hic erit alter Achilles*: nec enim ad Trojam ubi unus, sed in Ecclesia in qua plures: non Pelidæ, sed Christiadæ. Concilii Milevitani paucis post annis coactum eadem & in decernendo, & in consultando ratio fuit: nec minus illustri ex eo hujusce veritatis probatio existit. Ajunt Epist. 92. ad Innocentium in eadem Pelagij & Celestii causa. *Quia te Dominus, inquit, Gratia*
sua

sua munere in sede Apostolica collocavit, talemque no-
 stris temporibus praestitit, ut nobis potius ad culpam
 negligentiae valeat, si apud tuam venerationem, quae pro
 Ecclesia suggerenda sunt tacuerimus, quàm ea tunc possis vel
 fastidiosè, vel negligenter accipere, magnis periculis
 infirmorum membrorum Christi Pastoralis diligentiam,
 quae sumus adhibere digneris. Et paulò post mentio-
 nem de Carthaginensi Concilio superiore faciunt.
 De quo ante paucos, inquit, annos quid gestum fue-
 rit Sanctitas tua de Carthaginensi Ecclesia melius in-
 struetur. Addunt in rem. Hec ad Sanctitatem
 tuam de Concilio Numidia scripta dixerimus imitantes
 Carthaginensis Ecclesiae, Carthaginensis Provinciae Co-
 piscopos nostros, quos ad Sedem Apostolicam quàm bea-
 tus illustras hac de causa scripsisse comperimus. Quo
 & Auctoritas Papae Romani agnoscitur, & traditio
 confirmatur; quid est enim imitari, nisi alios sequi,
 & quod ab his actum est, de eorum manibus accipe-
 re, & rem cum exemplo ad se traducere. Quid
 autem esset, & quanta fide ab Innocentio praestan-
 dum id exprimunt hisce verbis. Arbitramur ad-
 iuvante misericordia Domini Dei nostri Iesu Christi
 qui te & regere consulentem, & orantem exaudire dig-
 natur.

AUTHORITY SANCTITATIS TUAE
 DE SANCTARUM SCRIPTURARUM AU-
 THORITY DE PROMPTAE facilius eos qui
 tam perversa & perniciose sentiunt esse cessuros. Plu-
 ra nostris hic locus tela suppeditat, quam alter.
 Nam docet Auctoritatem Papae suos fontes in
 Scriptura habere, atque ab his manare. Regi &

exaudiri à Deo consulentem de rebus Fidei & è Re Christiana Pontificem, ne falli possit. Tantam ejus vim, & virtutem Authoritatis esse, ut qui alius ante restiterint proteruè & Pastoribus, & Conciliis, hi Papæ non audeant refragari. Sanè si satis erat Pastorum & Conciliorum authoritas, quid opus erat ad convincendos damnandosque & errores, & Authores, Romani Authoritate Pontificis? Definirent ij, decernerent, proscriberent, damnarent. Prætermitterent, contemnerent negligerent Pontificem. Id agerent si Novatores essent. Quibus omnia quæ lubent, liceant. Aliiter judicarunt veteres Sancti, Docti, Venerabiles Episcopi, licere sibi non putarunt sententiam in Causa Fidei suam, cum cetera tamen & indubitata esset, palam, & ut erat è Christiana Repub. dignum proferre, nisi Romane Cathedrae authoritas accessisset. Nec suæ aut dignitati, aut gravitati quicquam detractum iri censuerunt, quod se Romani Pontificis judicio sententiaque subicerent. Et, quod apud me magnum habet pondus, inter eos erat Magnus Augustinus. Qui strenuus hujusce Authoritatis, vindex, & fidus ubique testis existit. Omitto Innocentij ad hujusmodi litteras responsum: nam ubi tot sunt, non est necesse plura argumenta producere.

ILLUD AUTEM MANEAT: Concilium Romanum, si quod à Summo Pontifice approbatum est, & confirmatum, errare in Fide non possit: idque idem Universalibus esse commune. Unde quis citet Canonem Concilij à Papa confirmati, sive sit Universalis, sive Provincialis.

vincialis Concilij, ille eo nomine credendum est; nam etsi inter utrumque quoad solennitatem, & claritudinem, imo, & reverentiam aliquantum, certè ad veritatem nihil videtur interesse. Jam verò si Universali Concilio non approbato à Romano Pontifice error potest obrepere, obrepsitque, quomodo liberum esse potest ab errore Provinciale Concilium? Tantum igitur valet Pontificia in utranque partem Autoritas. Ratio verò ea est, quia Concilia etsi Universalia sint, representant Corpus Ecclesie, Cujus corporis Christus verum Caput, & Pontifex, ejus vices gerens, Vicarium Caput est; atque adeo Capiti virtus inest authoritatis, innata, aut communicata. Dum igitur deest hujusmodi Capitis nexus, perfectum illud Corpus non est: cum adest, cum & sua forma faciesque accedit: Cujus ratione jam illa membra ad Ecclesie Speciem conformantur. Et quidem Universale Concilium, cum approbatur, totam Ecclesiam representat. Provinciale, cum ad Caput trahitur, eique per approbationem adheret, etsi Ecclesie Universalis Speciem non habeat, ratione Capitis incipit ad totam Ecclesiam pertinere. Capitis autem qui Christus vere, ac Petrus & Pontifex successor pro capite sunt, illa Prærogativa Authoritatis inest, vel propria vel communicata juxta textus Evangelij, quos suis locis adduximus. Erasse autem multa Concilia Provincialia, quæ non habuerunt approbationem Pontificis, patet exemplis. Carthaginiensis cum Cypriano, de quo toties meminit

contra Donatistas Augustinus. Mediolanensis
 juxta Histor. Ecclesiast. c. 20. Seleuciani lib. 1.
 Histor. Tripart. c. 34. Alia pleraque videri pos-
 sunt apud Cajetanum de Author. Pap. & Concil. &
 Turrecrematam lib. 3. c. 6. 8. & 38. & Canum. l.
 5. Quot autem, & quot ea fuerint, & in quibus
 erraverint, iidem exponunt. Quantum verò inter-
 sit inter Provincialia Concilia idonea: quorum al-
 terum confirmatum sit, alterum non, indicto ex-
 emplo declarare volo. Arausicanum secundum
 & Senonense Prouincialia sunt Concilia circa mate-
 riam de Gratia & libero Arbitrio: Siquis tamen
 neget Canonem Arausicani, suspectus erit in Fide,
 non erit qui neget Senonensis, quia Arausicanum
 confirmatum est à Romano Pontifice: & in Fidem
 publicam Ecclesiæ transit. Senonense adhuc
 non est Confirmatum: atque adeo Publicam Fi-
 dem non facit. De quo vide Vasquium in l. p. d.
 gr. a. c. 11, ad 13.

Hujusmodi Pontificiæ Authoritatis Prærogati-
 vam ipsa Concilia, Synodique testantur. Nam
 in Synodo Constantinopolitana Generali 5. Pro-
 nuntians Mennas ejusdem Urbis Archiepiscopus in
 Anthimum Sententiam adjecit: *Nos Apostolicam
 Sedem sequimur, & obediunt sicut Charitas vestra
 scit, & illius communicatores communicatores habemus,
 condemnatos ab ipso, & nos condemnamus.* Cui Sy-
 nodus tota Subscripsit. Octavæ Synodi Genera-
 lis Patribus idem judicium fuit, & sensus. Se-
 quentes aiunt, *in omnibus Apostolicam Sedem, Speramus*
 ut

ut in una Communionem, quam Sedes Apostolica prædicat esse mereamur, in qua est vera & integra Christianæ Religionis soliditas. Quare non consentientes Sedi Apostolicæ eorum nomina inter Sacramenta non sunt recitanda. Nolo prolixior esse in verbis recitandis. Summam facio. Synodus Romana sub Symmacho decernit Romanæ Sedis Præsulem merito Beati Petri Apostoli per universum Orbem Primatum obtinere Sacerdotii, & Statutis Synodalibus solere tribuere firmitatem. 96. c. Bene. & 25. q. 2. c. Si quis. Alia Synodus Universalis Nicolao Præsidente, Si quis, ait, dogmata vel decreta pro Catholica Fide, vel Ecclesiastice disciplina à Sedis Apostolicæ Præsule promulgata contempserit, Anathema sit. Quæ sententia à Lucio 3. c. Abolendam. de hæreticis. usurpatur. Concilium Lateranense sub Innocentio 3. De summa Trinit. c. Damnavimus. Nolumus, inquit, quicquam Abbati Joachim derogari, cum omnia scripta sua assignari mandaverit Apostolicæ Sedis judicio approbanda, vel etiam corrigenda: firmiter confitens se illam Fidem tenere quam Romana tenet Ecclesia, quæ disponente Domino cunctorum Fidelium mater est, & Magistra. Quo maxime Pontificis authoritas confirmatur, cum hujus Ecclesiæ Os & Caput sit. Itaque Concilium Lugdunense sub Gregorio. De Summa Trinit. in. 6. Ex Domini, ait, institutione Romana Ecclesia Fidelium magistra est; ac proinde Romanus Episcopus Petro succedit in Ecclesiæ magisterio. Ne quis putaret (quod Thomas Anglus significavit) illam facultatem docendi non in Persona Episcopi, sed in Clero

Clero Romano, quod ineptè affirmat residere. Quòd autem dicit Papam Petro in magisterio succedere, probat, non magis errare posse Papam cum Petri vices docendo agit, quam Petrum. Hinc est ut c. ubi periculum de Elect. in 6. Concilium Lugdunense sub Gregorio declaret *Romanum pontificem esse Vicarium Jesu Christi, Successorem Petri, Rectorem Ecclesie Universalis*. Et Clement. Un- Patres Concilii Flotentini Papam inter alia nomina vocant *Totius Ecclesie Caput, & Omnium Christianorum Patrem, & Doctorem*. Unde Leo ix. Epist. Synodica ad Petrum Antiochenum Patriarcham: *Sanctam, inquit, Romanam & Apostolicam Ecclesiam Caput esse omnium Ecclesiarum, ad quam majores Causas esse referendas Concilia omnia. & Sanctus Sanctorum Rex confirmant*. Quod prorsus verum est. Id enim, uti vidimus, Omnium pene gentium ætatum, Regnorum Synodi, Conciliaque refrantur, modo fuerint juste & legitime congregata: id est, *in nomine Christi, accepta ab eo suos per Vicar os potestate, quam non ipsi ingerebant, sed rogati exerebant à Niceno usque ad Tridentinum; ut non minus Successio Pontificum inter se cum Ecclesia & Conciliis, quàm Series Conciliorum cum Pontificibus, nexa videatur*. Quibus qui resistunt, negantès Papæ certam & infallibilem in definiendo & approbando auctoritatem inesse, pugnant cum toto Orbe terrarum.

ART.

ARTICULUS III.

*Patres Ecclesiæ ſensa Scriptaque ſua Romano-
rum Pontificum doctrinæ accommoda-
runt, quidam etiam iudicio ſub-
jecerunt.*

Magnam eſſe Patrum inter ſe Conſentientium
Authoritatem, Ipſa Concilia, Patres Pon-
tificesque teſtantur. Producamus aliquot
ex ſingulis Ordinibus teſtimonia. Concilium
Ephelinum, Authore Vincentio Lyrinenſi, Neſto-
rio hinc, inde Cyrillo: illo hæretico, iſto Catho-
lico pugnantibus, decrevit, *ut Sanctorum Patrum
Sententiæ in medium proferrentur*: quibus cum ad-
verſari Neſtorium à Cyrillo editis teſtimoniis mon-
ſtratum eſſet, lata in eum damnationis ſenten-
tia eſt. Conſtantinopolitana Synodo Sextæ placu-
it res ſecundum Patrum placita definire, Ita Acti-
one 12. 17. 18. Lateranenſis idem iudicium fuit
Can. 12. & 13. omnino expreſſū. *Patres* ipſi alii ali-
orum ſe præſidio muniunt ad hæreſes oppugnandas.
Adverſus Helvidium Hieronymus. Adverſus Eu-
nomium Baſilius. Adverſus Donatiſtas & Pelagi-
anos Auguſtinus. Adverſus Neſtorianos Cyrillus.

R

Ita

Ita Eutichem Leo ; ita Agatho Monothelitas confutavit. Hac ratione Concilij Viennensis Clemens, & Leo X. decreta confirmarunt. Unde ex locis Theologicis unus ac ex præcipuis est Authoritas Patrum, de qua Canus. lib. 7. & Vasquez 1. p. d. 12.

Igitur Patres tum Græci, tum Latini Summis Pontificibus Romanis, & adhærere semper, & ubi opus esset eorum se judiciis submittere studuerunt. Polycarpus Joannis Apostoli discipulus, & aliorum Apostolorum auditor, uti narrat Hieronymus, *propter quasdam super die paschæ quæstiones Ecclesiam regente Aniceto Romam venit.* Ut eum consuleret: Irenæo teste l. 3. c. 3. ejusque judicium requireret; quod certè non ageret, Apostolorum discipulus, nisi & hoc ipsum ab iis didicisset. Et quidem Irenæus ipse qui refert, Polycarpo Super quod is re præstitit, verbis confirmat eodem lib. 3. c. 3. *Ad hanc Ecclesiam, inquit, propter potentiorē principatū necesse est omnem convenire Ecclesiam, hoc est, eos qui undique sunt fideles.* Necessarium dicit, & ducit hoc cum Romano Capite membrorum consortium. Paucis post annis floruit Septimio Severo Imperatore Tertullianus, qui in iis quæ adhuc integer, & incorruptus scripsit operibus, Romano adharendum sensit, docuit que Pontifici. lib. de Pudicitia c. 1. Episcopum Romanum vocat *Maximum Pontificem, & Episcopum Episcoporum.* Et lib. contra Marcionem 5. ejus Catholicam doctrinam probat. Libro autem de Præscript. idem efficit.

Et

Et illud addit cap. 36: *Habes Romam, unde Authoritas præsto est. Statu Felix Ecclesiâ cui totam doctrinam Apostolicam sanguine suo profuderunt.* Ejus vicinus & patriâ, & tempore Cyprianus multus hac in re est, & copiosus. Unitatem Ecclesiæ cum uno Capite exigit, & nexum cum illo Corporis Fidelium pulchrè describit lib. 1. Epist. Epist. ad Cornel. lib. 4. epist. ad Pupianum, & Epist. ad Jubaianum, & in tract. de Simpliciter. Prælator. & lib. de Unit. Ecclesiæ. in quo ait, *Ut unitatē manifestaret unam Cathedram constituit, & unitatis ejusdem Originem ab uno incipientem suâ autoritate disposuit.* Et postea. *Exordium ab unitate proficiscitur: Primatus Petro datur, ut una, Ecclesia, & Cathedra unam ostendat.* Viam hoc uno aditu munit ad doctrinam: quæ ad eam omnino Sedem referenda est, & conformanda. Insuper Epist. 66. ad Florentium, & Epist. 55. in qua illam illustrem dicit sententiam. *Inde orti hæreses & schismata, quod Sacerdoti Dei non obtemperatur, neque unus in Ecclesia ad tempus Sacerdos, & ad tempus iudex vice Christi cogitatur.* Ac ne quis à Romano Pontifice aberraret, ait Epist. ad Jubaianum. *Petro super quem edificavit Ecclesiam, & unde unitatis originem instituit, & ostendit, potestatem istam dedit, ut illud solveretur in Cælis, quod ipse solvisset in terris.* En Fons unitatis & autoritatis, Petrus, & Romana Sedes; ac qui in ea sedent Christi Vicarii, Petri successores. Cyprianum Martyrem, Vindex Fidei Athanasius sequatur, quem Hæreticorum acerba odia Romam

ire, & ad Sacram Romanæ Sedis Anchoram confu-
gere impulerunt. Qua mente Scripta ipsius te-
stantur. Epist. ad Marcum Papam: *Domino, inquit*
Sancto, & Apostolici culminis venerando Marco San-
ctæ Romanæ & Apostolicæ Sedis atque Universalis
Ecclesiæ Patri Athanasius, & Universi Egyptiorum
Episcopi salutem. Et infra. Vestri sumus, vobisque
obedientes cum omnibus nobis commissis & sumus, &
esse semper volumus. Pia ista voluntas in Novatori-
bus desideratur; quæ si esset; non deesset Fides:
sed illi nolunt Credere, quia rectè ac secundum Fi-
dem vivere nolunt. Ii demum piè in Christum
Credunt, qui piè in Christo vivere volunt. Qui piè
credent, qui impiè vivunt? Hinc illa Athanasii
(Quanti viri!) obedientia, perspicuè testata ver-
bis. in Epist. ad Felicem. tomo. 1. Conciliorum.
Quia semper Antecessores nostri & nos à vestra Apo-
stolica Sede auxilium hausimus, & nostri vos curam ge-
rere agnovimus, præfatam Apostolicam; & summam
expetimus juxta Canonum decreta Sedem, ut inde aux-
ilium capiamus, Unde Prædecessores nostri Ordinationes
& Dogmata atque Sublevationes ceperunt. Aequalis
penè Athanasio Basilii in Epist. ad eundem Atha-
nas. 52. ejusdem est author sententiæ. Visum est,
inquit, mihi consentaneum, ut scribatur Episcopo Rômæ,
ut quæ hic geruntur consideret. Tantus doctor tan-
tum vel absenti Pontifici defert, ut nolit agi de-
cernive quicquam ad Ecclesiam attinens, quod
pastoris aciem fugiat: cum præsertim ovibus à
Lupis periculum immineret. Luculētius est testimo-
nium

nium in Epist. data Sabino Diacono ad Pontificem Romanum. *Pietati tuæ donatum à Deo est, scilicet ut quod adulterinum est à legitimo ac puro discernas, ac fidem Patrum sine subtractione ulla prædices; quæ Sole clarior est sententia.* Duo Contubernales ejus Sanctissimi Gregorii Nazianzeni habemus in hanc rem nata testimonia. Primum orat. 23. in Laudem Heronis, in qua commemorat Petrum Alexandrinum Athanasii successorem ab Ariano Lucio Sede sua pulsum, Romam ad Pontificem contugisse, atque id quidem verbis quæ fidem faciant huic argumento. *Per tantam aut accusationem omnibus lacrymas movit, ut calamitatis magnitudinem in oculis & aspectu defigerent, & auxilium nancisceretur, quemadmodum & nactum esse scimus.* Cujusmodi istud Auxilium fuerit, ex Antecessore Athanasio didicimus. Secundum est in orat. 52. ubi narrat Vitalium Apollinaris Sectatorem, hæresim occultè professum clam edidisse librum, de quo certiorum factum Damasum librum proscripisse, & authorem ab Ecclesia ejecisse.

Joannis Chrysostomi Aureæ extant ad Innocentium 1. Epist. in quibus apud illum queritur de vi sibi illata ab hostibus; à quibus est à Sede sua dejectus, & in ordinem redactus. Adversus quos Pontificiam Innocentii opem implorat. Addit Chrysostomus factò, interpretatione sua in libro de Sacerdotio ad locum JOANNIS, 21. *Pasce Oves meas*, momentum. Sic enim exponit, ut doceat Curam Ovium totius Ecclesiæ Christum Pe-

ET SUCCESSORIBUS TRADIDISSE: &
 subjungit, Successores Petri ea nunc agere, quæ cum
 Petrus ageret illum Christus auctoritate præditum esse
 voluit, ac reliquos item Apostolos longè præcellere.
 Ambrosius plures nobis & perspicuas adhuc magis
 suppeditat sententias. Omitto quas habet in
 Orat. de Satyro Fratre. Indico quæ sunt lib. 1.
 Epist. Epist. 7. ad Siricium Papam, & in Epist. 4.
 ad Gratianum de vitandis Arianis. Unum produ-
 co ex Epist. 9. ad Theophilum Alexandrinum. in
 qua sic. Referendum arbitramur ad Sanctum Fra-
 trem Nostrum Romanæ Sacerdotem Ecclesiæ, quoniam
 præsumimus ea te iudicaturum, quæ etiam illi displice-
 re nequeant. perinde ac probari non possent, quæ
 displicerent. Et adiungit infra, Ut nos quoque ac-
 cepta vestrorum serie statutorum cum id gestum esse cog-
 noverimus, quod Ecclesiæ Romanæ haud dubie compro-
 baverit, lati fructum huius examinis adipiscamur.
 Viden, ut examen & approbatio doctrinæ ad Ro-
 manum Pontificem pertineat? Quam si Novato-
 res Trutinam deludunt, inde est, quod volunt sua
 commenta intrudere, & vitrea facta lapillis vendere.
 Illud quæso audiant, quod idem propinat necesse
 conditum veritatis Ambrosius ad Gratianum de
 Romana Ecclesiæ: Inde, inquit, in omnes venerande
 Communionis iura dimanant.
 Suum Epiphanius post Ambrosium locum de-
 mus. Hic in Anchorato multum est in demonst-
 rando Petrum Caput esse, & Petram Ecclesiæ super
 quam illa edificata est: adversus quam Porta Infero-
 rum

rum, id est, Hereses & Hæresarchæ, non prævalébunt. Deinde hoc demonstrato seriem successionis Romanorum Pontificum deducit, eaque deducta ostendit continuatam & incorruptam Fidem. At vero Hæresi 27. circa finem eadem successione explicatâ. *Ne quis miretur, ait, quod singula ita exacte recensimus: Per hæc enim semper Claritas ostenditur.* Id demum erat ab Epiphanio expectandum quod splendorem afferret. Sed tenebriones oderunt Lucem. Verum jam pridem Tenebræ illam non comprehenderunt. Habet horam suam *potesťas tenebrarum*. At non est nŕs potestas *Filios Dŕi facienti, qui filij sunt lucis*, non Tenebrarum.

Vocat me Hieronymus Sacrum nomen & Sacrum Scripturarum Maximus Doctor. Is hujusmodi argumentis abundat. Ac colligo illustriora, & conglobo. Epist. 11. ad Ageruch. testatur se aliquando invenisse Damasum respondentem ad Orientis & Occidentis Constitutiones Synodales. Dignam Occupationem Romani Pontificis Relatas ad se constitutiones. recognoscere, ac seligere. Epist. 8. ad Demetriadem c. 9. eandem monet ut *Innocentij, qui Apostolicæ Cathedræ successor est, teneat fidem*: Et Epist. 16. ad Principiam referens, quæ de Athanasio & Petro supra tetigimus, probat: nam ut Hæreticorum invidiam effugerent, quasi ad tutissimum *Communionis suæ Portum confugerant*. Epist. 52. *Quoniam vetusto, &c.* egregium exhibet testimonium. Cathedræ, inquit, Petri *communione consocior*. Super illam *Petram ædificatam Ecclesiam scio*: quicunque ex-

tra hanc domum Agnum comederit, prophanus est. Qui hodiè à Romana Cathedra desciverunt, hi à Fide Hieronymi & Ecclesia defecerunt. *Odit prophanum vulgus Hieronymus & arcet.* Agnum illorum, Hircum putat. Sed ne Agnum quidem illi habent: ex quo Sacrificium Missæ sustulerunt, imo & Tempia, ne quod Agni vestigium esset, everterunt. Agnum oderunt, & uxorem Agni Romanam Ecclesiam, inducâ uxorum, imo & Pellicum turbâ: conculcatis liliis virginum quæ pascitur Agnus, qui pascitur inter lilia. Qui pastum ademerunt, Agnum exegerunt. Ad hos ergo Hieronymus

— *Procul, ô procul este Prophani.*

Hi certè post mortem Agnum non sequentur quocunque ierit. *Virgines enim non sunt.* Imo eos Agnus ad Hædos salaces remittet, qui à Sinistris erunt. At Lutherus, & Calvinus aliter docuerunt. Occurrat Hieronymus in Apolog. 2 seu lib. 3. contra Ruffinû, *Scito Romanam Fidem Apostolicâ voce laudatam istiusmodi præstigias non recipere. Etiam si Angelus aliter annuntiet quàm semel prædicatum est.* Nec ego dubito Lutherum & Calvinum Angelos esse; Sed malos & Præstigiatores, etsi in Angelos lucis transfigurare se tentarint.

Venio ad Cyrillum: Qui in Epist. ad Celestinum Romanum Pontificem 18. quæ est in Concil. Ephesino to. 1. c. 29. Causam Nestorii etsi damnatam iudicio Capitis Romani submittit, ejusque sententiam

tentiam expectat. *At quavis ita res habeat: non prius tamen illius communionem deferere ausi sumus, quam hæc ipsa pietati tua indicaremus. Hi non audent: Novatores nihil non audent. Audiant Cælestinum, ne audeant. Nostra Sedis auctoritate ascitâ, nostraque vice & loco cum potestate usus, ejusmodi non absque exquisita sedulitate Sententiam exequeris, nempe ut nisi decem dierum intervallo ab hujus nostræ numerationis die numerandorum nefariam doctrinam suam conceptis verbis anathematizet. Ferunt hæc Religiosæ ac teretes Cyrilli & Patrum aures: prophana & adipales Novatorum non ferunt, & ferro non cera adversus Cantus Sirenium Cælestium obducunt. Audiamus nos dum illi nolunt. Illi eo sanctitas tua, pergit Cælestinus, illi Ecclesiæ prospiciat: is vero modis omnibus se à nostro corpore segregatum esse intelligat. Paruit autem huic mandato Cyrillus, uti apparet ex Epist. ad Nestorium. tom. i. Concil. c. 4. *Quod nisi juxta tempus in litteris Cælestini Sacratissimi, Reverendissimique Romanorum Episcopi expressum præstiteris, certo scias nullam tibi deinceps cum Episcopis & Sacerdotibus Dei consuetudinem, nullum sermonem, nullum denique locum inter eos futurum esse.* Eadem habet in proxima Epist. ad Clerum populumque Constantinopolitanum. Credo Novatores nostros Cyrillo minimè subscripturos, nec dubito in partibus Nestorii esse malle, quàm Romano Pontifici obedire. Plura Cyrilli extant apud Divum Thomam ex libro Thesauri deprompta testimonia, quæ cum magna parte libri inter-*

ciderunt ; Sed ea tamen omnino sunt Authore Angelo Theologis recipienda.

Theodoretus tum ipse Authoritatem Pontificiam afferit, tum alij apud ipsum testantur. Ille ab Episcopis adversæ & suspectæ factionis potentissimis agitatus, imo & calumniis traductus, ut omnem suspicionem vitaret, ad Romanum Pontificem (is tunc erat Leo) confugit : data ad ipsum Epistola, in qua : *Ad Apostolicam, inquit, Sedem vestram venimus, ut Ecclesiarum ulceribus medicinam à vobis accipiamus, VOBIS ENIM PER OMNIA PRIMOS ESSE CONVENIT.* Primi tunc Romani, imo & omnia erant : hodiè nulli apud hæreticos & nihili habentur. At non sunt hi Theodoreti similes, nam si essent Pares apud cos Romani essent. Idem confirmat ipse in Epist. ad Renatum Presbyterum. Ejusdem præclara illa sententia est adversus Conciliabulum Ariminense quod improbat, quod non expectato Romanæ Sedis judicio temerè, atque adeo falso definit : ita lib. 2. Histor. c. 22. Eam corroborat. lib. 5. c. 10. referens Damasum Sectam Apollinæ cum Authore proscripsisse : idque Pontificis Romani autoritate fecisse, & litteris confirmasse. Se de re illa consultum à Catholicis Orientis Episcopis fuisse. Sanè ex Græcis Scriptoribus Theodoretus Romanæ Sedis ac Romani Pontificis autoritatem unus maxime afferit & confirmat. Sed novi Theodidacti Theodoretum irrident, quod à Deo eruditi se jactant, cum à Pontifice Theodoretus doceri vellet.

Ufus

Ufus jam inter eos obtinuit, ut quivis Sellularius de face plebis Theodidactus sibi videatur, ac Theodoreto superior. Non egent Romana Cathedrâ, imo nullâ, cum in sua quisque Sellula Cathedram habebant Opifices Sedentarij.

Prospero locus hic esto Leonis Pontificis teste Trithemio Servetario : Actis primum, deinde Scriptis Pontificiæ Authoritati testimonium reddidit. Constat eum ad defendendâ Catholicâ de Gratia Augustini contra Semipelagianos Sententiâ Romanam contendisse, & ad Cœlestinum Papam adiisse, à quo Epistolam honorificam pro Augustino accepit : ac eâ impudentium hominum petulantiam compescuit. En Prosper [apud quem tanti erat Authoritas Augustini, majorem esse putavit Cœlestini, quòd Romanus Pontifex erat. Quin & Arauscani Concilij secundi Canones, qui totidem sunt sententiæ Augustini composuit, & Leoni approbandos dedit, ac ejus jussu in Galliam misit, ut à Patribus Arauscanis, non tam fierent, quàm reciperentur : quemadmodum Lovanienses & cum iis Vasquez observat i. p. d. 91. cap. 11. Suam igitur & Augustini doctrinam Leonis judicio commisit subjecitque. Scripta Actis concordant. Nam in lib. contra Collatorem, c. 10. censuram Innocentij & Zozimi contra Pelagium oraculum eximit. Et ait inferendo tanquam adynaton: *Erravit Sacrosancta Petri Sedes quæ ad Universû orbem Papa Zozimi ore loquitur.* Et cap. 41. *Beate, inquit, memoria Innocentius nefandi erroris capita Apostolico mucrone*

percuſſit. Ac idem paulò poſt de Zoſimi, Bonifa-
cij, Coeleſtini ſententijs profert iudicium. Ita ſen-
ſit Proſper proſpere incedens viâ veritatis, à qua
Novatores averſi, quia Adverſi, non Proſ-
peri.

• Maximi Taurinenſis eadem mens eſſe traditur à
D. Thoma. Cenſet enim in Cauſis Fidei ad Pontifi-
cem recurrendum: idque exemplo Pauli docet
cum ad Petrum venit, ſignificans poſteros cum in-
ſtrui vellent ad Romanos Pontifices Succeſſores
Petri eſſe venturos. De quo loco vide Canum
lib. 6. cap. 5.

Concinit Iſidorus, à quo eſt unum inter alia Præ-
clarum teſtimonium in Epift. ad Eugenium Epiſ-
copum Toletanum Summo Pontifici redditum:
*Cujus dignitas poteſtatis eſſi ad omnes Eccleſiarum
Epiſcopos eſt tranſuſa, ſpecialius tamen Romano Anti-
ſtiti ſingulari quodam privilegio, velut Capiti cæteris
membris ceſſior permanet in æternum.* Huc Præroga-
tivæ dignitatis addit aliam Authoritatis in Præfat.
ad Canonum Collectionem, quæ habetur tomo. 1.
Concil. Reddens enim rationem cur collegiſſet De-
creta & Epiftolas Synodicas Pontificum, ait: *Quia
in eis pro cunctis Sedis Apoſtolice non impar Concili-
orum extat authoritas.* Et in fine confirmat. *Nul-
lam Synodum ratam eſſe, quæ Pontificis authoritate
non fuerit congregata, vel ſulta.*

Venerabilis Bedæ fidem ſuprà appellavimus
dum lib. 3. Hiſt. Ang. c. 25. *Decreta Sedis Apoſto-
lice veneranda eſſe docet.* Nunc eandem appello

in Homil. D. Benedicti Angli tomo 7. & lib. 2.
 Hist. Anglorum: quibus in locis ait Anglicam gen-
 tem à Romanis Pontificibus mysteria Fidei edo-
 ctam, ac illa sunt de eodem Benedicto verba notan-
 da. *Ad Beatorum Apostolorum limina peregrinaturus
 addolavit, ut quia rudis adhuc in gente Anglorum
 Fides, & Ecclesiarum institutio florebat, ibi potius
 perfectam vivendi formam sumeret, ubi per summos
 Christi Apostolos totius Ecclesie Caput eminet eximium.
 Quod si gens Anglica ingenio & iudicio maxime
 valet: cognosceret à quibus imbuta fuit, hoc testimo-
 nio expenso ab iis ad Caput illud colendum esse in-
 stitutam: nec ab eo, nisi prius à suis desceiscat de-
 fecturam.*

A Bedæ ad nostra usque tempora ætate non du-
 bitant Novatores, quin hæc sententia de Auctorita-
 te Papæ invaluerit. Hic igitur sistam: & tan-
 quam terminos quinque volo Patres constituere, &
 finire. Duos ex iis antiquiores Græcos. Duos La-
 tinos Recentiores: & inter eos totius Theologiæ
 Principem Augustinum collocare. Primus ex Græ-
 cis sit Maximilianus Constantinopolitanus Episco-
 pus; Cujus est Luculentum testimonium in Epist.
 ad Orientales. *Omnes, inquit, fines terre quæ do-
 minum sincere receperunt, & ubique terrarum Catho-
 lici veram Fidem confitentes in potestatem Romanorum
 Pontificum tanquam in Solem respiciunt, & ex ipsa
 lumine Catholice & Apostolicæ Fidei recipiunt.* Nec
 immerito, quia Petrus legitur primo perfectam Fidem esse
 confessus Domino revelante eum dixit, Tu es Christus

Filius Dei vivi. Et infra. Hunc etenim de cæteris mortalibus ex toto Orbe terrarum conditor Orbis elegit, ut Cathedram Magistri principaliter possidendam teneret PERPETUO PRIVILEGII Jure concessit: UT QUISQUIS DIVINUM ALIQUID, AUT PROFUNDUM NOSSE DESIDERAT, AD HUIUS PERCEPTIONIS ORACULUM DOCTRINAMQUE RECURRAT. Ecce antiquus ante Bedam Pater, idemque & Græcus, & Constantinopolitanus Gens & Cathedra Romani Pontificis Æmulus, tam perspicuè & eleganter Prærogativam Romanæ Cathedræ asserit, ac extollit. Alter esto Anastasius Patriarcha Hierosolymitanus in Epist. ad Felicem Papam. Fuit semper, ait, Apostolica Sedis vestrae licentia injuste damnatos, vel excommunicatos potestatis suæ auctoritate restituere, & sua omnia eis reddere, & eos qui eos condemnarunt aut excommunicarunt Apostolica punire Privilegio. Sicut etiam nostris, & anterioribus legimus factum temporibus. Ac rursus efficacius. Antiquis Regulis Sancitum est, ut quicquid quavis in remotis Provinciis super eorum querelis aut excusationibus ageretur, non prius tractandum vel accipiendum esset, quam ad notitiam Alme Sedis vestræ esset deductum, ut hujus auctoritate juxta quod fuisset faciendum infirmaretur aut Firmaretur. En iterum nobilissimæ Sedis Episcopus non modo primas Authoritatis Romano concedit Episcopis, verumetiam Apicem in eo, & summam Ecclesiasticæ Potestatis agnoscit. Idque antiquitate totâ confirmat.

Novatores autem ita cum de Cathedra sua deiciunt, ut singuli privato spiritui suo auctoritatem Cathedrae attribuant, & dum unum oderunt Pontificem, tot statuunt, quot in numero sunt, nec pudet eos cum unam nobis Joannam falso Papissam objiciant, multas in singulis domibus Papissas habere. Nam & feminae eodem illo privilegio, interpretandi sacras scripturas, imo & eas populo exponendi fruuntur.

Ad alios duos Recentiores post Bedam Patres venio. Alter est Anselmus, qui gravissime de Auctoritate Romani Pontificis sentit, & loquitur. Insignis ille est locus lib. de Incarnat. Verbi ubi sic incipit: *Domino & Patri universae Ecclesiae in terra peregrinantis Summo Pontifici Urbano Frater Anselmus.* Ac infra. *Quoniam Divina Providentia Vestram elegit Sanctitatem: cui vitam & fidem Christianam custodiendam, & Ecclesiam suam regendam committeret: ad nullum alium rectius refertur, si quid contra Catholicam Fidem oritur in Ecclesia, UT EJUS AUTHORITATE CORRIGATUR: nec ulli alij tutius si quid contra errorem respondetur, ostenditur, ut ejus prudentia examinetur:* Sic Anselmus hoc loco. Omitto alios, qui eandem rem continent. Ex iis cito Praefationem Epist. ad Romanos. Alter esto Bernardus Nectar nostrum. Apud quem plures inveniuntur melleo sapore conditae sententiae: Quibus sunt referti libri de Considerat. ad Eugenium: nec non & Epistolarum lib. Epist. 125. & 131. & 183. & 237. locum seligo
ex

ex Epist. 109. ad Innocentium, à quo adversus novam hæresim insurgentem præsidium authoritatis implorat. Oportet, inquit, ad vestrum referri Apostolatum pericula quæque & scandala emergentia in Regno Dei, ea præsertim quæ de Fide contingunt. Dignum namque arbitror ibi potissimum reserciri damna Fidei. **UT NON POSSIT FIDES SENTIRE DEFECTUM. HÆC QUIPPE HUIUS PRÆROGATIVA SEDIS.** Cui enim alteri aliquando dictum est, Ego pro te rogavi, ut non deficiat Fides tua. Ergo quod sequitur à Petri Successore exigitur. **Est et aliquando confirma Fratres tuos.** Lux est in Bernardo quam solæ nocturnæ non ferant. Ita sentit, uti nos hodie Romani Catholici sentimus, ille docet quomodo sentire debeamus. Causam item in loco Evangelij inveniri, cur ita nos doceat: nosque discamus. Scholasticorum calculos, negligunt Novatores ideo iis abstinendum duco: sed nemo est quin rectè ac pro Pontifice ponat. Scholæ omnino cum Petri Cathedra conveniunt. Unus superest Augustinus, qui & Academiarum instar est omnium, & Cathedrarum. Nemo fortius argumentum suppeditat. Ex rationationem & Agmen claudo.

Igitur Augustinus Tribus sui temporis Pontificibus, suamque doctrinam subiecit, & cum Magister Orbis esset, magisterij prærogativam detulit Innocentio, Zozimo, Bonifacio. Ad Innocentium nomine Concilij totius Carthaginienſis Decreta contra Pelagium & Celestium approbanda scripsit

et misit. Epist. 90. Ad eundem retulit Canones
 • Milevitani Concilij, cui Episcopus interfuit, & sub-
 scripsit. Epist. 92. quarum Verba supra citavimus.
 Tertium novâ Epist. 95. cum aliis Africæ Episcopis
 eidem Innocentio super eadem Causa Pelagij res-
 cribens Illustrem Pontificiæ Authoritati calculum
 adjicit. Ait quippe ad finem Epistolæ. *Cetera
 quæ illi Pelagio objecta sunt, sicut gestis defensa per-
 viderit, ita de his procul dubio tua Beatitudo judicabit.
 Dabit sane veniam suavis mitissima Cordis tui, quod
 prolixiorẽ fortassis epistolâ, quàm velles, tuamissimus
 Sanctitati. Non enim rivulum nostrum tuo largo
 Fonti augendo refundimus, sed in hac non parva ten-
 tatione temporis unde nos liberet cui dicimus. Ne nos
 inferas intentionem, UTRUM etiam noster licet exi-
 guus ex eodem quo etiam tuus abundans emanet capite
 fluentorum, hoc à te probari volumus, tuisque rescriptis
 de communi participatione unius Gratia consolari.
 Non dubitat Augustinus doctrinam communem
 de Gratia contra Pelagium à se, & Episcopis Africæ
 traditam duci à Deo capite omnium veritatum, sed
 earum Fontem vult esse apud Innocentium Papam :
 apud se, & alios Episcopos rivulos : atque adeo
 quantum inter Rivulos & Fontem, tantum inter
 aliarum Sedium & Romanæ Sedis interesse do-
 ctrinam.*

Quoddam Zozimum attinet, præter eos locos, quos
 articulo proximo adduxi : affero illum Epist. 157.
 cujus initio, ejus se Pontificis subditum perspicuè
 testatur aiens : *Me apud Cæsaream præsentẽ vene-*

T

runt :

runr, quò nos injuncta nobis à venerabili Papa Zozimo Apostolica Sedis Episcopo Ecclesiastica necessitas traxerat: obedientiam planè profitetur, si spectes personas. Postea commemoratis verbis Zozimi ad probandum necessitatem Baptismi, Subdit: *In his verbis Apostolica Sedis tant antiqua atque fundata certa, & clara est Catholica fides, ut de illa nefas sit dubitare Christiano.* Zozimi Papæ doctrinam non uti privati hominis, sed totius Ecclesiæ commendat, de qua dubitare nefas sit, quòd ratione Sedis communis sit. Epist. 162. in qua illam celebrem scribit sententiam de Ecclesia Romana. *In qua semper, inquit, Apostolica Cathedra vixit Principatus,* narrat in Causa Donatistarum iudicium Apostolica Sedis expectatum fuisse.

Pergo ad Bonifacium. Cui cum dirigeret ac dicaret præclaros illos suos quatuor contra duas Epistolas Pelagianorum libros, & facto superiorem in eo auctoritatem agnovit, & verbis expressit. *Legat quinosse utrunque velit caput Primum libri primi. Ego pauca in rem seligo & produco.* Cum communis sit omnibus nobis, qui fungimur Episcopatus officio quavis ipse in eo præmineas fastigio specula Pastoralis, facio quod possum pro mei partienla muneri, quantum mihi Dominus adjuvantibus orationibus tuis donare dignetur &c. Episcopi speculatores sunt: sed Romanus in fastigio est, ut & populos & Episcopos speculetur & recognoscat. Alii suas oves curant. Papa curat Oves oviumque Magistros.

Jam suum opus subjicit Bonifacio, *Hæc qua istis*
inquit

inquit, ut dixi, duabus Epistolis illorum ista disputa-
 tione respondeo ad tuam potissimum dirigere Sanctita-
 tem, non tam obijcienda, quam examinanda, & UBI
 FORSITAN ALIQUID DISPLICUERIT
 EMENDANDA CONSTITUI. Non erat, in-
 geniosior, non acutior, non doctior, non eruditior
 Augustino; opinor, Bonifacius: erat tamen
 Summus Pontifex, ratione Cathedræ doctrina &
 Authoritate Superior: cum ejus Fides Fidem Ca-
 pitis repræsentaret: quæ ad totam Ecclesiam per-
 tinebat. Id Augustinus agnovit. Sed novatores
 negant, nimirum non sunt Augustini, quod si ef-
 sent minimè negarent. Certè neque ingenio, ne-
 que judicio, neque eruditione, neque Sanctitate
 sunt cum Augustino comparandi. Aitunt, eum
 modestiæ Causâ fecisse. Cur igitur ii faciunt im-
 pudenter! cur illam modestiam non imitantur? Sci-
 ant Augustino charam fuisse modestiam, sed multo
 chariorem modestiæ veritatem. Ac nisi modestia ve-
 ritate niteretur, tum illum non modestiam fore à
 quo Augustinus omnium maximè alienus. Justitia sanè
 fuit, quæ modestiam illam imperavit, quam qui non
 profitentur, oportet eos & inverecundos & inju-
 stos esse. Hujus autem demissionis perpetuus
 Cultor fuit Augustinus, uti apparet ex variis ope-
 rum illius locis, in quibus Authoritatem Romanæ
 Sedis confirmat, & extollit, ejusque præsidio con-
 trarias hæreses expugnat, quemadmodum sæpius
 supra diximus: patetque ex tribus clarissimis locis
 lib. 1. contra Julianum c. 4. & lib. 2. de Peccato
 Originali cap. 7. & Epist. 162.



QUÆSTIO III.

*Quomodo hæc Prærogativa Authoritatis sit
in Romano Pontifice?*

ARTICULUS I.

*Sintne Controversiæ de Fide? Utrum ad
eas componendas Judex, & quis
futurus sit?*

NOvatores superioris seculi, & nostri negant de Fidei mysteriis rebusque, in Sacris litteris contentis controversias posse existere, quòd omnia sint perspicua. Addunt: in iis contineri omnia, tum ad credendum, tum ad rectè vivendum necessaria. Itaque Scripturam solam abundè esse, & pro judice, & pro Face; modò unusquisque privato spiritu attendat & consulat. Id Lutherani, id Calvinistæ, ac ex eorum Scholis Sectarij diversi mordicus tenent. Credam, si probent ex ipsis Scripturis omnes, quos admittunt, libros Sacros esse. Quomodo enim probent librum

librum Ruth, Hester, & Job, quos agnoscunt ex
 ipsis scripturis esse? Credam si inter ipsos conve-
 niat de iisdem scripturæ libris. Nam Anabaptistæ
 Job historiam Tragico-comicam Fabulam dicunt.
 Lutherus Epistolam ad Hebræos, & Jacobi exclu-
 dit. Castellio Canticum Canticorum Cantile-
 nam de Amicula impuram appellat. Beza caput
 8. Joannis amputatâ de Adulterâ historiâ detran-
 cat, & locum illum Lucæ 22. *Hic est Calix novum*
Testamentum, &c. fœdè corrumpit. Apocalyp-
 si Joannes Brentius, & Kemnitius non omnino ac-
 quiescunt. In tribus Matthæi, Marci, Lucæ, Evan-
 geliis Lutherus multa desiderat. Solum Joannis
 perfectum, & absolutum putat. Quomodo igitur
 qui de ipsis scripturarum libris inter se dissenti-
 unt, negant de locis sensuque eorum controver-
 sias posse existerè? Sanè id Heterodoxi jam inde
 ab initio Ecclesiæ ad nostra usque tempora errando
 monstrant. Nemo Hæresiarcha fuit quin Hære-
 si suæ Patrocinium in scripturis quaesierit, eique
 clypeum sacrae authoritatis obtenderit. Id Arius,
 id Eunomius, id Macedonius, id Eutyches, id Ne-
 storius, id Dioscorus, id Manes, id Pelagius, id
 Priscillianus, id Donatus, id Novatus, id Ceteri
 Hæreticorum Principes jactarunt. Non igitur eo
 nobis fucio Lutherus, & Calvinus imponent. Quid?
 quod contrariæ, interque se repugnantes hæreses
 quasi collisu quodam scintillas hujusce veritatis,
 quam ostendo, emittunt. Rectè enim Dominus
 Tertullianus dixit, *quemadmodum Christus Homo in-*

ter duas. Quoniam ita & Christum deitatem, inter duos
 Hereticos crucifigi. Nam si Scriptura ipsa contro-
 versas non pateretur, omnis ea in contrarias partes
 dissensio tolleretur: nec locus esset pugnandi locis
 diversis Scripturarum. Et quis enim cum sensus
 sacri textus manifestè constaret, auderet, aut ne-
 gare, aut eo affirmato contrà sentire, nedum eum
 in oppositam partem traducere? Pauca, sed idonea
 exempla producam. Ebion Matrimonium teste
 Ignatio Epist. ad Romanos. Elxai Virginitatem,
 Justino in Apolog. damnavit: uterque testimonio
 Scripturarum. Eutyches unitatem in Christo natorum,
 Nestorius Personas in Christo duas posuit, ambo ar-
 gumento scripturarum.

Noetiani, Patrem Deum Passum aiebant: Ma-
 nichei, ne Christum quidem hominem, Passum af-
 firmabant. Hi, & illi Authore Scripturâ Priscil-
 lianus omnia Fato dedit, Pelagius libertati. Unus
 & alter nixi Scripturis. Veniamus ad Recentes.
 Multum inter se Lutherus, & Calvinus, uno tamen
 Spiritu, ut aiunt, ex Scripturis hausto dissentiunt.
 A Luthero Zuinglius, ab utroque Calvinus circa
 Eucharistiam dissidet, eodem suadente verbo Dei
 quod Christi verba *Hoc est Corpus meum*: oppositis
 apud illos Sensibus interpretatur. Aliter Luth-
 rani, aliter Anabaptistæ de Baptismo sentiunt, &
 aliquantò aliter Calviniani. Omnes tamen freti
 locis Scripturarum. Digladiantur inter se Armi-
 nis, & Gommarius: si causam rogemus? Est diver-
 sa intelligentia Sacrarum literarum. Imo in quibus
 à Lu-

à **Luthero Carolstadius, Philippus, Bucerus, Oecolampadius, Brencius, Kemninitus**, alique discor-
dant, nituntur **Scripturarum** autoritate. Ex hoc
fonte **Molles: Rigidi, Mixti Lutherani** tanquam
Rivuli emanarunt. Quæ à **Molinæo, Alamanno, Carpentario, Arminio, Gommaro, Amyraldo**
contraria **Calvino Magistro** suo traduntur, **Sacrae**
paginae locis confirmantur. Horum præsidis
**Causarii, Liberi, Pacifici, Puritani, Arminiani, Ju-
niani, Gommaristæ**, totidem illius **Hydræ Capita**
muniuntur. Itaque nulli magis controversias de
Fide, & **scripturis** esse posse confirmant, quam qui
maximè **Hæretici** negant. Idque ratio ipsa, qua
præpostere utuntur, demonstrat. Nam cum quis-
que privato spiritu interpretetur **scripturam**, idque
liceat non solum hominibus illiteratis, sed etiam
sordidis, imo & mulierculis, & scartis, necesse est,
varios & dissonos **Sensus** existere: quin & contrarios
sæpe pugnantelq; inveniri. Unde fit, ut quotidie no-
væ prodeant **Sectæ**, **Sectarumque** authores, & plures
in dies proditura sint, quod illa interpretandi
libdo longè lateque pervagata **Virgineam Sacrae**
Scripturae puritatem corrumpit. Et quid aliud spe-
randum ab iis, qui eam uti **Virginem** **Ilibatam** di-
ligenter custoditam, è **sacratio** suo in publicum
produxerunt, & in propatulo tanquam **Prostitutum**
omnium libidini exposuerunt.

Quod in **Romana Ecclesia** fieri nequit. Nam
non privato **Spiritu**, sed **communi Ecclesiae**, ab A-
postolis per **Patres** transmissa **sensu**, **Scripturas** in-
terpre-

terpretatur, qui cum sit unus & constans, & publicus, multiplex nec discors esse non potest. Si autem nova controversia existit, quod; interdum necesse est tot hæresibus emergentibus contingat, eam non nisi aut per Concilia, aut per Summum Pontificem nullo prætermisso examinis, consultationis, disputationis, orationis officio definit. Hinc est, ut sola Romana Ecclesia una semper, & incorrupta manserit, & quæ Virginem Scripturam servavit, ea virgo & Sponsa existerit.

At facem dicunt Scripturam. Bene est, quod dicunt *Facem*: quam scilicet & manu sua accendant, & flatu extinguant pro libitu. Ego Solem mallem à quo Lucem accipiant, nec immutent: solis Aquilis pervium, non vespertilionibus; qui lucernas circumvolant, & oleum exigunt, ut extinguant obnoxium. Hæc ed dico, quoniam teste Maldonato *illud semper in ore habent: Lucerna pedibus meis verbum tuum.* Sed illi, inquit, *pedibus Scripturam intelligunt.* Aut, ut ego, *extinguunt flatu superbiæ*, est enim iis *Pes superbiæ* quo David carere optabat. Eo Lucernam vel impactu dejiciunt, vel impresso conculcant. Certe nisi Scriptura alta & profunda ac obscura esset, non diceret lucas c. 24. n. 45. *Tunc aperuit illis sensum, ut intelligerent Scripturas.* Si paterent omnibus, non hortaretur auditores suos Christus: *Scrutamini Scripturas*, ad eas penitus introspectiendas, & penetrandas. Si legere tantum opus esset, non indigeret sacro interprete Eunuchus ille Isaiam legens: & tamen tam indiguit, ut dixerit:

erit: *Quomodo possum si non aliquis ostenderit mihi?*
 Si cuique liceret interpretari proprio spiritu, non
 esset singularis: *Interpretatio sermonum* apud Paulum:
 nec staret illa ejus. ad Corinth. 12. sententia: *Nun-*
quid omnes interpretantur? Certè Petrus Epist. 2.
 c. 3. affirmat in Paulo esse *quædam difficilia intelle-*
ctui, quæ nisi in eo, ac cæteris Sacris Authoribus inve-
 nirentur, nemo *Scripturas* teste Petro *depravaret*
 ad suam ipsius *perditionem*. Et quidem obscuras
 eas esse ac difficiles intellectu, ipsimet quibus ex-
 primum concreditæ sunt Judæi testantur, Christi
 Messia adventum negantes, imo & ipsi Hæretici,
 qui Judæis similes ad ejurandas hæreses suas testi-
 moniis æque perspicuis adduci nolunt.

Igitur Controversias esse, ac sæpe existere, &
 de Scriptura, & de Fide, pro comperto habendum.
 Quod cum verum sit, necesse est, ut Judex aliquis
 constituatur, cujus judicio dirimantur. Et qui-
 dem Scriptura ipsa Judex esse non potest, etsi re-
 gula judicandi sit, ac secundum eam semper, con-
 tra eam nunquam judicandum. Ecquis autem
 præter Ecclesiam? Huic enim primum Sacrorum
 librorum Canonem acceptum debemus. Ita cen-
 set Irenæus lib. 3. adversus hæreses, c. 2. 3. & 4. &
 Tertullianus l. 4. adversus Marcionem, & Au-
 gustinus. l. 33. cont. Faust. & lib. 2. contra Julian.
 c. 6. & lib. 2. de Doctr. Christ. c. 8. & Epist. 36.
 & in lib. contra Epistol. Manich. c. 5. ubi illa om-
 nium ore decantata sententia.

Evangelio non crederem, nisi me Ecclesia moveret Authoritas. Idque definiit Concilium Toletanum .i. Cum itaque hæc sit omnium maxima controversia. *Qui libri sint Sacri*, quod omnium veritatum Fontes in iis insint: ac de illa iudicium ad Ecclesiam pertineat, ad eandem debent aliæ pertinere. Nec eam veritatem negare Lutherus est ausus: nam lib. de Captivitate Babylonica, ubi de Ordinis Sacramento agit, fatetur Ecclesiam habere potestatem discernendi verbum Dei à verbis hominum: idque in Augustanis Comitibus Lutherani concesserunt, negat tamen Lutherus *Ecclesiam iudicem ejus esse*. Timuit nempe, ne quis diceret Ecclesiam superiorem fore. At is timor ex imprudentia ortus est: nam Judex qui ad iudicandum leges inquit & examinat, ut, omnia secundum eas, ac nihil præter eas iudicet, non proinde supra leges est: atque adeo Judex esse potest.

Illud maneat Scripturam Regulam Fidei esse, non tamen solam, sed cum Traditione Apostolica & Ecclesiastica ab Apostolis per manus Ecclesiæ transmissa ad Posteriores.

Cujus Authoritatem etsi post veteres Hæreticos, Primum Wiclephus, deinde Erasmus, postea Lutherus elevare sint conati, ea tamen sacra, & intemerata prorsus habenda. Nec multis id ego probare volo: nam instituti mei non est: sed non ideo tamen omittam indicare. Lucæ Evangelicæ Traditio in partem Evangelij transiit.

Ait enim initio Evangelij sui: scribere se res sicut tradiderunt, inquit, nobis qui ab initio viderunt, & ministri fuerunt sermonis. Et non vidisse se fatetur, & ab iis qui viderunt narrando accepisse. Quid Marcus? nonne ipse, teste Hieronymo, Evangelium suum sicut à Petro audierat, scripsit, rogatus à Fratribus? Paulus verò 2. ad Thessalon. c. 2. Traditiones servari præcepit. Tenete Traditiones quas accepistis. Quin & ad Corinthios Epist. 1. c. 11. contentiosos objectâ consuetudine, & sua & Ecclesiæ retrenat. Cur non scripturis? Perinde erat Traditio. Christus ipse sæpe secundum consuetudinem operatus legitur. Certè Hæretici multos Sacræ Scripturæ libros traditione retinent. Imo & Cæremonias quas observant, magna ex parte traditione acceperunt. Ac ut unum objiciam, quod deglutire non possint, dicant, unde acceperunt *Diei Dominicæ observationem*? Nam si Scripturas consulant, non invenient præceptum eam diem Celebrandi: imo semel tantum nomen diei dominicæ id est, Apocalypsis 1. quem multi librum non recipiunt, reperiunt. Quòd si respondeant: præcipi in scripturis, ut dies Sanctificetur aliquis, in iisdem invenient eum diem Sabbatum fore. Itaque aut celebrent Sabbatum, non dominicam, aut si dominicam malunt, proferant locum Scripturæ, in quo id præcipiatur: quem cum proferre nequeant, necesse est ad Traditionem confugere.

Atque hic obiter dicam : mirari me Heterodoxorum quorundam morem, qui cum jejunia , & solennes supplicationes; & publicas in iis preces deestentur, tamen si quod imminet temporale malum vel ab æstu, vel à pluvia, pro illo avertendo Jejunia & supplicationes indicunt : sed illud conjicio, non pro se suisque animabus, sed pro segetibus, pecudibusque orare. Itaque pro inanibus & Brutis ea licent, pro hominibus non licebunt : Idque testimonio Scripturarum : quo etiam nititur illa consuetudo laudabilis donandi Amicis ad ducendum funus concurrentibus xæniola; nam cum inter ea soleant vittæ quoque cum Chirothecis donari, significant se per manus defuncti vitam accipere, ut ad se cum manusculis transferant, quibus ligari ac devinciri ad servandam memoriam profitentur. Hæc ex Scripturis didicerunt. Imo & Ramusculos præferre manibus ex eodem instituto solent, quod legunt in Evangelio Christum à Betphage Hierosolyma venientem Ramis & Frondibus exceptum. Sed ille vivus & in triumpho, hi mortui & in funere : perinde enim est iis mori ac triumphare. Unum assequi non possum, quare in Christi Triumpho Rami in terram abjecti sint, non manu prælati; in horum verò funere Rami manibus præferantur, cum potius ex dolore abjiciendi essent. Sed Christus in suo triumpho meditabatur mortem, illi in media morte triumphum meditantur. Ita exponunt Evangelium : ac eo morem suum confirmant.

Quod si protervi in negando sint, obruam mole
 authoritatum sub qua fatiscant & ringantur. Tra-
 ditiones statuit Ignatius, Egesippus, Papias apud
 Eusebium lib. 3. Ecclesiast. Hist. c. 32. 36. & 39.
 Dionys. lib. de Ecclesiast. Hierarch. c. 1. Clemens
 Alexand. lib. de Pascha. & lib. 1. Strom. & 5. Ori-
 gen. Hom. 5. in Numer. Irenæus lib. 3. c. 3. & 4. Ter-
 tullianus lib. de Corona militis. Cyprianus de ablut.
 Pedum. Basilus lib. de Spiritu Sancto. c. 27. &
 29. & lib. contra Eunom. Chrysost. orat. 4. in Epist.
 2. ad Thessalon. ac ex eo Theophylactus. Epipha-
 nius hæresi. 61. Hieron. lib. contra Luciferianos.
 Theodoretus in Epist. 2. Pauli ad Thessal. c. 2.
 Damascenus lib. 4. c. 13. & 17. & omnium claris-
 sime & copiosissime Augustinus Epist. 118. & 119.
 ad Iulianum, & Epist. 86. ad Casulanum. & lib.
 1. contra Cresconium. c. 32. & 33. & lib. 2. contra
 Julianum c. & 18. & lib. 2. de Baptismo de contra
 Donatistas. c. 7. & lib. 4. c. 24. & lib. 5. c. 23. & 26.
 & lib. de Genesi. ad litter. 101. c. 23. & lib. contr.
 Epist. Fundamenti. c. 5. & lib. de utilit. credendi. &
 lib. de moribus Eccles. Cathol. & lib. de Hæresibus.
 cap. 53. Itaque eas Traditiones tanquam munissi-
 mæ authoritres Patres Hæreticis semper opposue-
 runt. Policarpus, Tertullianus, Irenæus, Marcioni
 & Valentino : Epiphanius, Melchisedechianis, &
 Aërianis, & Apostolicis. Hieronymus Vigilantio,
 Montano, Luciferianis. Augustinus Donatistis, Ma-
 nichæis, Pelagianis, perinde penè par in iis esset, ac
 in Sacris litteris pondus Authoritatis. Uti enim ait
 Basilus lib. de Spiritu Sancto. c. 27.

Dog-

dogmata quæ in Ecclesia servantur & prædicantur, par-
tim ex conscripta doctrina habemus, partim ex Apostolo-
rum TRADITIONE in mysterio ad nos delata recipimus.
Quæ utraq; eandem ad Pietatem vim habent, & memo-
ris contradicit qui vel mediocrem salutem Ecclesiasticorū
juriā ex periciam habet. Et Epiphanius paulo
ante citatus. Oportet autem & traditione uti. Non enim
Omnia à Divina scriptura possunt accipi. Quapropter
aliqua in scriptis, aliqua in traditione sancti Apostoli
tradiderunt, quemadmodum dicit sanctus Apostolus
Sicut tradidi vobis. Et Augustinus expressius ac
de iis quas Ecclesia retinet, servatque traditionibus
ad Novatores confutandos accomodatius. Illa au-
tem quæ non scripta sed tradita custodimus, quæ quidem
toto terrarum orbe observantur, dantur intelligi, vel ab
ipsis Apostolis, vel Plenarijs concilijs, quorum est in Ec-
clesia saluberima Auctoritas, commendata atque statu-
ta retineri sicut quod Domini passio, & Resurrectio
& Ascensio in Cælum annivērsaria solennitate celebran-
tur, etsi quid aliud tale occurrerit, quod servatur ob
universam quacunque se diffundit Ecclesia. Deijs inquit,
Insolentissima insania est disputare, an Faciendum sit
quod tota per orbem frequenter Ecclesia. Puto au-
tem nos qui Romani sumus in eadem qua Au-
gustinus Ecclesia esse non in Donatistarum, aut
Manichæorum, aut Novatistarum, aut Pelagia-
norum, aut Priscillianistarum, aut Arianorum
quorum Augustini tempore hæreses vigeant,
quas nostris temporibus Novatores suscitaverunt.
Nihil illi tua & Catholice Ecclesie nocuerunt,
nihil

nihil hi suis erroribus nocebunt, nec quod omnia extra Ecclesiam sint, Catholica quicquam Ecclesiae auctoritati detrahent. Huius nos cum Augustino Fidem & doctrinam cum Traditionibus amplexamur.

Huius igitur Regulae Fidei ex Verbo Dei scripto & tradito composita, Iudex Ecclesia, est, cum Auctoritate interpretandi, ab ipsa interpretationem definiendi: quoties Controversiae ortae fuerint. Hac ratione Scripturae series Canonica constat. Hac symbolum Apostolicum, Hac Processio Spiritus Sancti à Patre & Filio. Hac Origines Personarum, ut Pater à se: Filius à Patre: Spiritus Sanctus ab utroque sit. Hac ut solus Filius sit Genitus, cum Spiritus Sanctus Genitus esse non possit. Hac Beatæ Mariæ virginitas incorrupta. Hac necessitas Baptizandorum parvulorum. Hac prohibitio Rebaptizandi. Hac pleraque alia, ad Sacramenta, & sacras Ecclesiae ceremonias, ad Mores pertinentia, de quibus optime Tertullianus lib. de Corona Militis. *Harum & aliarum ejusmodi disciplinarum, si legem expostules Scripturarum, nullam invenies. Traditio tibi praeferatur auctrix: Consuetudo confirmatrix: & Fides observatrix.*

Duobus autem modis hujusmodi judicium exercere potest Ecclesia; Proposita Controversia. vel Per concilia justa & legitima, cujusmodi ea supra descripsimus: vel Per Papam, qui est & Caput

put & princeps Ecclesie. In utroque autem est
 Autoritas certa & infallibilis, quemadmodum
 proxime ostendemus.

Et quidem de Conciliis nemo Catholicus,
 pauci hæretici dubitant. De Papa cum om-
 nes hæretici negent, & nonnulli quantumvis
 paucissimi inter quos est Thomas Anglicus Ca-
 tholici dubitare videantur, volo singulari articulo
 rem probare.

ARTICULUS.

ARTICULUS II.

*Pontificem Romanum esse Ju-
dicem Controversiarum cer-
tum constantemque
probatum.*

Dato Controversias interdum existere, in Ecclesia Dei, ejusque Caput & Pastorem esse Pontificem; eumque ex cathedra decernentem falli non posse, Verum & sequens omnino videtur, eum controversiarum Judicem fore. Ut tamen id iustis argumentis constet, rationem excogitabo.

Ac primum ex veteri Testamento constat Synagogam supremam controversiarum de lege ac jure principem Sacerdotem Judicem habuisse unde duo existunt argumenta. Alterum Ecclesiam Dei Synagogam longè perfectiorem, & gratiorem, eâ Prærogativâ carere non posse: Alterum cum Synagoga Ecclesia Figuram gereret, & omnia illi in Figura teste Divo Paulo contingerent, eo item Futurum in Ecclesia judicem Romanum Pontifi-

cem fore significaret, Locos demus Unus esto; Exo.
 I. 8. quo utitur D. Bernardus. lib. 2. ad Euge-
 nium cap. 6. Jethri ore ad Moysen: *Esstote popu-
 lo in his que ad Deum pertinent, ut ostendas populo cæ-
 remonias & ritum colendi, viamque per quam ingre-
 di debeant.* *Provida autem de omni Plebè viros Sapi-
 entes qui judicent populum omni tempore. Quicquid
 autem majus fuerit, referant ad te, & ipsi minora tan-
 tummodo judicent. Si hoc feceris implebis imperium
 Domini.* Ac nequis opponat Moysi, non Aaroni
 hæc dici. Prima hæc potestas Moysi danda erat
 quod Caput & Princeps Populi tunc erat, & summus
 Sacerdos, nondum Aarone, iustituto: Quod au-
 tem Moyses Summus Sacerdos fuerit, constat ex
 Psalmo. *Moyse & Aaron in Sacerdotibus rejs.* Et
 quidem, ut propositum a Jethro, ita re præstitum
 à Moysen, ac Populo; nam in 26. ejusdem capitis,
*Quicquid gravius erat referebant ad eum, faciliora tan-
 tummodo judicantes.* *Et quod agendum erat in
 Ecclesia Dei, ut Episcopi & ceteri Hierarchici ministri
 minores Causas Fidei & morum, majores & gravi-
 ores Summus Pontifex examinet ac definiat.*
 A Moysen ad Summos Sacerdotes transmissam
 hujusmodi potestatem fuisse, ac sicut in eo instituta
 ita in reliquis constituisse, patet ex multis Scriptu-
 ra locis; quos ut distinctius proponam, assumo duo
 Concilia, vel Senatus duos Judicium fuisse: alte-
 rum majus, quod Synedrion, alterum minus, quod
 Anonymon; illud Septuaginta, hoc tribus et vigin-
 ti viris constabat. Illud Hierosolymis, istud in
 singulis

singulis civitatibus residebat.

Id sumptum ex cap. isto 18. Exod. & Deut. 16. & 17. distincte proponitur Paral. 2. 2099 & c. 19. cum utrunque instauratum est à Josaphat Judæ Rege Concilium ibi n. n. 5. Constituit Judices terre in civitatibus cunctis Judæ: Et mox Præcipiens Judicibus ait: Videte quid faciatis: non enim hominibus exercetis judicium, sed Domini. Et n. 8. In Hierusalem quoque constituit Josaphat Levitas & Sacerdotes, ut causam Domini judicarent. Et duo Senatus. Nunc hujusce Majoris id est, Sanhedrin, seu Synedrij prærogativam in judicando videamus: uti nimirum ad eum minorum Senatuum consulta referrentur. *Omni causam quæ venerit ad vos Fratrum vestrorum, qui habitant in orbibus suis inter cognationem & cognationem, ubicunque quæstio est de lege, de mandato, de ceremonijs, de justificationibus ostendite eis.* Quod autem caput est, Summum Pontificem Judicio præesse, & supremam in definiendo auctoritatem obtinere, habetur. *Amarias autem Sacerdos & Pontifex vester in his quæ ad Deum pertinent præsidebit.* Hujus auctoritatis Fons Deuter. 17. n. 12, continetur ubi sic: *Qui autem superbierit nolens obedire Sacerdotis imperio, morietur homo ille.* Tota illa Judicum multitudo à capite isto pendebat: & ad Sacerdotis arbitrium omne tandem judicium revocatum: ideo Capitale erat Capiti non obedire. Testatur id Josephus. lib. 2. contr. Appionem. Pontifex inquit, ante alios Sacerdotes Deo sacrificat, leges custodit, di-

dicat controversias, convictas delictis: cui qui non obedir, is punitur, tanquam in Deum impium. Vicem profecto Dei gerebat iudicando ille, cui non parere iudicanti impium erat & capitale. Itaque eo loco Deuteronomij utitur Innocentius III. cap. Per venerabilem, qui filij sunt legitimi. Constat igitur Senatorem esse, & huius Senatus Caput & Principem Pontificem esse: quod clarius exprimitur n. 9. *Venies que ad Sacerdotes Levitici generis, & ad Iudicem qui fuerit illo tempore.* Unus erat Sacerdos & Iudex, & ad definiendum & ad condemnandum. Ut patet ex loco Deuter. 17. Non enim dicitur Sacerdotum & Iudicum, sed Sacerdotis, & Iudicis. Nec obiceris iudicium illud ideo valere, quia secundum legem fiebat, unde virtute legum, non privati iudicii Sacerdoti parendum; quod Beza opposuit nixus loco Deuter. 17. *Facies quodcumque docuerim juxta legem ejus.* Nam hoc in obijciendum retrahitur. Manifeste enim supponitur iudicium illud semper juxta legem fore: quod nos de Papa diximus. Imo ad id eum consuli, ut in dubijs mentem legis exponat, quam cum ex posuerit assentiantur dubitantes. Alioqui frustra esset consultatio, si ille errare posset, & ab alio corrigi: necesse enim esset ad alium Iudicem provocare, & gradatim in infinitum procedere. Id nos eodem modo obiecto loco docet *Hebraica veritas* sic enim 70. *Facies secundum verbum quod nuntiaverint tibi ex loco quem elegerit Dominus. Et custodies valde ut facias secundum omnia que sancita fuerint tibi,*
secundum

secundum legem & juxta judicium, quod dixerim tibi facies. Perinde ac quæ doceant, quæ dicant, ex lege sint, ac ita conjuncta cum lege, ut lex in ijs ac per eos loqui videatur. Clarius adhuc Sanctes Paginus. *Facies secundum sermonem verbi quod annuntiabunt tibi, & custodies faciendo juxta omnia quæ docebunt te, juxta sermonem Legis quem docebunt te, & secundum judicium quod dicent tibi facies.* Ex ore igitur Sacerdotum pendere debebat Consultor & dictis obedire: nec novam instituere questionem: seque superiorem examinando judicem constitutur: quod Hæretici faciunt: ut omnia arbitrio suo suspendant, suspensaque definiant.

Aliud nobile argumentum suppeditat Fons, & Radix hujus quam astruximus authoritatis: Quæ sane in loco & munere consistit. Nemo est enim qui nesciat quos Deus ad eam dignitatem evexerat multa ijs singulalia concessisse, ut inter ceteros & præstarent & eminent. Uti enim erant in fastigio dignitatis, ita & culmen Authoritatis obtinebant.

Hinc illa inauguratio: hinc illa majestas: hinc illa capitis corporis quæ ornamenta: hinc illa in Capite Cydaris, Hinc in Fronte Lunatum Aurum, hinc in humeris ambiciosa super humeralis ex auro, purpura, bysso, Hyacinthoque textura, ex alto sinuoso plexu ad pectus usque excurrent: hinc illud in Pectore quadratum Rationalis judicii Monile, illustratum auro, baccatum geminis, cæclatis nominibus pretiose vocale nodosis fasciarum spiris, & mordentis

auri Catenulis vinctum omni libertate jucundius. Hinc illa Tunica Hyacinthina, laxis augusta sinubus prolixâ longitudine talaris, ora in mala Punica luxuriose fruticante, & tintinnabulorum arguto sonitu garrulè tinniente, & pedum pulsui numerosè respondentis, ut & stantis Imago, & Incedentis quiddam humano majus spiraret.

Verus ut aspectu Dens incessuque pateret. Totus hic habitus Authoritate præ se ferebat, & quot erant ornamenta, tot erant testimonia veritatis. Cujus Sacrum illud Pectus Sedes erat: in quo nimirum *Urim & Thummim Doctrinâ & Veritas* habitabant. Ita rem providente Deo, ut doceret in ea Persona non humanæ conditionis, sed Pontificiæ dignitatis habendam esse rationem. Idcirco cum accipienda erant ab eo veritatis Oracula, illo indui vestitu opus erat, ut quæ diceret non à privato, sed à Pontifice aliam gerente Personam profecta viderentur. Huic illa vox ad eos Regum *Appha Ephod* cum Arcanum aliquid, & Deo tantum cognitum revelari sibi vellent: nam cum Divinum sit futura occultaque prædicere ac prodere, oportebat ad ea divina & patefacienda Pontificem habitu & dignitate Divinam quandam speciem exhibere. Et quidem uno è quatuor modis Deum ille patiebatur. Aut per Angelum inspirantem, aut per Spiritum afflantem, aut per notas è cælo demissas, aut per radios lucis eximie in lapillos Pectoris impactos, & in oculos intuentium promicantes. Qui postremus Josepho placuit. Certè ut varietas in modo esset

139
esset, nunquam fuit in iudicio inconstantia: semper ille vera, dum Synagoga sponsa fuit, & dixit & portendit. Imo & adulterâ jam & corruptissimâ, certissima quædam ejus authoritatis signa manserunt. Nam & Caiphas prophetavit, & Ananiam Paulus coluit. Tanta erat vis dignitatis, ut præcipiti jam dejectâque Synagogâ in suo adhuc vestigio consisteret. Imo & ipsius Christi testimonio constat, magnum esse virtutem Cathedræ Moysi in qua Scribæ, & Pharisei sedebant ad Plebem erudiendam: quod & supra tetigimus, & cum Agustino expendimus, qui ejus rei aptissimam rationem reddidit. Non posse eos in aliena Cathedra sua docere. Ita cum illam ascenderent, suas opinionationes deponebant, cum insiderent Cælestis in eos doctrina incidebat. Unde quicquid docebant faciendum esse Christus suadebat, quicquid faciebant agendum esse vetabat, quod facta erant propria verba aliena, illa Personam, hæc Cathedram tequebantur.

Nunc ad Romanum Pontificem veniamus, quem ille haud dubiè figurabat. Qanta ejus est, ac esse debet Authoritas, quâ in altissimo locatur culmine dignitatis? Qui in Cathedra Petri sedet ejusque Claves gerit, datæ à Christo insignia Potestatis! A quo Cathedra illa instituta, ut qui eam insideret Cælestem Magistrum repræsenteret, ejusque vicem gerens Ecclesiam suam regeret ac doceret. Nisi forte Deo Charior fuit Synagoga Ancilla, Agari similis, quàm Ecclesia Sponsa, uti Sara

Sara Soror & libera? Si ergo tot & tanta & de-
cora & ornamenta in Synagoga collata sunt Pon-
tificem; quanto & plura & majora in Ecclesia
Pontificem conferri necesse est? Non ea dico quæ
ad temporalem: & caducam conditionem spe-
ctant; sed ad Spiritualem & æternam, quæ contine-
tur Animæ Salus pertinentia. Quanquam nec illa
desiderantur, quæ faciant ad dignitatem. Sacra-
rior Inauguratio, Sanctior Consecratio, Religio-
sior professio, status purior, Sacerdotium Divinius,
potestas amplior, majestas augustior. Dignus sanè
ob eam in qua constitutus est dignitatē, ut ab eo ve-
ritatis Oracula petantur: quæ ille cum solennimo-
re, ac uti Magister ex Cathedra suâ pronuntiat, falsa
esse non possunt. Non enim tum privatus loquitur,
sed uti Christi Vicarius, quæ virtute Cathedræ inspi-
rantur dicat, nec tam suo quàm alieno atque adeo
Christi Spiritu agitur, & movetur: ut nemini Ca-
tholico de eorum, quæ definit, dubitare liceat veri-
tate. Nam etsi homo sit, & nihil ab eo humani
alienum putemus, cum tamen ex Cathedra tan-
quam Caput loquitur, & publicam Pontificis per-
sonam gerit, os ejus alienum putamus. Itaque pro-
videri à Deo dicimus, ne quid obrepit quod officiat
veritati. Quicquid ad id opus fuerit Supremum
Numen suaviter disponet, & sine quo ne folium
quidem arboris motatur, & cadit, illud efficiet ut
Pontificis oracula plusquam Sibyllina sint. Folia,
in quibus ea multo quàm in ære perenius inscri-
bantur.

Nec turbata volent rapidis ludibria ventis.

Itaque à Romano Pontifice Universus Orbis Christianus *In dubiis responsa petit*, & olim à Cathedra Romæ erecta undique missis & legationibus, & litteris postulavit. De quo, etsi supra commemoravimus, oportet & nunc aliquid commemoremus. Anacletus Epist. 1. de oppressione Clericorum. *Difficiliores, inquit, quæstiones, & majores causæ ad Sedem Apostolicam referantur.* Evaristus: *Ad sedem Apostolicam tanquam ad Caput sunt dubia referenda.* Alexander I. Epist. ad omnes Orthodoxos.. *Hujus Sanctæ & Apostolicæ Sedis Apici summarum dispositiones Causarum & omnium negotia Ecclesiarum ab ipso Domino tradita sunt, quasi Capiti...* Zepherinus Epist. ad Episcopos Sicilianos: *Majores Ecclesiæ Causæ à Sede Apostolica, & non ab alia, sicut Apostoli statuerunt, sunt terminandæ, juxta illud: Quodcumque ligaveris.* Julius Epist. ad Orientales Episcopos: *Conciliorum convocandorum jura & majores Causas ad Sedem Apostolicam Evangelicis Apostolicisque institutis referri oportet. Id à Sanctis Apostolis & Successoribus eorum, id à Niceno Concilio definitum est* Citatque caput. * 18. Concilij in hæc verba: *Omnes Episcopi in gravioribus Causis liberi Apostolicam appellent Sedem, atque ad eam quasi ad matrem confugiant: cujus dispositioni omnes majores Ecclesiasticas Causas antiqua Apostolorum Auctoritas re-*

Y

servavit.

servavit. Idem tradunt statuisse Concilium Nicenum, Athanasius, & Pontifices Ægyptiorum Thebaidis, & Libya in Epist. ad Felicem. Ac illum Canonem nomine Niceni Concilij protulerunt in Sexta Synodo Carthaginensi Faustinus, Philippus, & Asellius Apostolicæ Sedis legâti ex litteris Zozimi Papæ. In eandem sententiam scribit Innocentius I. ad Victricium, & Leo ad Theodosium Juniores. Damasus ad Episcopos trium Concil. Africanorum: *Summas Causarum definire absque Sedis Romanæ authoritate non licet.* Innocentij I. Egregium est in Epist. ad duo Concilia Carthaginensæ & Milevitanum testimonium. *Congrua Apostolicæ Sedis arcana consultis antiqua regula formam secuti, quam toto semper ab orbe nostris esse servatam, præsertim quoties Fidei ratio ventilat.* Nec id Patres negarunt, imo fateri consulendo Innocentium occuparunt. Id Sixtus I. ad Gallicanas Ecclesias. Id Eleutherius ad eandem affirmat. Id Pius I. ad omnes Ecclesias. Id Victor Epist. ad Theophilum. Id Marcellus ad Episcopos Antiochenos. Id Eusebius ad Campanos & Thuscos. Id Melchiades ad Hispanos. Id Marcus ad Athanasium. Id Leo ad Anastasium Epist. 54. & Epist. 67. ad Episcopos Viennenses. Id Vigilius in Decretis suis. cap. ult. Id Gelasius ad Anastasium Augustum. Id Pelagius II. ad Episcopos, qui Constantinopolim convenerant. Id Gregorius Epist. ad Augustinum Anglorum Episcopum. Id plerique alii Pontifices, qui citantur

tur 13. dist. & 17. & 19. & 20. 21. & 22. & 80. dist. c. *urbes*. & 96. dist. c. *Bene*. & 24. quæst. 1. & 25. quæst. 1. & de Electione. c. *Significasti*. & de Privilegio c. *antiqua*. & de Baptismo c. *Majores*. & de Elect. in b. c. *Fundamenta*, & in Extravag. *Vnam Sanctam*. Imo tam certa & constans hæc esse veritas debet, ut qui neget Pontificum Romanorum *verum esse in dubiis & Controversiis Fidei iudicem* Athore Irenæo lib. 2. contra Valentinum, *Ecclesiæ auctoritatem neget*. Quare Pontifices ipsi Ecclesiis, quæ a Fide Catholica defecissent, ad eandem redire volentibus scriptam credendi formulam dabant, quam servarent scriptam, ceu ad ipsos attineret Fidei tradere documenta. Hujusmodi formulam scripsit Bonifacius Secundus in Epist. ad Eulaliū Carthaginensem Episcopum. Eandem Ormisdas ad Hispanos Episcopos misit, ut secundum eam admitterent Schismaticos respiciētes. Eandem Adrianus ad Synodum 8. Generalem dedit. Hanc recepit Joannes Constantinopolitanus Episcopus, cum illa Ecclesia quæ à Romana, Autore Acatio defecerat, ad eandem redire vellet.

Age vero celebres controversias commemoremus, quæ primis illis sunt ortæ seculis, easque tandem Pontificum calculo definitas monstramus.

Quæ de tempore celebrando Paschatis agitata tot in Synodis est quæstio, ea demum a

Victore Papa transacta Anno 168. à Christo nato, teste Eusebio lib. 5. Hist. Ecclesiast. c. 23. & seq.

Alia de Lapsis post Baptismum ad Poenitentiam admittendis contra Novatum, decisa est in Concilio Romano sub Cornelio Papa. Anno 255. juxta Baronium, & Spondanum.

Alia de distinctione Personarum adversus Sabellium, sublata est à Concilio Alexandrino Papa Sylvestro, Anno Christi 319. secundum eodem.

Alia de unitate in Christo naturæ contra Eutychem & Dioscorum, soluta in Concilio Chalcedonensi sub Leone Papa. An. 464. teste Suario & Vasquio in 3. part. D. Thomæ & Baronio & Spondano ad eum annum.

Quid? quod dux in Christo voluntates in Concilio Generali Constantinopolitano 3. Papa Agathone ad tollendum Monothelitarum errorem, D. Thoma in 3. p. teste, constitutæ. Iterari Baptismum semel ritè collatum posse, & interdum debere, censuit Marcion & Donatistæ. Oppositum in Romano Concilio Melchisedes deciderit. Errores Pelagii & Celestii Innocentius I. Zozimusque damnarunt. Semipelagianorum Celestinus & Leo, quemadmodum constat ex Augustino & Prospero. Non omnes deinceps exortas in Ecclesia controversias libet enumerare, Quæcunque illæ fuerint ad

Apostolicam sunt Sedem relatæ, & Pontificum
Judicio definitæ.

Eas exactissimè Baronius, Biniusque, & Spondanus
commemorant. Ut verum id esse perpetua Ec-
clesia per omnes ætates Consuetudo traditione
venerabili confirmet. Ego unum, vel alterum af-
ferre volo.

Gravissima & celeberrima illa de Prædesti-
natione inter Gottenfalcum & Hincmarum se-
culo octingentesimo orta, & Annis fermè tri-
ginta agitata, extitit: quæ totam Galliam tum
in factiones, nunc in disceptationes divisit. Ea
tot Synodis, tot Conciliis ventilata Nicolai de-
mum Papæ arbitrio diempta quievit, & quam
tanta Episcoporum & Doctorum hominum,
Rege item adhibito multitudo sopire non po-
tuit, vnius Pontificis compressit Authori-
tas.

Alteri occasionem præbuit Abaylardus, qui
veterum hæreticorum errores magna ex parte
instaurabat.

Sed eam exorientem Bernardus ad Inno-
centii II. Romani tum Episcopi Sedem impegit,
eamque impactam elisit. Cujus testimoniij nectare
locum hunc meum aptè perfundam.

Oportet ad vestrum referri Apostolatum pericu-
la quæque, & scandala emergentia in Regno Dei, ea
præsertim quæ de Fide contingunt.

Dignum namque arbitror ibi potissimum rescari

damnum ubi non possit fides sentire defectum.
Hæc quippe hujus prerogativa Sedis. Cui enim
et ari aliquando dictum est.

Ego pro te rogaui, Petre, ut non deficiat Fides
tua.

Et tu aliquando conversus confirma Fratres tuos.
Id quidem modo necessarium.

Tempus est ut vestrum agnoscatis, Pater aman-
tissime, Principatum, probetis zelum, ministerium
honoretis.

In eo plane Petri impletis vicem, cujus tenetis &
Fidem, si vestra admonitione corda in Fide fluctu-
antia confirmatis, si vestra auctoritate conteritis Fidei
corruptores.

Philtrum ex hoc nectare Thomæ Anglo pro-
pino, ut Celestem in eo doctrinam bibat. Ac ut
irritem gulam, Petri Chrysologi sententiâ in auro,
ex Epistola ad Euthychetem præfixa adis Gra-
colatinis Concilij Chalcedonensis. In omnibus bor-
samur te, Frater honorabilis, ut his quæ à Beatif-
simo Papa Romanæ civitatis scripta sunt obedi-
ter attendas; quoniam Beatus Petrus, QUI IN PRO-
PRIA SEDE VIVIT ET PRÆSIDET, præstat querenti-
bus Fidei veritatem. Nos enim pro studio Pacis &
Fidei extra consensum Romanæ Civitatis Episcopi Cau-
sas Fidei audire non possumus.

Hauriat & pleno Blaculus se proluat auro.]

Eum jam invitare incipio, quod paulò poste-
um tota mole disputationis obruero: sed volo prius
hoc haustu soporare, quo minus sentiat dolorem.
Operculum hac Patina Adagio refutato dignis-
simum afferam, Anselmi Divini viri Authoritatem
& claudo. Ille ad Urbanum lib. de Incarn. Verbi.
c. I. *Quoniam Divina Providentia Vestram elegit
Sanctitatem, cui vitam & Fidem Christianam custo-
diendum &, Ecclesiam suam regendam committeret, ad
nullam alium rectius refertur, siquid contra Catho-
licam Fidem oritur in Ecclesia, ut ejus autoritate
corrigatur.*

ARTICULUS.

ARTICULUS III.

Quomodo hæc Infallibilitas insit Pontifici?

D Ira sciendi libido eò adegit audaces hominum mentes, ut rerum intelligentiam egressæ, modos quoque vellent inquirere. Modum Deus in rebus posuit; ne rerum modos investigaret audacia: sed hæc in vetitum nixa, modum non tenuit. Adeo periit frons de rebus, ut nisi causæ modique sciantur, res quoque ignorari existimentur. Uti humana Avaritia, non contenta iis quæ natura protulit, & contulit in medium, ipsius viscera scrutata est, & intestina terræ marisque penetravit, sinus, & venas, & fibras omnes aperuit, & scidit, ut opes non sine communis Parentis injuria gemituque extraheret: ita & cupido sciendi, his quæ & sensu percipi, & evidenti ratione demonstrari possunt, prætermisiss, arcanas item rerum causas, & abstrusos earum modos occultissimasque rationes scrutari perrexerunt: nec in humanis duntaxat, (sed quod dolendum est maximè) in Divinis quoque tentarunt: & fortiora se quæsi-

quæsierunt, & *altum sapere* voluerunt; quin & vera esse noluerunt, quorum rationes modosque ignorarunt. Monstruosa sane libido, quæ studiū videndi cæcitatem contraxit. Nulli essent Ariani; si nollent rationem scrutari, cur Verbum ex Patre natum eo minus non esset, cum ab eo esset? Nulli Pelagiani si Gratia necessitate accepta, quomodo cum eo stare libertas posset, non inquirerent. Nulli Sacramentarii, si agnita veritate Corporis Christi in Eucharistia, modum quo id fieri possit non investigarent. Id eo Graviter Tertullianus: *Philosophos Patriarchas Hereticorum* appellavit, quod cum ratione omnia metiantur, nihilque nisi cuius in promptu est ratio ratiocinando admittant mysteria Fidei, quæ supra caput sunt nostrum, cum non possent mente assequi, negarunt.

Hoc vitio Thomas hic noster cum quibusdam Heterodoxis laborat, qui Pontificis auctoritatem in dubium vocant: & quod dubitant quomodo ea Infallibilis sit & quod eos latet ratio, fallibilem putant. Satius esset locos Evangelij luce clariorem, & Traditionem Ecclesiæ perpetuam (Cujus magnam esse vim aliis fatetur Thomas) & totius consensum Ecclesiæ omnibus argumentis fortiter expendere ad hujusmodi Auctoritatem asserendam: quàm ad eam negandam obscuritate modi quo Insit in Pontifice, duci. Thomam igitur Anglum, & in eo Heterodoxos egomet mihi primum

confutandos propono : objecta deinde ab eo cum
ipsis argumenta dissolvam.

Ugitur poscunt, ut aliquo visibili signo, id est
miraculo, vel (uti ab ijs audiui Londini) Divino
aliquo scripto, & de Cælo lapso, tanquam Ancili
probamus. Putant quippe non aliter de hac Præ-
rogativa constare posse. His similes qui Deum ma-
nifesta cælo querebant, *Si forte attrectarent eum:*
& illis qui tentantes signum de Cælo a Christo qua-
rebant. Quibus ego eadem quæ Paulus & Christus
ratione satisfaciam. Nam sicuti Paulus Atheni-
enses Poetarum Suorum testimoniis convicit, ita
mihi sedit qui mecum disputabant Heterodoxos,
eos argumento à suis ducto tum, & modo confu-
tavi. Quæram ex ijs an suo Luthero, Calvino,
Zuinglio, Melanctoni credant Spiritum sanctum
adfuisse, & quæ docuerunt inspirasse? Quod si
credunt, dicant quo signo miraculove id constet?
Quod si apte non est opus miraculo? aut id du-
cente, spiritu comperiunt, ne exigant à vobis, quod
supervereaneum est, aut credant Spiritui Catholi-
corum in id consentientium. Aiunt se non ijs fi-
dem habere, sed locis quæ citant Scripturarum. At
quis eos docuit, ita esse hos locos, ut ij exponunt,
intelligendos? Respondent: *Spiritus*. At hic
minime quidem oculis videtur. Eum vero nos ijs
obtemus: non privatum sed communem totius
Ecclesiæ, & per manus traditum à Patribus, Scrip-
tura nixum. Age vero proferant locum aliquem
Scripturæ, quo probent Magistris suis Spiritum
Sanctum.

Sanctum adfuisse, qui ullo sit modo, cum iis quibus confirmamus, Petro & successoribus inesse, conferendus. Non dabunt. Carent Traditione, carent autoritate Patrum, carent consensu Ecclesie, unâ abundant audaciâ. Ex nostris exierunt. Quæ nota Hæreticorum est. Nos ubi eramus mansimus. Apud nos est Antiquitas, hî novitatem invexerunt. Fuit quî à me Diplomata joco postulavit. Ludunt cum argumentantur: & Seria omittunt. Risi, ac respondi. Exhibe quæso, mihi diplomata Luthero, Calvinique data. Antu cum Regibus pares tuis, diplomata exigis, & eorum examines potestatem? Non solo scriptores probantur. Nonne prædia, & villæ, & domus intendum solâ præscriptione possidentur, & ubi ea memoriam excedet hominum litteræ, non postulantur. Erubuit. Tum ego graviter. Quin perspicuum & amplum tibi diploma repræsentare volo, quo rem confirmem. *Pasce oves meas.* Si aliud desideras adiicio. *Confirma Fratres tuos.* Si plura, relege ante scripta. Jovenies. Paduit eum temeritatis suæ: & cæteros si frontem habent, opinor pudebit. Itaque exemplo Christi petentibus miracula & Signa: Dedi scripturæ testimonia, quale est *Signum Jonæ Prophetæ.* His ego & Hæretodoxos, & Catholicum Thomam refute. Imo & hunc possem, si admittit miracula, iusto idoneoque adducto refellere, quod nemo est, qui commemoret. Columbæ ad Aurem Magni Gregorij visæ consistere, & scribenda dictare. Nam cur

in solo Jordane Columba? Ibi Christus ipse re
 ac personâ. Romæ ad Tyberim Christi Vicarius;
 & virtute ac munere Christus. Aptè Columba.
 Imo Sedes ipsa Petri, Columba est in Petræ fora
 mine, & Sponsa soror unica & formosa. Cui vox
 sponsi ad ejus aures non insonabit. Perperam igitur
 Thomas hos Spiritus Sancti Afflatus *Commenta*
 & *Portento* Parag. 17. ad finem appellat. Nec
 enim nos asserimus hujusmodi signa quæ videntur
 oculis, & tanguntur manibus: sed illum afflatum
 dicimus, qui interiores illustrationes, & motus fit:
 quanquam si nobis essent puri defæcatique oculi,
 non dubito quin aliquando similia Gregoria
 næ Columbæ miracula videremus, nec enim est
 abbreviata manne Domini. Sed hominum vita dis
 soluta.

Et quidem Thomam suâ ratione urgeo. Fa
 teretur ille, imo & jactat tum scripto, tum verbo
 se Mysteria Fidei ita solere argumentis probare,
 ut ad libellam naturalis luminis conformet. Quod
 an fieri debeat, ac possit, & an ille præstiterit,
 aut præstiturus sit ventilare nunc nolo, tantum ac
 cepto ab ejus jactantia, argumento ita premo.
 Recta ratio postulat, ut qui Caput Ecclesiæ Pon
 tifex, et Pastor est, is ad suum dirigendum re
 gendumque Gregem & potestatem, & authorita
 tem habeat idoneam, & constantem: Atqui hic
 Grex præcipue doctrinâ & dirigitur, & regitur; ergo
 necesse est, ut Pontifex, in ea & tradenda, &
 conformanda errare non possit. Quod omnino
 ad

ad Providentiam Dei pertinet, Nam cum illa si-
ad eum finem dignitas instituta, & Sedem ille Pe-
tri teneat, vicelque repræsentet, oportet, ut à Deo
accipiat, quæ ad illam sustinendam, agendamque
personam exiguntur. Equis enim quæso Rex, aut
Princeps, cum Proregem, aut Moderatorem Pro-
vinciæ, vel civitati suo nomine præficit, non
ei cum munere confert quicquid ad illud admini-
strandum necessarium est, non habitâ ratione Per-
sonæ, sed dignitatis? Imo cum quis apud Hære-
ticis minister instituitur, accipere creditur ad mu-
nus suum exercendum idoneam cum potestate au-
thoritatem. At hi aiunt, non accipiunt spiritu-
alem Lucem aut scientiam, nec infallibile judici-
um. Nec nos affirmamus Pontifici eo ipso quod
pontifex est aliquam maiorem Lucem aut scienti-
am à Deo infundi: sed dicimus cum ubi creatur
Pontifex, speciali providentia a Deo esse dirigen-
dum, & patrocínio confirmandum; ne in ijs quæ
sui sunt muneris errare possit. Quemadmodum
cum Christus Judam inter ceteros Apostolum
creavit, eo ipso quod creavit, omnia ei contulit
requisita ad apostolicam dignitatem, nullâ habi-
tâ privatæ personæ, sed muneris, & officij ratione,
ita qui Pontifex eligatur, quicumque ille demum
sit, accipit à Christo, quod necessarium est ad
ministerium suum exercendum. Sed in Aposto-
lis erant signa, & miracula quædam, quæ Judas
cum patrabat Apostolicæ suæ Dignitati fidem fa-
ciebat, quæ in Pontificibus non videmus. Igitur

nisi

nisi signa & prodigia non viderint non credent. Videant quibus similes sunt, ne erubescant. Deinde audiant, & expendant. Creduntne se veram habere Fidem, & accipere Spiritum sanctum? Omnino, nam ea se sola salvari dicunt, & non salvari, nisi sint certi eam habere: unde & Fides & Fiducia omne apud eos instrumentum salutis est. Imo & Calvinista tanquam dogma Fidei profitentur, se omnes & Theodidactos, & Prædestinatos esse: At Ego probem non esse: nam si Scripturis credimus, cum Primi illi Fideles Ecclesie Primitivæ Fidem & Spiritum Sanctum accipiebant, Signo sensibili & Fides, & Spiritus ijs Sanctus dabatur: atque adeo videbant se eo Spiritu frui: hoc sepe argumento Baptizabantur. Si autem illud signum necessarium erat, nemo hodie Hæreticorum Fidem, nec Spiritum Sanctum habet: nec enim illud inter eos miraculum fit, nec ipsi fieri volunt, imo si quis fieri dicat, rident, & iocantur. Cur ergo signa querunt, si de signis queruntur? Succedent enim, si quis nostrum miracula in Ecclesia Catholica nostra fieri affirmet. Præterea quero ex ijs, utrum Baptismo conferri gratiam putent? Annunt. Quo signo? Nam non descendit visibili specie Spiritus Sanctus, uti vel Columba, vel lingua ignea, vel saltem Angeli specie in Piscinam. Igitur aut negent signis opus esse, aut desinant dicere, ubi signa non sunt, Gratiam non esse.

Quomodo igitur Spiritus Sanctus adest Pontifici

fieri, cum opus est aliquid controversum definiri? Dicam: sed Respondeant prius: Quomodo Spiritus Sanctus adfuit Apostolis in Concilio cum controversam de Circumcisionis necessitate definierunt? Scimus enim, & credimus Spiritum ibi Sanctum adfuisse, aut Apostolos eo afflatos dixisse: *Visum est Spiritui Sancto, & nobis*, cum tamen nullum aut signum, aut miraculum factum legamus: quo Spiritus ille Sancti afflatus comprobetur. Non confero Papam, aut æquo illi Apostolorum Concilio: tantum sumo quod rei hæret & loco. Non opus esse visibili signo ad probandum afflatum Spiritus Sancti. Ille tum Apostolos illustravit, movit, direxit per intimam illuminationem, & inspirationem. Hac utetur, cum Pontifex aliquid definiendum quod ex usu Ecclesiæ sit, suscipiat.

Reogiter Thomas Anglus modum, quo Spiritus Sanctus in nos agit, cum iustificat. Intellectum luce Divinâ & voluntatem face ad motum excitat: & in utraque potentia intimè operatur, donec eliciat efficaciter liberum cum voluntate deliberata consensum. Hac omnia sine strepitu (ut ait Augustinus) forinsecus insonante fiunt, & reapse in nobis partim sine nobis, partim à nobis, sed semper nobiscum fiunt, nec opus est externo & visibili signo ad huiusmodi motus Gratia, & exinde securam justificationem demonstrandam, quæ nihil est in hac vita mirabilius & Divinius. Hac ratione Deus Optimus, Maximus cum Romano agit Pontifice, cum aliquid est decernendum, quod ad

ad Fidem pertineat. Primum ei proponitur Quæstio. Tum excitatur mens Pontificis iustis rationibus ad eam suscipiendam, quas et necessarias periculum Hæresis imminens, & utilitas in Ecclesiam manatura, & iusta piorum & doctorum hominum supplicatio & causæ ipsius gravitas facit. Movetur arcanâ inspiratione voluntas, tum accedit de re deliberatio: ut aut Concilio utatur, aut Constitutione solenni. Misso Concilio cum nec semper haberi debeat, nec possit, Constitutionem cogitat. Tum Deus dirigit, ut nihil prætermittat eorum quæ ad rectè iudicandum, & ritè constituendum necessaria sunt: id est Examen, & inquisitio sedula adhibitis testibus idoneis, & in corruptis: Consultatio seria, & gravis Doctorum & sapientum. Disputatio, si ea opus sit, acris & exacta auditu hinc inde diversarum Scholarum & sensuum hominibus. Interim preces & vota suscipiuntur, & superi Religiosè invocantur. Demum omnibus disputâtiis, & putatis rationum disputantium momentis, Causam ad se Pontifex revocat, eaque accuratissimè inspectâ, & perpensâ pro Tribunali nomine Christi cuius & vices gerit, & personam agit, pronuntiat, uti Pontifex, sententiâ, & certum ac infallibile iudicium fert: omnino tenendum. Hâc ratione Spiritus Sanctus afflat, & dirigit per intimas inspirationes providè, & tacite, ad communem Ecclesiæ doctrinam: quomodo singulos homines privatos ad fidem movet. Omnes enim qui credunt, non nisi afflatu Spiritus Sancti

Sancti credunt, nec aliter nisi per inspirationes intimas afflantur: ac nemo dubitat quicumque credunt eos à Spiritu Sancto afflari, & duci. Curigitur ambiget Thomas & Heterodoxi Pontificem certo & infallibiliter ad docendam Ecclesiam hoc modo afflari & moveri? nec alio signo aut miraculo opus esse? & *possunt*, ait Thomas, *ista deficere*, & ijs deficientibus Error obrepere, imo & affirmat *sepe deficere*. Latius ad id ego sequenti questione. Nunc interim eis Heterodoxis obijicientibus: Quid? si ista desint? Uno verbo respondeo. *Quid si Cælum ruat?* Ruet vero istud citius, quam verba Christi deficient: Verba Christi sunt. Non deficiet FIDES TUA. *Cælum igitur & Terra transibunt.* VERBA AUTEM CHRISTI NON TRANSIBUNT.

Modum autem hujus Providentiæ occultæ & tacitæ, sed certæ, & infallibilis illatâ Exempli face illustro. Qui confirmati sunt in Gratia, Donum illud a Deo Confirmationis accipiunt per singularem Dei Providentiam, removentis occasiones peccandi, & augmentis illustrationes mentis, & inspirationes voluntatis suavitate quadam mirabili, & arcanâ virtute citra vim motumque ullum sensibilem, eosque illo tenore cursuque Providentiæ Sanctos, & incorruptos ad extremum usque vitæ anhelitum infallibiliter perducit. Sanè in Beatissima Virgine Dei parente admirandæ istius formæ Providentiæ eluxit. Ecquis enim eâ Sanctior, integrior, purior, & omni genere virtutum præ-

stantior? Nec tamen in sacris litteris nulla cum
 rumore & strepitu cernimus Sanctitatis ejus impres-
 sa vestigia : cujusmodi Baptista, & Apostolo-
 rum deprehendimus, quorum in Orbe virtutis con-
 fectio, non solum orbitam impressam videmus,
 sed sonitum quoque currentis audimus. Cum ta-
 men in Apice illo ac Sanctitatis Maria omnia ta-
 cita, arcana omnia, nullo indicio, nullo signo fo-
 ras strepitu prodeunte inveniamus. Quæ ideo ex-
 cellentior Gratia est, quod eâ ratione mysterio
 propior sit, atque adeo colenda & admiranda. Hac
 ratione Ecclesiæ suæ autoritatem Deus in sum-
 mo Pontifice operatur, & tuetur, & illa Confir-
 matio *Confirma Fratres tuos* in doctrina, ne erret,
 similis est confirmationi in Gratia Apostolorum.
 Utraque certa, et constans, utraque infallibilis,
 Deo ne deficiat, suaviter, & intimè providente,
 nec ad eam vel astringendam, vel confirmandam
 signo sensibili opus est. Quemadmodum nec ho-
 die ad probandam Sacramentorum, putà Baptis-
 mi, & Confirmationis, & ordinis Gratiam & ef-
 fectum signa visibilia exiguntur. Atque hic est
 modus, quo Deus hanc Prærogativam summo Pon-
 tifici concessit, & quo ille infallibilem habet
 Autoritatem. Providebit igitur Supremum
 illud Numen, à quo omnia Sapienter regun-
 tur, *cujus providentia in rerum dispositione non fal-*
litur, ut ne quis error incidat, nequa falsitas ob-
 repat, ne quid quod ad veritatem definiendi con-
 ducat, in Pontificis examine, & judicio desi-
 deretur

deretur. Quam qui non vult cum Thoma Anglo & Heterodoxis citra signa, & miracula fateri, neget veram hodie & Catholicam Fidem apud nos esse, quod non sit ea signis & miraculis, qualia in Primitiva erant Ecclesia, confirmata. Nam nec Spiritus Sanctus per speciem apparet, nec generacione duntur linguarum, nec aliorum tanta est copia prodigiorum, nec tam effusa abundantia Gratiarum. Quæ certe licet in Ecclesia Catholica Romana interdum inveniuntur, non ea tamen nos ad confirmationem Fidei exigimus, aut necessaria esse existimamus. Nam illis ea ætas carere non debuit, ut Fidei prædicatio quæ nova & recens erat, maiorem sibi auctoritatem conciliaret & in animos audientium per admirationis & reverentiæ aditum penetraret. Desinat Thomas signa petere, qui omnia ratione metitur, & Catholicum se profitetur: apud quem Sacrarum litterarum valere debet Auctoritas. Desinant Heterodoxi miracula exigere, qui negant ulla esse in Ecclesia vera nostra, quod nulla in sua sint, nec esse possint: cum apud quos non est Ecclesia, nec virtutes fieri queant, quæ à Fide proficiuntur. Unum miraculum jactare possunt, Genus linguarum, non quod Donum linguarum habeant, sed quod suæ quique linguæ Scripturam faciat, eamque omnes linguæ loquantur: & Puerorum & Puellarum, imo & balbutientium, ut cum Spiritus Sanctus linguas fecerit disertas, illi Spiritum Sanctum infantem faciant: cogaturque in linguis Infantium balbutire.

QUÆST. IV.

De ijs quæ contra Summi Pontificis auctoritatem obijciuntur.

ARTICULUS. I.

Tria prima Thomæ Angli adversus huiusmodi Auctoritatem argumenta proponuntur & solvuntur.

Quibus Hæretici Papæ Auctoritatem oppugnare argumentis solent, ea penè omnia Thomas opponit. Sed quoniam stilus ejus Scopæ sunt dissolutæ, volo cum in methodum Scholæ collectum & castigatum redigere.

Primum.

Primum Obijcit. Privilegium, illud non est in Persona Pontificis in ordine ad Ecclesiam, sed in Ecclesia tota, & Clero Romano, Igitur falsò tribuitur Pontifici. Probat Antecedens: quia Petrus non accepit illud Privilegium, uti Persona distincta ab ecclesia, sed ut erat ab aliis Apostolis distincta Persona, non ab Ecclesia quam representabat.

Itaque Ecclesie in eo datum est Privilegium: non Petro ad Ecclesiam regendam. Quare Ecclesia est quæ facile non potest, non Pontifex. Hoc est justum Thomæ ex injusto fasce rationum confectum argumentum. Debeat mihi quod nitide ac perspicue proposui: nam nemo apud eum facile intelliget, imò qui legat putet inepte dici multa, quæ à me sunt aptè exposita. Unum assero Distinguit Petrum *contra Ecclesiam*, Ambiguè nam illud *contra* videtur innuere *Adversus Ecclesiam*: mox ait *distinctum* ab Ecclesia sua, cùm separatum ab ea cuius est caput, & de eo quasi adverso, aut præciso loqui, quæ absurda prorsus sunt. Ego autem ea emollivi subactis terminis, & eructo apto sensu: quem existimo ab eo destinatum, esse minus expressum.

Respondeo distinguendo illud Antecedens: nam si sensus sit Pontificè accepisse illud Privilegium in ordine ad Ecclesiam & intuitu illius concedo. Si vero sensus sit non eum, sed in eo ac per eum Ecclesiam illud in se habere, ita ut non sit in Persona Pontificis, nego: & consequentiam item

nego. Et eodem sensu confirmationem ab ex-
 emplo Petri, omnino negem. Nam Petrus, & Ec-
 clesie Eligam gesserit: ita tamen gessit, ut
 sua cum ea Privilegia non confunderet, nec admit-
 teret ea quæ erant propria Capitis: Itaque reti-
 nuit in ea Figura distinctionem Graduum in Ec-
 clesia: ut distincta manerent Caput & Corpus.
 Aliter non esset Petrus Caput & Pastor Ecclesie,
 sed Ecclesia sibi Caput esset: & Capite careret.
 Rem expono. Petrus cum à Christo Caput &
 Pastor institutus, non pro se tantum fuit institu-
 tus, sed etiam pro reliquis sibi in Ecclesia succes-
 suris: atque id erat repræsentare Ecclesiam, &
 monstrare, quid in ea futurum eras. Pater ex
 supra à medicis quæst. 1. ex Augustino. Itaque
 Petrus non amittebat quod suum erat, sed retinen-
 do monstrabat, id quod habebat in Ecclesia, post
 eum esse mansurum: & quod ipse munus accipi-
 ebat, ad successores qui in Ecclesia futuri erant
 transiituros, atque adeo ad Ecclesiam pertinere.
 Alioqui si quicquid Petrus accepit amississet, & in
 Ecclesiam transfuisset, etiam Fidem quam habe-
 bat perdidisset, & dignitatem Capitis, quam per eam
 meruit, perdidisset. Itaque absurdum est dicere
 cum Petro dictum, Tu es Petrus, & super hanc Pe-
 tram ædificabo Ecclesiam meam, de tota Ecclesia
 dictum, cum absurdum sit dicere, Super hanc
 Ecclesiam ædificabo Ecclesiam: non enim ecclesia
 super Ecclesiam ædificatur. sed An illi bullæ m...
 An cum Christus Petro dixit Pascere Oves meas,
 dixit

dixit toti Ecclesie, id est, omnibus Fidelibus, atque
ves pascendas dedit? Cum Petro Claves tra-
didit, omnibus qui in Ecclesia sunt tradidit? Non
eo sensu representabat Ecclesiam Petrus ut quicquid
accipiebat ad Ecclesiam ita transmitteret, ut in eo
non maneret. Nisi forte cum illud Privilegium
Confirmandi Fratres suos in Fide ad Ecclesiam, non
ad Petrum pertinuit, quâ ratione necesse erat Eccli-
siam Fratres habere.

Alio sano & justo sensu Privilegium illud pro
 Ecclesia Petro concessum: nempe ut intuitu Ecce-
 siæ ad ejus utilitatem regimenque acciperet. Et
 quidem hic constat: nam Petrus ideo Caput insti-
 tutus, quia id Ecclesiæ corpus exigebat, quæ sine
 Capite constare non poterat. Ita enim visibili
 corpore visibile Caput conveniebat. Ideo Pastor
 electus, ut Gregem Christianum regeret, & pasce-
 ret: qui Pastore indigebat. Ideo Claves accipit,
 ut aperiret, & ligaret conscientias subditorum, &
 thesauros indulgentiarum. Itaque Omnia & mu-
 nia & Privilegia, quæ Petro tanquam Capiti &
 Pastori collata sunt à Christo, ad Ecclesiæ admini-
 strationem & utilitatem referuntur.

Nunc quam ineptè Thomas Anglus argumen-
 tetur, demonstro. Ait: in Ecclesia & in Clero
 Romano, non in Pontifice illam esse Authori-
 tatem, quia non distinctè ab ijs data est, &
 cum Ecclesiæ Corpore conjunctum, imo & prop-
 ter id datur: hoc autem non tollit, quoddæ
 Potestas sit in ipso Pontifice, & ab ipso emanet.
 Id apparet Exemplo Regum: Nonne hi accipi-

unt

unt potestatem, in Populos, nec sine Populis possunt consistere, & ratione ac intuitu eorum jus & administrationem exercent, nec tamen ea potestas in subditis est, sed in Regibus, cum tamen hi ab ipsis Populis sint creati. Negabit ne *Thomas* penes Reges imperium, & jus esse, quia illud non habet *condistincte*, ut ait, à suis Populis? Sane non neget etiam si Reges à populis cum primum sunt instituti acceperint potestatem. Inficiari ergo non poterit *Petrus*, & successores Pontifices Privilegium illud Authoritatis habere, etsi non habeant *condistincte* ab Ecclesia, cum illud immediate à Christo acceperint. Sin negemus *Thomam*, qui magister est, & discipulos habet, Magisterium non habere in se, sed in discipulis suis ad quos refertur: nam Magistrum & discipulos Relata esse non neget. Si igitur Magisterium, cum ad discipulos referatur, & à discipulis pendeat, manet in Magistro, & id *Thomas* admittat ne Magister esse desinat, cur inficietur Privilegium Authoritatis esse in Pontifice, quia ad Fideles refertur, & ad Ecclesiam ordinatur, & ab ea pendet eodem sensu quo Magisterium ab schola pendere dicitur. Dato quòd argumentatio *Thomæ Angli* vera sit (quod non datur *condistincte* Pontifici ab Ecclesia Privilegium, non manere in Pontifice, sed in Ecclesia) non est in Capite humano Cerebrum, sed in Corpore, quia Caput non habet Cerebrum, *condistincte* à Corpore. Quod quàm sit ridiculum videat *Thomas Anglus*, & tam ineptæ argumentationis peniteat. *Secun-*

Secundum opponit. In Concilijs Universalibus, imo & in Clero Romano est Authoritas ad decernendum ecclesiorum & similium & secularium, quam in Pontifice. Igitur ea nec necessaria, nec utilis est, atque adeo neganda. Antecedens probat, quia in Concilijs, inquit, maiori diligentia & labore Decreta perficiuntur, quam in Papalia subreptione obnoxia, & minus sunt obvia, & minus frequentia, & de rebus gravioribus agunt. Quae suo modo Clero Romano applicanda, cum Pontifex homo quidam singularis sit, & magis quam conventus tot hominum, errori obnoxius. Confirmatur quia huiusmodi Privilegium concessum Pontifici detrahit dignitati & necessitati Conciliorum, siquid in his statuendum & Papa vendico, & definit. Imo experientia monstravit, quod admissa illi Papalis Authoritatis Sententia evituit Conciliorum praesertim Generalium frequentatio.

Respondeo Argumentum ineptè colligere, nam ex eo quod in Concilijs tam Generalibus, cum particularibus Controversiae Fidei decidentur, non sequitur a Pontifice decidi non posse. Possunt enim pluribus modis res fieri. Quae admodum quod Respublica administratur ab optimatibus Aristocraticae, & à Popularibus Democraticae, non tollit quod à Regibus Monarchicè regiqueat. Ac idem omnino iter variis modis, videlicet Curru, Equo, Renda, Plauistro, Pedibus confici potest. Nec quod multi sint Magistri Londini, non desinet esse Magister Thomas Anglus: nec quod alii eo me-

lius & scribant, & doceant, id circo ille non scribit & docet, licet infelicius alijs utronque praestet. Possunt igitur concilia definire controversias, & Pontifex etiam definire: illas quae duobus modis decidere.

Sed in Argumento sunt multa examinanda: quae conjuncta cum aliis Thomae in his Paragraphis traditis omnino reprobanda sunt. Supponit enim Thomas Concilia per se seorsum Sumpta, id est sine auctoritate Pontificis Controversias Fidei definire: imo & eo remoto valere, & nihil ab eo soboris, aut firmitudinis accipere: quod supra impugnatum est. Ait enim Thomas. *Positâ Congregatione Conciliorum Vigor Papalis Determinationis manescit.* Concilio enim tribuitur a se non Papa, cum constet ex ijs quae supra diximus, Concilium indigere confirmatione Papae, & ab eo vigorem firmitatemque accipere. Unde apparet error Thomae nam eo Authore, Concilium non indiget approbatione, nec confirmatione Papae, quod nemo Catholicus Author probet, estque contra communem Patrum, quos citavimus, consensum. Nam si Concilium à Papa minime dependet, sequitur posse non modo inconsulto, sed etiam invito Pontifice congregari & congregatum quaecunque velit suo iudicio definire: nec erit distinctio inter Legitimum, & non legitimum Concilium, & reprehendendi erunt Patres, qui decreta, & Canones Conciliorum ad Pontificem mittebant ut ab eo confirmarentur. Præterea ne Concilij quidem Thomas

etiam Generalibus Infallibilem auctoritatem concedit. Et si enim dicat longius ab errore abesse Concilium quod ex pluribus constet, & de gravi-
oribus agat, & difficilius corrumpatur, tamen fallit illud posse affirmat, atque adeo humanam ei auctoritatem prebet: quod quàm sit a Catholica alienum doctrina, liquidò patet, non illi sup. mixtoq. con. in

Tandem quid absurdius quam maiorem auctoritatem ad controversias Fidei decidendas Clero Romano Acephalo, & et citra papæ presentiam, & assistentiam quam Pontifici Romano tribuere? quod nemo unquam ausus est dicere. Hæc enim ratione quivis Ecclesiasticus Conventus erit vel æqualis vel maioris, quam sit Papa. Authoritas nam in eo militant omnes, quas affert Thomas satis ones, cum & sint multi, & difficilius corrumpatur fallanturve. Illud mirum nullam rationem haberi à Thoma Anglo. Divina in his argumentis providentia, seu sacra minus curet Deus, qui humana tam provide administrat & regit. Momenta dumtaxat terrena expendit, & mortales caleulos ponit. Nulla mentio Gratia, nulla Auxilii, nulla luminis, nulla afflagus supernaturalis. Imò hæc omnia removet: in ut ratio naturalis in his rebus quæ supra naturam sunt, utranque paginam faciat.

Igitur ad argumentum in forma negatur Antecedens, in contrâ affirmando maiorem in Pontifice auctoritatem esse, quàm in Clero Romano, & quovis Concilio seorsum sumpto, & a Papa sepa-

gabnoituo

B b 2.

rato

rato. Ad probationem dicendum: Falsum suppo-
nere; dum ait minus exacte & inaccurate Papam
procedere, ac ejus Decretis in Causis Fidei, aut
per negligentiam, aut per corruptelam errorem pos-
se obrepere: cumque humano affectu, respective
daci, cum quid ex Cathedra nomine Christi definit:
uti nos proxima questione articulo 3. demonstra-
vimus.

Tertium, urget: Pontifex humano more stylo-
que ad definiendum procedit, qui falli et deficere
potest, ac solet: cum multi saepe examinando, &
censendo & judicando errores contingant. Igitur
determinatio quae fallibili fundamento nititur
certa, & constans esse non potest. Assumptum
probatur à Thoma Anglo his verbis: *Nulla eni-
nim possunt esse adeo expressa Bulla verba, ut fidem
faciant Papae: vel audisse, necdum audivisse se tam
vel tacite legisse.* Notum est enim plerumque ex formae
vi, nulla ex ministrorum affectu, & suggestione, non
nulla fraude, vel negligentia irripere. Quaecunque verd
sint, esse modos quibus Papales auctoritates, ne au-
diantur, ac dum corrigantur.

Ita Thomas Angelus Paragrapho suo XVII paulo
post principium: *Doleo homini, qui & esse, & vi-
deri Catholicus vult, haec argumenta excidisse:*
quae soli Haereticorum projectissimi effutissent.
Haec enim ratione argumentandi quatiens totam mo-
lem Pontificis Auctoritatis. Est enim hic Ari-
es Arte Daemonum fabricatus, ac ex Erebi Pene-
tralibus Tanariis Portis ductus ad Ecclesiam con-
cutiendam

cutiendam. Sed Porte Inferi non praevalerunt adversus eam, quanquam Epeum in Blacolo qui admoveat, invenerit. *Illoq. sup. p. 10. lib. IV. illon*

Respondeo. Modum esse humanum, nam & Pontifex & nos homines sumus: etsi tamen ille humanus sit, Providentiam esse divinam: à qua humana illa omnia ita disponuntur, ut Divinitus gubernentur: ac effectus Divinae Providentiae sequantur. Unde quemadmodum Philosophi res saepe materiales, utipote quadam vestit, quam Formalem dicunt, sub eaque subiectas illas res puriori & altiori modo considerant: ita nos morem illum, styliumque Pontificis, etsi humanum, non debemus nudè, & materiali modo considerare, sed ut subest Providentiae sumere, & ratione istà formali, vestitum expendere. Unde quanquam errores illi possint contingere spectatà materiali & nuda connexionione rerum, si tamen paulò altius oculos leverimus, & uti sub Providentia ordinantis ac disponentis Deo continguntur, intueamur, nullò sanè error potest obrepere. Cum enim constat ex scripturae quorū attulimus locis, & traditione Eusebii Pontificem non posse in Controversiis Fidei componendis & decidendis errare, ad Providentiam Dei spectat servatà rerum naturà ordinem earum seriem que disponere: ne quā error, aut vitium possit obrepere. Ac ut exemplo utar non inepto; quemadmodum consule aures si disiunctae sunt, & divisa, sparsae, ac dissolutae temere sapient, & facile confundi possunt: cum

cum autem neciuntur inter se, & copulantur,
ita sibi coherent, ut Catena totius existat, quæ
nulla vi dissolui dissiparique possit: haud sicut
illæ conditiones, & circumstantiæ styli, & mo-
ris, si re ipsa & nudè sumantur deficere & con-
fundi queunt, si autem virtute Providentiæ ap-
prehendantur, & connectantur, Seriem efficiunt
constantem & firmam, quæ nullo non modo
casu turbari, sed ne vi quidem summâ labefa-
dari frangique possit. Quam in rem commemo-
randa sunt ea, quæ articulo ultimo proxime que-
stionis diximus & aptè opinor Paradigmatè Con-
firmatorum in Gratia corroboravimus: quod nunc
rursum Blacolo fortiter opponimus. Quæ-
nim ratione Deus Sanctos, quos in Gratia con-
firmare vult, inter tot Peccandi illecebras & le-
nocinia servat illibatos, & justos removendo oc-
casiones, minuendo cupiditates, & aliis quos
ipse novit miris, & occultis, ut ait Augustinus,
modis agens ne labantur, & pereant, cum
tamen homines sint, & ex se Peccatis obnoxij,
hæc Deus Pontificem ne erraret, dirigit, & à peri-
culis errandi eximit, ac inter ea certum, & con-
stantem, cum quid est constituendum facit. Au-
thorem Perperam itaque Thomas Anglus men-
tem suam solis humanis rebus cum de Authori-
tate Pontificis agebat, addixit, nec celestia cogi-
tavit. *Non enim hoc Privilegium divinum est non hu-
manum, Dei beneficio datum, & ab ejus Gratia
profectum.*

profectum. Debuic ille cum ista scribebat vul-
tum Tollere humo, ad Cœlum convertere, & fines
rerum naturales transcendere. Ibi causas ratio-
nes quæ reperiret in Divinæ providentiæ Sinubus
penitus repositas, quibus effectum huius autori-
tatis infallibilis assignaret.

Quæ vero affert ad negandum Infallibile hoc
privilegium Thomas yfridevinocentij multa sa-
ne, quæ certa omnino, & indubitata sunt, pe-
nitius corruerunt. Nam vnde constare potest
vera Sacramenta a sacerdotibus administrari, cum
multa eorum pendeant a veritate Sacerdotij, quod
humano item more confertur, supponitque Bap-
tismus, & collatos Ordines, qui ab intentione
Ministrorum dependunt. De quâsi voluerimus du-
bitare, nihil certum & constans in Ecclesiâ repe-
rietur. Imo non modo de Authoritate Pontifi-
cis, sed etiam de Personali dignitate ambigi pote-
rit. Ecquis enim probare evidenter queat Papam
esse verè Baptizatum, & ordinatum, & Consecra-
tum? cum hæc a multis Causis humano item mo-
re agentibus pendeant? Nemo tamen hac de
re dubium movit, quod sunt quædam de quibus
non licet dubitare: et quæ Dei Providentia
non permittat. Imo ijs non obstantibus sunt gra-
vis simi Theologi qui singulos singulares que Pon-
tifices veros ac legitimos esse Pontifices ad Fidem
pertinere opinantur. Sin ambigamus de Regum,
& Magistratum Jure, & moveamus quæstionem
an ex Regio thoro sint nati? an rite instituti?

An

Ab legitime admissi & cum his omnibus spectata
 natura reorum potuerit error obrepere. Igitur si
 inopis conferatur is, qui listis exactius examinans de
 Regum jure dubitare, cum probus humana sint in-
 eptior judicetur Thomas qui levissimis illis ductus
 conjecturis Authoritatis Pontificie inobtem Ver-
 bo Dei & traditione nixam deijcere conatus est.
 Debet mihi reorum confutationem animam nisi
 confutasset locum dubitandi fecisset ei qui acci-
 peret, & ad illum converteret, Utrum Thomas
 Anglus Christianus esset? quod de eius Baptismo
 constare non possit: nam multi in eum potuerunt
 defectus vitia que obrepere. Utrum hæc omitta-
 cum hæc questio etsi ad ejus salutem multum, ad
 Christianam certe Rempublicam parum videa-
 tur interesse. Id tamen non modio critter con-
 duceret, si ille a scribendo deinceps absti-
 neret;

et sed etiam de personis de quibus agitur
 ut. Hæc enim probare evinceret quod
 esse verum Baptismum & ordinatum & consecra-
 tum & cum hæc in istis causis humanitatem in-
 re agnoscitur perferant. Non tamen hæc de
 re dubium movet, quod sunt quedam de quibus

non licet dubitare: sed quod Dei Providentia
 non periret. Insuper hæc oblationibus sunt
 virtutis in hoc mundo quod agnoscitur quod
 licet necesse ac legimus esse Pontifices ad fidem
 pertingere oportet. Sin ambigamus de Regum

& movemus questionem
 an ex Regis more hæc ratio an ite iustitiam?

ARTICULUS II.

*Alia tria ejusdem Authoris objecta
diluuntur.*

Quartum obijcitur à Thoma Anglo Paragr.
illo XVII. Sic. Hujusmodi Privilegium nul-
lum fundamentum habet, vel in Sacris Scrip-
turis vel in Sanctis Patribus, Cum enim consuetudo
antiquiorum Pontificum fuerit decreta ad alias partes
transvehenda (maxime si de rebus Fidei tractarent)
non nisi in Concilijs, vel in Confessu Cleri Romani
statuere : sed & ipse Clerus in absentia Romani Pa-
storis, vel interregno responsa reddere non distulerit :
nihil quod vel in Divinis libris vel illustribus Pa-
tribus reperitur necessariò vel de more Ecclesiastico po-
test intelligi de persona Pontificis secreta à suo Clero,
sed ut ipso, & per ipsum definiente.

Pars prima hujus Argumenti omnino falsa est:
dum negat hujusmodi Prærogativam Scripturâ &
Patribus niti. Id enim à nobis abundè, opinor,
probatum : tanto nitore locorum, tantà lucescen-
tiarum, ut Solem è mundo me iudice tollat,

qui neget. Altera pars examinanda est. Ait
Decreta Pontificum in Consis Fidei ad alias partes
transvehenda in Conciliis, vel Clero Romano statui.
 Hoc imprimis obscurum est. Nam de quibus de-
 cretis loquatur non constat. Vel enim erant quæ
 motu proprio condebat Pontifex mittebatque:
 vel erant responsa, quæ dabat super Controver-
 siis ad se missis abijs, qui alibi Concilia celebra-
 bant. Primi generis vix reperiantur ulla, nam fe-
 re semper Pontifices invitati, & consulti respon-
 debant. Alterius generis quædam erant facta
 Romæ, aut coram Papa, & inde ad alios, qui
 non moverant controversias mittebantur, quæ-
 erant absentis responsa ad controversias aliorum Et
 quidem quæ in Concilijs coram. habitis fiebant,
 constat ea in Concilio statuta: Quæ autem Res-
 ponsa ad alia Concilia continebant, etsi exijs non-
 nulla in Conuentu Romæ agitata sint, de pleris-
 que non constat in eo conventu facta: & quan-
 quam constaret, nil inde contra Papæ authorita-
 tem colligitur. Nam etsi Pontifex Clerum con-
 gregaret, ac in ea congregatione proponeret con-
 troversiam, & ab eo audiret sententias, & secun-
 dum eas decerneret, adhuc tamen integram au-
 thoritatem servabat: nam uti Caput & Pastor
 definiebat authoritate propriâ, & à Christo com-
 municatâ: & omnes alij ab ejus ore *intenti ora* sus-
 pensa tenebant: ac Decretum illud ad decidendam
 controversiam expectabant. Nisi fortè Rex cum
 ad magnum aliquid consultandum Consiliarios vo-
 cat

cat, & ijs auditis quod è Republica est decernit, subijcit se Consiliariorum iudicio, & amittit Regiam authoritatem.

Quod autem vult Thomas Anglus, ut omnino pendeat veritas Decreti a Clero Romano, eique tribuatur, falsum id est ac ineptum. Nam non tenetur Pontifex totum Congregare Clerum, sed ex ijs quos velit potest eligere imo, & nullo admisso alios viros doctos advocare, nam omnium Pastor est, & cum ijs de controversia agere. Nec illa propriè dependentia est, quæ deroget authoritari: sed necessitas quædam rationabilis iudicis humano more procedens, qui omnia per se exequi non potest, nec debet: idque ad Providentiam item spectat, ut hæc viâ examinentur Causæ, & certum de iis iudicium feratur. Hinc autem non deducitur potiores esse Cleri, aut Concilii partes: nam quod quis instrumentis ad rem conficiendam indigeat: non idcirco non est rei confectæ author. Sin dicat Thomas Anglus: Secretarios quoque Pontificis in Definitionis partem venire, quia illorum operâ Pontifex utitur; eâque indiget ad scribendum & promulgandum. Non eo hæc dico, quod Secretarios Consiliarijs æquare velim, sed ut eorum adhibito necessitatis exemplo appereat, quàm ineptè ex necessitate Thomas ad authoritatem argumentetur. Quemadmodum igitur Consultatio gravis in re Politica, etiam si sine Secretarijs perfici nequeat, Consiliariorum est tamen, ijsque tribuitur, & Decretum secundum id quod in Con-

cilio statutum est, ad regem pertinet, & refertur, ita in re Ecclesiastica, quanquam Pontifex alios adhibeat, & roget, & consulat; quod iis auditis solemniter more, ac ex Cathedra definiat, non alium, quam Pontificem Authorem habet.

Iam vero assumptum à Thoma Anglo, nimirum quod Romanus Clerus & Ecclesia ipsa Romana sit definitionis Author, non Papa, probari certe non potest: cum constet Clerum ipsum & Ecclesiam, cum quid definiendum est ad Papam, tanquam ad Caput recurrere: & ab eo Decretum expectare. Et quoniam ad Patres & Consuetudinem provocat, prope est quo refutetur. Nam superioribus quaestionibus cum Patrum & Conciliorum exempla attulimus, manifestè probavimus eos ad ipsum Pontificem Romanum litteras dedisse, non ad Clerum Romanum; neque hunc, sed Personam Papæ consuluisse. Ac licet interdum Sedis & Ecclesiae Romanae meminerint, ita tamen illius mentionem faciebant, ut sane Capitis rationem præcipuam haberent, adeo ut in corpore Caput appellarent. Et ut certum aliquid legendum proponam, recognoscat quæ dixi art. 3. q. 2. a c manifesta huiusce rei exempla inveniet. Quintam sic arguit. Hoc privilegio, inquit, violantur leges Naturæ & Gratiæ. Naturæ quoniam & Philosophia & Inductio & experientia firmat omnem particularem hominem errori & falsitati & peccato subiectum esse. Gratiæ quæque docet naturam humanam esse, & deceptioni, & peccato obnoxiam, et neque ab uno neque ab altero, nisi a Deo et falli.

fallibiliter in particulari conceptione. Absurdè semper ratiocinatur Thomas, & hic perquam absurdè. Primum enim legem naturæ vocat, quæ proprie est Lex peccati. Nam subjectum esse hominem falsitati, & peccato, non est ut ait Augustinus, *natura instituti hominis, sed pena damnati.* Itaque et si natura sumus *Fili* iræ, tamen id vitii, non naturæ effectus est: *lex ea peccati est* Authore Paulo. Post Peccatum subiiciens naturam. Deinde id non docet Philosophia, nec ratio naturalis, sed Fides. Imo Philosophi, & qui ductum rationis sequebantur, aut ignorabant Peccatum Originale uti erant Sapientes Ethnici, aut illud negabant, uti Pelagiani & Celestiani, unde utrique naturales virtutes inducebant, & naturam per se ad honestè operandum valentem ponebant: contra quos in Juliani persona libro adversus eum 4, c. 3. Augustinus argumentatur. Deinde absurdum item est dicere: legem Gratia docere, naturam humanam esse obnoxiam Peccato: cum hoc lex Peccati nos doceat, non præcisè Gratia, quæ supponit quidem legem illam, & necessitatem ex ea Gratia. Imo contra Gratia docet liberari hominem ab errore & Peccato per Gratiâ Christi. Hæc enim & docemur & sanamur, & justificamur. Præposterè igitur loquitur Thomas oppositum Gratia tribuendo. Hæc enim docet quomodo nos à Peccato & errore liberemur. Quod si Gratia tribuit cognitionem erroris & Peccati, nam hoc ad Fidem pertinet, non negari sustineri posse, sed minus ille tamen hunc

hunc sensum expressit, & ille minus haret Paulo
ajenti: *Per legem cognitio peccati. Quæ lex scripta e-*
rat Moyfi, non Gratia.

Pergit colligere Thomas Anglus. *Hi vero The-*
ologi volunt Papam regulam generali in certis articulis esse
ab errore exemptam. Et hoc absurdum est: nam

qui aliquem in certis tantum casibus ab errore ex-
imunt, non faciunt contra Regulam generalem:
nec enim hæc docet ut homo in omnibus prorsus
erret: nec jubet aut dicat semper homines erra-
re, sed erroribus esse obnoxios, atque adeo & inter-
dum errare: quod satis est ad regulam genera-

lem. Ille confudit Regulam generalem cum er-
rore Generali, & putavit perinde esse teneri regu-
lâ generali, & generaliter in omnibus errare: cum
aliud sit Regula generalis, ut nemo sit, qui ex-
emptus sit ab errore, aliud ut omnis qui non est
exemptus ab hac regula, generaliter & in omni-

bus erret. Sanè David cum dixit, *Omnis homo mendax,*
Generalem regulam proposuit, quæ personas
omnes teneret, sed non dixit *Omnem semper men-*
dacem. Unde Jacobus c. 3. Epistolæ suæ Cano-
nicæ, perinde ac illud Davidis dictum exponeret
In multis inquit offendimus omnes. Non in omnibus

nec enim Generalis regula comprehendit omnes
actus hominum, sed omnes homines. Hinc ap-
paret nihil efficere arguendo Anglum: Theolo-
gos liberantes Papam in certis articulis ab errore
contra hanc regulam facere: nam hi Theologi
non dicunt nunquam errare, aut nunquam pecca-

re: nam homo est qui utique potest, & interdum aget; sed Papam in certis casibus, nimirum cum definit controversias Fidei, non errare: idque ex Privilegio Gratiae à Deo illi, uti Pontifex est, concessio. Nec multum damus Pontifici, nam & Anglo id etiam damus, ut interdum non erret, nec peccet, cum Pontifex non sit, nec opinor futurus sit. Immo id damus veli nolit, si futurus sit Pontifex, imo quod ex cathedra definiat, minime erraturum. Quod autem addit Exemptionem ab Erroris difficultioris esse exemptionem à peccato. Expositione & castigatione indiget: nam si loquatur de errore proprio, hoc est iudicio falso intellectus, quo quis tenetur cum peccat, & quo sensu dixit Aristoteles *Omnis peccans est ignorantis* pari passu error & peccatum procedit: si autem loquatur de errore proprio, hoc est iudicio falso intellectus, circa veritatem doctrinae, falsum omnino est quod ait. *Facilius exiit homines ab errore, quam à peccato*: cum saepe videamus multos qui Sapientissimi sunt & optimam doctrinam tradunt, magnos Peccatores esse: quin & cum incorrupta Fide pravi mores plerumque consistunt. Sanè Pharisei bene docebant, & male vivebant. Facilius errores intellectus, quam vitia voluntatis vitantur, citius multo scientiae discuntur quam virtutes comparantur. Dicunt ergo Theologi cum quibus ego sentio: Papam & hominem & Peccatorem esse.

esse: & uti hominem, errare interdum, & saepe
 peccare non dubitamus: nam qui homo est nihil
 ab eo humani alienum putamus. Sed dicimus
 tamen Eusebii & aliorum licentibus videlicet quoniam
 fas est Fidei tractat, & iudicat pro invenerit suorum
 que tanquam Pontifex decidit lex Cathedra nec
 errare, nec errare posse, idque ex Privilegio à Chris-
 to concessum quod exemplo Confirmatorum in
 Gratia hominum suaderit, eaque ratione quia istos
 peccato etiam privatos, illos non uti privatos, sed
 uti Pontifices, ab errore liberos esse affirmamus.
 Unum inter alia à Blacolo dicta ferre non possum.
 Hoc Privilegium esse contra legem Gratiae: cum illud
 singulari Gratia & Beneficio Dei illud accipiat Pon-
 tifex. An erit contra Leges Gratiae, quod ipsum
 Gratia est? Sed Blacolus idcirco leges in Gratia
 novit, eamque legibus addixit: cum Gratia
 (quod liberum sit Dei, & gratuitum donum) à le-
 gum vinculis liberetur. Quin imo si alligetur vin-
 culis Gratia esse desinet. *Nulla enim est Gratia*
 Sextum argumentum format ex Erroribus Pon-
 tificum: quos errasse contendit: nec excusatio-
 nes admittit; sed omne effugium praecludit,
 atque adeo eos inter se discrepare a ceteris aliis dis-
 crepando, contradixisse affirmat. Et eandem
 statuit Personam Papae Heresim promulgare posse. Hac
 ratione argumentantur Heterodoxi, ex quo novi-
 tates haereticas in Ecclesiam invexerunt. Uti ap-
 paret ex disputationibus cum iis Cajetani, Tur-
 rectemata Perronij, Bellarmini, Rossensis, Cani,
 Valentiae

Valentiz, Maldonati, Castillii, Salazarii,
 Agydij, Becani, Suarii, Celotij, Davenportij, a
 pud quos eadem momenta argumentorum ponun-
 tur, & aut integrè aut ex parte confutantur. Quatu-
 or a ffero qui exactissime Errores eos, qui Pontifici-
 bus assignantur enumerant, & excusant, Osium con-
 tra Brentium. Bellarminum lib. 4. de Summo Pon-
 tifice. Albertum Pighium lib. 4. Ecclesiast. Hier.
 c. 8. & Canum de locis. lib. 6. adeo, ut Becanus,
 & Suarez Heterodoxis eos sibi opponentibus ex
 instituto respondere noluerint, quod abunde ab
 iis authoribus esset satisfactum. Et vero quoni-
 am Thomas Anglus obiter tantum, & quasi Canis
 è Nilo Errantes Pontifices commemorat, volo
 cum suis inlequi vestigijs, & uno objecto
 Suario ecce toto Nilo obruere: quod ab eo
 dictum est, à me sibi Thomas responsum putet.
 Nam eam prius apud me responfionem formave-
 ram. Igitur Suarius tomo Defensionis contra Re-
 gem Angliæ. lib. 1. c. 6. n. 14. Sic, Maxime obijcere
 solent Hæretici lapsus quosdam & errata aliquorum
 Pontificum Romanorum vel in Personis eorum, vel in
 doctrina. Hoc agit in suo Parag. 17. Thomas An-
 glus. Respondet objectioni Suarius. *Recepta distin-*
ctio præ oculis habenda est de Pontifice vel credente,
ut est privata persona, vel docente, ut Pontifex est.
Ad illum enim posteriore modo spectatum dicimus per-
tinere Christi promissionem: nam hoc modo est Petra,
à cuius firmitate pendet in suo genere firmitas Eccle-
sia. Hoc autem modo nullum vestigium hæresis osten-
diunt

dum Heretici in tota summorum Pontificum successione. Et postea. Gratiā vitandi controversiam facile damus non esse necessarium promissionem Christi ad personam Pontificis, ut est unus ex privatis credentibus extendere. Porgit n. 16. De erroribus qui Pontificibus tribuuntur, breviter dicimus, aliud esse loqui de Decretis Pontificum, quatenus per ea aliquid definiunt, vel approbant tanquam credendum, vel observandum ab universa Ecclesia: aliud de privatis sententis opinionibus aut rationibus Pontificum. In presenti enim de prioribus Decretis tractamus, & in eis nullum falsum dogma invenitur, quod per modum definitionis ab ijs traditum sit, & Ecclesie ad credendum propositum, ut facile intelliget quicumque legerit ea qua Authores allegati (id est, Bellarminus & Osius) & Canis lib. 6. de locis c. 5. & 8. latius prosequuntur. In privatis autem sententijs & opinionibus, vel etiam in rationibus quibus interdum utuntur, sicut non oportet esse Fidei certitudinem, ita neque infallibilem veritatem. Hæc Suarius: cui subscribo. Ut autem constet quando Pontifex loquatur ex Cathedra: Ejusque Decreta vim illam irrefragabilis authoritatis obtineant, certam rationem judicandi & formulam decernendi & solennitatem promulgandi excogitarunt Pontifices, nequis definitionum pondus aut ignoraret, aut cognitum eluderet. Ecquis autem hic modus sit superiori tractatu ad sectionem 9. Flatu 9. indicavimus ex Vasquio: cujus locum, qui nitidus, & illustris est, afferre volo, & duos hos Principes nostræ ætatis Theologos meæ sententiæ Patronos adhibere.

Vasquius ergo tomo 2. in 1. 2. D. Thomæ. disp. 155. c. 2. n. 15. *Observant Pontifices Summi in Curia Romana, ut nondum intelligantur locuti de Sede Petri tanquam Judices & Pontifices in legibus & Canonibus ferendis, etiamsi eos imprimi faciant, donec ad valvas Basilicæ Principis Apostolorum de urbe Cancellaria Apostolica & in acie Campi Floræ solenniter publicentur, & exemplar unum legis in Columna illius campi, & aliud ad valvas Petri per aliquantulum temporis affigatur. Quod autem hoc modo Prolatæ ac propositæ Bullæ infallibilem auctoritatem habeant, ibidem fatetur Vasquez expendens Constitutiones Pij v. & Gregorii XIII. contra Propositiones Michaelis Baij.*

Quod attinet quæstionem, An Papa possit Hæresim incurrere, et ob eam deponi? non est meum hoc loco ventilare. De ea consulendi Authores Proximè citati. Illud maneat utcumque res se habeat, non posse Pontificem solenni more ac ex Cathedra docere Hæresim, nec eam promulgare, quod ausus est Thomas Anglus dicere. Qui error (nam mihi constat esse Errorem) cujusmodi sit, & qua Censura afficiendus, suo proxime loco docebimus. Nunc enim id tantum agimus, ut objecta Thomæ Angli nullius momenti esse monstremus.

ARTICULUS III.

*Proponitur Invektiva Thomæ Angli
adversus sententiam de Authori-
tate Pontificis à nobis tra-
ditam, eaque ex-
penditur*

Ariter ac vehementer insectantur Hetero-
doxi propositam & expositam hactenus do-
ctrinam. Solent enim, ut animi impotentes,
& lingue intemperantes, adversus hanc sententiam
laxare frenos petulantiz, & omne maledicto-
rum genus effundere; & quod ratione convince-
re nequeunt convitijs volunt obruere. Doleo sanè,
doleo, quod vir Catholicus Thomas Anglus co-
rum insitens vestigia, eadem uti maluerit lingue
procacitate, quam re serio expensâ iudicium
Fidei accommodare suum, & rectè calculum pone-
re: vel saltem modestiæ Catholica (sic de illa judi-
co) sententia discrepare. Verum enim vero tam
longe abest à vero, ut non contentus errare veram
pu-

puramque doctrinam diris devoveat, & petulanti
linguâ proscindat: adeo ut vix Heterodoxum in-
venias, qui vehementius in illam & procacius inve-
hatur. Miror sanè hominem minimè disertum,
in dicendo jejunum, præter morem repentè exube-
rasse, & exaggeratione verborum ad audaces hy-
perboles excurrisse. Et quanquam Eloquens ob ari-
dum, & implexum stylum esse non possit, id tamen
maledicendo affecutus, ut loquentiæ plurimum ha-
buisset videretur. Legat qui volet Paragraphum 22
à medio ad finem, & mirabitur intemperantem ho-
minis orationem.

Igitur sententiam, quæ tribuit Concilio, vel Papæ ir-
refragabilem et infallibilem ex Afflatu Assistentis
Spiritus Sancti Authoritatem, quæ maximè Catho-
lica est, uti hactenus demonstravimus, detestatur,
tanquam *hæreticam, & Archihæreticam, & omni at-
rocissimo crimine perniciosiorem*. Rationem autem
affert, quod *Clarnus, inquit, est, eo ipso Theologum tam
docentem subijcere totam Ecclesiam cuilibet errori
pro Fide suscipiendo, quem Concilium, vel Papa
modo illegitimo proposuerit*. Ubi supponit Concili-
um & Papam errare definiendo posse. Idque ex-
ecratur, cum amplecti deberet. Execrationes pa-
tent. Sed aliquas produco. *Quodcumque aliud cri-
men vel scelus longe minus & inferius est propagatione
talis doctrinæ. Cujusmodi autem scelera sint horreo
commemorare, sed ille non horruit dicere. Dico
Incendia templorum, violationem sacrarum virginum,*
super

super aras, conculcationem venerandi Corporis Christi, tandem immissionem Turcæ, vel Anti-Christi in regiones Christianas. Deum Immortalem! quid audio? quis loquitur? Certè existimo, ne Turcam quidem tam malè, Antichristum pejor loqui non potuisse. Vx itaque Osio, Bellarmino, Pighio, Roffensi, Cano, Becano, Suario, Vasquio, Maldonato, Cæterisque Catholicis authoribus, piis, opinor, & Sanctis viris, qui se tanto scelere conspurcaverunt. Vx misero mihi qui cum iis sentio ac ejusdem criminis societate polluo. Parce precor Thoma,

Parce pios maculare viros, non hoc tibi Roma.

Esse impune feret: minus est quod perfidus audeat Hæreticus.

Nec ullus ex ijs unquam tam atrox in eam, quam maxime oderunt sententiam, maledictum coniecit. Nec ausus est simile quicquam nec potuit. Cælum hoc & conscia sydera testor. Cerberus ille latratu qui Regna horrenda trifauci Personat, hæc, si loqui posset, haud eructaret. Hoc tu Thoma non in studijs sed à Furijs didicisti. Turbo hic verborum an Typho à Tanaro ejectus gravem Mephytim exhalat. Progreditur Thomas Anglus. Propagatio talis doctrina ex natura sua ex ipso animo exvellit ipsi Ecclesie Universali fundamenta omnia salutis. Imo Ecclesia supra hanc petram fundata firma consistit: quam Christus pro-

pro fundamento jecit. Thomas Anglus conatur convellere: & ad partes Inferorum concutiendo transire: sed non prævalebit. Ineptissime agit dum vult doctrinam, quæ Ecclesiæ Antidotum est *veneno* comparare: Araneo deterior est, qui non ex Flore solum, sed ex Antidoto virus elicit. Ergo Christus hanc propinans Sponsæ suæ Ecclesiæ doctrinam Poculum dedit veneno diluto mortiferum, & Massanissæ ac Sophonisbæ Paradigma Tragicum repræsentavit. Apagè cum isto Potirio, vel Delirio. Ex hac Ferali & plusquam Thyestæa mensa ad Cathedram Pestilentiæ Thomas gradum facit, & teterrimum fætorem inhalat, dum pronuntiat ad finem Paragraphi 22. *Opinionem hanc Infallibilis auctoritatis Pontificiæ non posse non esse Hæreticam, vel potius Archihæreticam: & ex natura rei matrem & matricem infinitorum, & Spurcissimorum errorum: & ex Theologorum Scriptis ferro & igni exterminandam, non argumentis revincendam, quia nullum habet, nec habere potest fundamentum.*

Ubi sumus? ubi consistimus? in Scythia ne, an in Hyrcania? Puto in monte ipso Chimæræ nos versari, & meram Chimæram audire. Ecquis unquam Paradoxon aliquod incredibile tam atrociter taxavit? Itane de sententia Catholica Thomas censet? quæ etsi minus vera esset, mitius accipienda propter Pietatem esset, & quod Romanæ Auctoritati favet, tuenda. Cur ea hæretica erit, quam maxime Hæretici detestantur, & Catholici

ample-

amplectuntur? Cur Archihæretica, quæ præcipuum Hæreseon Caput jugulat? Cur Mater errorum, quæ Matri Ecclesiæ Romanæ honorem detestatur? Cur Matrix Spurcissima, quæ integram Papæ & illibatam auctoritatem asserit, nec contaminari sinit, vel levi suspitione erroris? Cur tanquam Hydra ferro & igni excindenda, quæ Caput Ecclesiæ tuetur, & protegit & Clavâ veritatis emergentia ex Hydra Hæretica Caput contundit? & ignis Charitatis exurit? Certè nemo Catholicorum oppositam sententiam, tam est acriter, & vehementer infestatus, imò ne Hæreticorum quidem nostram hanc Catholicam ac sibi invisam tantâ vi & petulantia execratus est. Observo enim Hæreticos plerunque cum Pontificis Romani potestatem, & auctoritatem impugnant, non tam iracundè, & contumeliosè eam exagitare, quam lepidè & facetè irridere: acuti sanè homines, & vassi, qui ne videantur odio & rabie duci, ac eo se nomine suspectos reddere, animum ad tranquillitatem componunt, & ridentium speciem præbent; ac eo furo legentibus imponunt. Deinde quoddam eloquentiam profitentur, & Rhetorices præcepta callent, petulantiam castigant, & procacitati moderantur, ne intemperanti oratione aures obtundant, animosque offendant. Infelix Blaculus, qui ne acutè quidem errare novit, & errori inertiam addidit: ac in errando modum non tenuit, & cum utranque laudem Dialectici & Rhetorici hominis affectet, nec Dialecticum acumen, nec Rhetoricum lumen affecutus

affectus est: Itaque & rudis in disputando, & indisertus in dicendo apparuit. Solâ armatus iracundia processit in aciem, & vires prodigiosa iactatione effundens vanis ictibus aëra verberavit.

Juvat hic, Causas inquirere hujusce, qua Thomas Anglus utitur, iracundia, rabieque incredibilis. Non solet temere de quoquam ac male suspicari, nec in alienos mores nedum cogitationes inquirere, nil quippe est ab ingenio meo alienius, adeo ut nulla mihi minus probetur. Numinum Fabula, quam Momi omnia curiosè scrutantis, & anxie inquirentis, & acerbè reprehendentis. Sed non possum tamen, nec debeo, cujus manifesta iudicia extant, ea præterire, & eorum causas rationesque cum ad rem faciunt contemnere. Quare cum videam Thomam Anglum tantâ vi oppugnare Auctoritatem Pontificis, tam eam impatienter ferre, & tot impatientiæ suæ signa proferre: & magni, opinor, referat ad causam fontes hujusce iracundia, imo & furoris tenere, nolo aut obtusus non inspicendo, aut negligens prætereundo videri: cum præsertim haud dubia extent illius intemperantiæ in hisce Paragraphis scripta vestigia. Igitur Thomas Anglus cum sit ingenio projecto & opinioso temereque multa & affirmet, et neget, quæ ut mollior dicam) præter communem Ecclesiæ sensum sunt: & suspicionis plena, ac errori proxima, quorum nonnulla in lucem didit, alia edenda sunt timens sibi à Censura Summi Pontificis, quam multi viri pii & graves illi quotidie minantur, vult

a auctoritate qua metuit, oppugnare, ne quis eam
 ab eis damnatis erroribus vindicta suorum, existimet iuste
 patiuisse damnari atque audeo nemo ab ejus doctrina
 abstineat. Quod inde deduco, quod Paragrapho 20.
 ait. *Ponet itaque manus suas super confessionem* quia
sententiam Romae datam, non contentus, neque ad
obedientiam premere, Fidei subjectionem fugiat: &
severissimam indignissimamque servilem Ecclesie
ipsius terribilibus imponere audeat. Hinc illa lacrymet
 quat renovat reliqua parte libelli disticens de rati-
 one modoque Censendi: & in appendice adver-
 sus Censuram meam composita, in qua mecum ex-
 postulat, quod Constitutionem Sanctissimi Patris
 Nostri Innocentij condemnantem quinque propo-
 sitiones Jansenij defenderim & coluerim: quas
 ille tamen adversus Decretum justum & solemne
 proterve rursus, neglecta Pontificia auctoritate:
 quemadmodum proximo tractatu ostendi. Unde
 cum duobus modis Errores condemnantur, & Con-
 cillii Canone, & Pontificis Decreto, utriusque vir-
 tutem infirmat, negans infallibilitatem Concilio-
 rum & Pontificum: imo & sententiam affirman-
 tem, non modo heresim vocat, sed omni hæresi
 perniciosiorem dicit, ut ab ea imperitorum vulgus
 deterreat.

Qua in re illud vehementer doleo: eo impo-
 tenti animi esse provectum, ut quod terribilium
 & indignissimum de summo Pontifice Cathedram
 Christi insidente audacissimi Hæretici pronuntia-
 rint. *Ecclesiæ illius supra omnia quod dicitur Deus:*
 quo

quo ei Antichristi personam imposuerunt : id ille
ad Concilia, & Papæ authoritatem impugnandam
impie converterit. At enim eodem Paragrapho,
ante ponens omnibus Hæresibus huiusmodi infra-
gibilis virtutem authoritatis attributam Conciliis
& Pontificibus, perinde ac multò deterior esset:
*Sed et comparo, inquit, regule Fidei Corruptionem
per hæreticos, & hanc quæ per Concilia, vel Papæ Erec-
tionem supra omne quod dicitur Deus, Ecclesie accidit, et
video comparationem esse qualis ulceris in cute, ad a-
liud in ipsa viscera erumpens.* Ecce authoritatem
Definiendi controversias Fidei quâ utuntur Con-
cilia & Papæ dicit Erectionem supra omne quod dicitur
Deus : quæ Antichristo à Christo tribuitur &
Hæretici impudentissimi Papæ attribuunt. Tho-
mas autem Anglus ad Concilia quoque extendit.
Huc perduxit illa formido Censuræ, quæ ex super-
bia & impotentia nascitur Thomam, Anglum, quò
sola Hæretica (cùm maxime projecta) processit
audacia.

Nullum sanè perniciosius hærescos genus est,
quàm quod Authoritatem Capitis Ecclesie & Con-
cilii negat. Nam etsi alie sint ob materiem gra-
viores, puta, Arii, Macedonij, Eutychetis, Dioscori,
Pelagij, Berengarij qui præcipua Fidei mysteria
oppugnarunt; facilius tamen corrigi poterant, quod
locum superiori Authoritati relinquebant; cui cum
se obnoxios efficerent, minus erat periculi in erro-
re perseverandi, & alios corrumpendi. At quæ

superiorem in Ecclesia potestatem negat, etsi minus graviter, certe periculosius errat, cum omnino spem & viam præcidat correctionis. Unde impune grassabitur, ac liberius se latiusque effundet: nec poterit à quopiam coerceri.

Hæc mens furialis Lutheri fuit, qui cum esset vanissimus, seque in prærogativa evulgandi in publicis concionibus indulgentias præteritum vidisset, injuriæ impotens in easdem debacchari cepit, & Pontificis potestati detrabere. Cumque alios nefarios errores agitare animo, et timeret, ne à Pontifice & Romana Ecclesia coerceretur, decrevit ejus authoritatem potestatemque penitus convellere.

Hæc arte cuncta profana & sacra miscere se posse putavit, ac res uti cogitavit, irà processit: nam eo timore quasi freno abjecto in omne errorum & viciarum genus præceps iit. Quam secuti alii Novatores, sine formidine, sine pudore, sine lege in Christianam sunt Rempub. debacchari. Tantum proceperunt audacia, ut cum à temporibus Apostolorum ad Augustinum (quadringentorum paulo plus annorum spatium est) hæreses nonaginta eo ipso teste, numerentur, & ab eo ad Lutherum centum octoginta una, authore Sanderò, recenscantur, à Luthero qui Anno 1517. deficit ab Ecclesia, ad Annum 1595. ducenta commemorentur, quæ ad hunc præsentem quo scribo 1654. annum adeo creverunt, ut vix finiri numerus earum

earum possit. Venit hic mihi in mentem loci Epi-
 phani, qui rem continet expressam, quem
 volo adducere, ut in eo lector videat hæreseos
 nostrorum temporum spirantem imaginem. Mon-
 struose Poetæ confuserunt Centimanum Briareum
 quem etiam Egeonem, aut Gygem, aut Argum illum
 multis oculis præditum vocarunt: sic omnes huius tem-
 poris hæretici, in corpus centum capita habens se ip-
 sos efformarunt: & quilibet horum cupiens sibi ipsi
 Principatum constituere, caput nominavit se ipsum, ali-
 am introducens præter præceptorum suorum vanum La-
 borem furiosam doctrinam.

Omnia præter numerum quadrant in Gyge:
 nam hic Cælum aggressus, Superis quod hæresis
 facit, bellum intulit, sed ille brachia centum dudi-
 raxat expediebat, cum

Tot paribus streperet elypeis, tot stringeret enses.

At Hæresis immanior Gigas trecenta exerit Ca-
 pita Læneo fatu numero major, feritate par; Argus
 et si feritatem minuit numerum æquat: sed hic in-
 nocuis oculis vigil, illa nocentibus fascinatrix: nam
 quos Mater Ecclesia Pascit,

—Teneros oculis hæc fascinat Agnus,

Nec est Mercurius qui occidat, aut Ulysses qui
 lumina effodiat. Illud in rem natum. Quilibet cu-
 piens sibi principatum constituere, Caput nominavit se
 ipsum

ipsum. Nam ideo à capite disciverunt, ut capita
esse possent, audaci studio, eventum monstroso, suc-
cessu infelici: tot enim Portenta quod capita, et si
veritas Crania, cerebro vacuata. His similis esse ma-
luit Thomas Angelus Cacangelicis hominibus, quam
Thome Angelico Doctori, quo nemo Religiosior
Pontificis Dignitatis cultor: potestatis assertor:
Authoritatis viadex: uti constat ex iis quæ docet
2. 2. q. 102. 12. & opusc. 1. & quodl. 9. 2. 16. ubi
sic apte Angelus ad Anglum. *Magis est standum sen-
tentie Papæ quam in iudicio præfert, quam quorum-
cunque Sapientium hominum in scripturæ opinioni; cum
Cæphæ querit æquum, tamen quia Pontifex legitur
etiam impius præbuisse.* Disceat hinc Anglus non
solum Authoritatem Pontificis fateri, quod senten-
tia docet, sed etiam de Assistentia spiritus sancti in
Cathedra afflantis, quod suadet exemplum mini-
medubitare.

QUEST.

QUEST. V.

Censoria.

ARTICULUS I.

*An & quis sit error negare hanc Pre-
rogativam authoritatis, & qui
circa eam Thomas Anglicus
erravit?*

Graviter & verè D. Thomas opus i. circa
finem. Subesse inquit, Pontifici est de necessitate
Salutis. Id que ex tota ratiocinatione pri-
mæ & secundæ quæstionis nostra manifestè apparet.
Sed cum duplex sit subjectionis genus, & ratione
potestatis, & Authoritatis, ac de prima constet in-
ter Catholicos, de secunda querendum, Utrum
necesse sit in controversijs, & causis Fidei Pontifici
Definienti credere? loquor autem de solenni de-
finitione

finitione ex Cathedra: quæ propria quæstio est. In
 qua profiteor me sincere incorruptæque meum
 prolatum esse iudicium, nullo sane perverso af-
 fectu occupatum. Et quoniam video Heterodoxos
 dicere solere, qui Papæ dignitatem, & authorita-
 tem tuentur, eos assentandi, & ambiendi gratiâ id
 efficere, nec quid sentiant candidè, quod sint can-
 didati, sed fidè proferre, testor Deum me solo stu-
 dio veritatis, non aut assentationis, aut ambitio-
 nis quicquid dixerò, non compositum apud me &
 affectatum, sed ratione duce inventum perspectum-
 que affere: ac inscribendo ingenuum, candidum
 fore, non obnoxium, & candidatum. Si inter
 eos qui me norunt loquerer, id opinor, facillè per-
 suaderem, sciunt enim me verum & amare & di-
 cere, ingenio libero esse, magnasque sæpe & gra-
 ves pro libertate tuenda iudicij contentiones sus-
 cepisse. A sede autem Apostolica nihil om-
 nino accepi, nec spero accipere, nec ei quicquam
 præter amorem & obsequium debet: nec spes in-
 anes fovere soleo quibus duci nec natura, nec
 mens mea, nec institute vitæ rationes, nec ætas, nec
 per illius gradus sociæ semper calamitates patiun-
 tur. Hoc sciat quicumque mea legere scripta vo-
 let, unam mihi propositam fuisse veritatem, non
 ornatam aut fucatam, sed incomptam & nuda-
 tam: adeo ut cum pulchra sit, sæpe in ea deformi-
 tatem desiderem, ne videar amare pul-
 chritudinem, cum non amem nisi veritatem:
 itaque cum deformem invehire nequeam, quæro
 non autem desor-

deformatam, ut amare possim incorruptius, & ardentius. Ita me Deus amet, ut si intelligerem Pontifici non inesse prerogativam infallibilis auctoritatis, eam libere & constanter negarem: quod si ob id Cœlum in me illaberetur: *Impavidum premerent ruina.*

Hoc animadverso censeo: qui absolute neget infallibilem esse Papæ de sede Petri, ac (ut aiunt ex cathedra) Definitis Authoritatem: ac Definitis non credat, cum haud dubie errare in Fide, & si in errore obstinatus perseveret, Hæreticum fore. Hoc ego demonstratione persuadeo. D. Petrus uti Caput & Pastor Ecclesiæ hujusmodi à Christo Domino Privilegium pro se ac successoribus accepit: Papæ sunt legitimi Successores Petri, ergo idem succedendo in Cathedram privilegium acceperunt. Patent Omnes Propositiones. Major est certa & de Fide, uti prima & secunda quæstione probavimus. Minor est indubitata, & cum Ecclesiæ tota eos Papas agnoscit & recipit, omnino de Fide: consequentiæ non potest non esse de Fide, non ex vi illationis, sed contentæ in illata consequentiæ veritatis: nec video quid amplius desiderari possit. Me certe argumentum convincit: nec dubito quin illud iusta demonstratio sit. Ac nolo meo tantum in re tam gravi uti iudicio. Igitur Magnus Theologus Melchior Canus lib. 6. de locis c. 7. in eadem ante me sententia fuit. Eam ibi late ac perspicue tradit. Delibo sententias. Incipit. *Romanum Pontificem in Petri locum, fidem, auctori-*

thoritatemque succedere Ecclesia ab Apostolorum tem-
 pore semper agnovit. Et paulo post. Cum Concilia Pro-
 vincialia & Generalia sine Romani Pontificis autho-
 ritate nonnunquam erraverint: nunquam autem si Ro-
 mani Episcopi auctoritate firmata sunt: satis persua-
 sum esse debet Conciliorum, atque adeo totius Ecclesie
 firmitatem à Romano Pontifice derivari. Tum pro-
 priè ad quæstionem. *Quæris. Eritne Hæreticum asserere*
Romanam Ecclesiam degenerare ut ceteras posse, &
Apostolicam etiam Sedem à Fide posse Christi deficere?
 Aitque modeste: Respondemus. Nolumus hic nos
 Ecclesie sententiam prævenire, sed si ad Generale Con-
 cilium referatur, Hæreseos nota illi inuretur. Et
 infra. *Quamquam non videor antevertere, cum jam ip-*
sius Ecclesie sermo nostram omnem comprobarit de Ro-
manæ Sedis auctoritate sententiam. Ac omnino
 ad convincendum Thomæ Angli errorem adjun-
 git præclare. *Illud assero, ac fidenter quidem assero,*
pestem eos Ecclesie ac perniciem asserre, qui aut negant
Romanum Pontificem Petro in Fidei doctrinaque au-
thoritate succedere: aut certe asserunt Summum Ec-
clesie Pastorem, quicumque tandem ille sit, errare in
Fidei iudicio posse. En, quod Blacolus supra falsò
 contra Catholicam sententiam affirmantem Papæ
 auctoritatem dixerat, Canus denegante dicit, Uter
 melius? iudicet Lector. Norit autem Blacolus se
 Cano contradicere, haud paulo opinor, doctiori.
 Audiat, ut sciat quibuscum sentiat. *Utrumque,*
inquit Hæretici faciunt: & cum ijs Blacolus, qui ne-
gat succedere Petro in auctoritatis privilegio, &
 affirmat

affirmat errare in ea Sede Pontificem. Pergo cum Cano. *Qui vero illis, in utroque repugnant, hi in Ecclesia Catholici habentur.* His ego accedo, qui Blacolo non assentior. Itaque iudicio Cani, Thomas cum Hæreticis, ego cum Catholicis sentio, quibuscum etiam idem Cano sentit. Idem Bellarminus, idem Hosius idem Stapletonus, idem Roffensis, idem Becanus, & controversiarum cum Heterodoxis Authores: idem Theologi cum Divo Thoma 2. 2. q. 1. a. 10. unanimi ferme omnes consensu tradunt. Ex quibus placet Suarium summum virum citare tomo Defensionis Fidei. lib. 1. a. c. 6. & lib. 3. c. 18. ac præcipue c. 1. lib. 1. ubi sic: *Verissimum inquit est Definitionem Pontificis ex Cathedra loquentis infallibilem veritatem continere, omnesque Fideles teneri, ad illam firmiter credendam.* Et objectioni Thomæ Angli occurrit: qui in Ecclesiam illud Privilegium confert: ait enim, *Cum Pontifex definit, Ecclesia per Caput suum loquitur.* Contrariam autem sententiam Hæreticis attribuit & condemnat. Eadem est Celotij, lib. 4. de Hierarch. Jurisdic. c. 10. ubi exacte describit quid sit ex Cathedra loqui. Atque ut Anglum Anglo Thomæ amicum doctissimum Authorem opponam, produco P. Franciscum à Sancta Clara Exprovincialem ejusdem Angliæ, Instituti mei, qui in suo systemate Fidei 28. n. 6. ita: *Gravissimi inquit Doctores tenent sententiam Summi Pontificis, observatis scilicet observandis, seu præmissa debita conquisitione pronuntiatam, & toti mundo, non hoc vel illo*

illo loco propositum, Fidenter gerere. Et si non dubio est
 opinio suavis probabilis, nullo videtur esse ferè certa,
 adeo ut si quam audierim, qui huiusmodi Pontificis De-
 cretiones tunc non haberem suspectum. Mollius
 aliquanto censeo, sed non patitur contrà sentire.
 Credo minime pati illum, audacem Thomæ Angli
 epistationem, qui non modo contrà sentit, verum
 etiam sibi contradicentes condemnat. Quo fit, ut
 omnino sit Theologiæ Princeps D. Thomas
 condemnandus: qui 2. 2. q. 1. a. 10. et q. 3. a. 11.
 Paragrapho, ad Tertium, ubi dicit, Quod autho-
 ritas Ecclesiæ universalis principaliter residet in Sum-
 mo Pontifice. At vero q. 1. a. 10. affirmat: ad ejus
 auctoritatem pertinere finaliter determinare ea,
 quæ sunt Fidei, ut ab omnibus inconcussa Fide tene-
 antur.

Non igitur iudicium illud meum quisquam tax-
 et, cum Catholicum sit: nec putet me, qui in cen-
 sendo mitissimus esse soleo, ingenij mei oblitum
 esse. Cato esse tertius nollem, ac nescio quo fato ex
 duobus, minus Censorium quàm Uticensem amo.
 Siquis tamen mihi duritiem calculi impingit, legat
 Annatum egregium Theologum contra Baianos.
 lib. 3. c. 5. & Antoninum Moraines, sive Martino-
 num in suo Antijansenio d. 39. sect. 6. qui in eos
 qui Pontificis Decretis à sede Romana profectis
 non obediunt, multo vehementius quàm ego in
 Blacolum invehuntur. Et quidem hic cum hereti-
 cis prorsus consentit, nam quæ affert ad convellen-
 dam Papæ auctoritatem argumenta, ab Hereticis
 sumpta

sumpta recoxit, & obijcit, quemadmodum videre est in Armbio, & Gardio, & Marco Antonio de Dominis, alios antiquiores nominem Lutherum ne & Calvinum qui virulento halitu, Spiritus Sancti in Petri Cathedram afflatum distantes, terribilissimam hæreseos pestem in Ecclesiam invexerunt. Et quoniam Gardij & Marci Antonij argumenta sunt apud Becanum & proposita, & soluta: opus non est ea producere.

Arminij tantum propono, ut appareat in eandem sententiam, & rationes cum Blacolo convenire, & cum idem sit Arminij cum reliquis hæreticis sensus, (nam omnes adversus Papam consentiunt) si cum Arminio conveniat Blacolo, necesse esse eum cum omnibus hæreticis consentire. Igitur Arminius orat. de componendo Religionis diffidio improbat modum Ecclesie Romanæ quo ad controversias Fidei tollendas *Papæ* judicio utitur, & vanum eum dicit, & irridet, quod omnino fallibilis sit: & in Scripturis minime contineatur. Id ipsum Thomas Angli in his Paragraphis placitum est. Rursum in Disput. privatis Arminius Thesi 55. postquam de Potestate Dogmatum tradendorum hæresim suam tradidit: in Corollario ita, *Commentum est, inquit, Pontificiorum de Spiritu Sancto sic assistente Ecclesia, ut in judicio de authenticis Scriptis faciendis, & rectâ sensuum Divinorum interpretatione errare non possit.* Hoc ipsum Thomas Anglus sensit de Assistente Spiritu Sancto, imo & id *Commentum* dicit *Moderatorum*, initio Parag. 17. ut ne verbis quidem ab Arminio

minio discordet. Tertius locus est in Arminio. Disput. publicâ XXI. Paragr. 16. in quo suam magis explicat, & Catholicam improbat sententiam: qui rem omnino continet: in eo enim audias loquentem Thomam Anglum. *Accedit, inquit, hæresis alia, & ipsa principio Fidei adversa, quâ Pontifex Romanus totius in terris Ecclesiæ Princeps, Caput, Sponsus, Universalis Episcopus, & Pastor constituitur, qui omnem scientiam veritatis in scrinio pectoris sui possidet, perpetuam habet Spiritus Sancti assistentiam, ita ut errare in præscribendo, quæ Fidem & Cultum Divinum concernunt, non possit, qui Spiritus ille homo est, qui omnes, & omnia judicat ipse à nemine judicandus, cui omnes Christi Fideles de necessitate salutis subesse oportet: cujus decretis & præceptis non secus, quam ipsius Dei & Christi simplicis Fide & cæca obedientiâ assentiri, & obsequi quæquam Christianum decet. Et Addit.*

*Et hoc est alterum Regni Antichristiani fundamentum ex adverso oppositum fundamento Regni Christi. Sanè cum Arminium antea legissem, & postea in hoc opusculum Thomæ Angli incidissem, judicavi geminos esse ambos sentiendo, etsi loquendo diversi, quod Arminius elegantius dixisset. Itaque sensu pares, eloquentiâ dispares esse. Utrique Anti-Christi comparatio placuit. Nisi quod clarius eâ usus Arminius: obscurius Thomas, dum illud jecit *Papæ erectionem supra omne quod dicitur Deus*, quod de Antichristo 2. ad Thessalon. Epist. cap. 2. Paulus haud dubiè dixit: uterque autem*
Thomas

Thomas & Arminius eundem locum Summo Pontifici Romano authoritatem Infallibilem virtute Cathedræ profitenti, objecit. Quo spiritu viderit Thomas, Arminius certè acatholico, & hæretico.

Si quis cum Gardio Thomam, & Marco Antonio de Dominis comparare velit Becani locos citabo, & cum jam Thomæ exhibuerim, haud difficile erit consensionem inter se omnium deprehendere. Igitur quid Gardius sentiat, habet Becanus tom. 5. Controvers. in Apologia pro iudice controvers. Argumento 8. quod iisdem rationibus, quas affert Anglus, qui exploret, constare videbit. Marci Antonii hæresim proponit eodem tomo. l. 2. de Repub. Ecclesiastica. Unde patet sententiam Thomæ Angli negantem infallibilem Papæ authoritatem hæreticorum esse: non Catholicorum, atque adeo erroneam & suspectam saltem hæreseos esse habendam.

At obijciat Thomas, non omnes Catholicos sequi hanc de infallibili Papæ authoritate (scilicet Concilii universalis quocumque jungatur Papa) sententiam. Nam: fuisse aliquos, qui dicerent Papam extra universale Concilium non minus errare posse quàm Concilium sine approbatione Papæ, Author est Pater Becanus tom. 5. Controvers. in Apologia pro iudice Controversiarum, in responsione 2. ad argumentum Gardij, cui sic respondet; *Negandum est Pontificem, ut Pontifex est, fallibilem esse in doctrina Fidei, licet fallibilis sit, ut homo privatus est.*

Nec

Nec aliter docent Catholici, exceptis illis, qui putant illum falli posse, si aliquid definiat sine Generali Concilio, non posse, si cum Generali Concilio. Quos excipit, cum ijs Thomas Anglus sentire se dicat: & hæresim vitabit. Præterea Canus lib. 6. locorum. c. 7. non omnino audet, etsi maximè cupiat ei sententiæ hærescos notam incurrere quod quidam Catholici Authores eam sequantur. Unde ait. Hoc vix egrè dico propter viros quosdam & doctos & pios, qui nobis contradixerunt. Et Paulo post. Non equidem intelligo quoniam consilio Fideles quidam hæreticorum quam Catholicorum opinionibus favere malint: quo sanè declarat aliquos Catholicos nec ignobiles auctores, cum doctos & pios vocet, in Blacoli esse sententia. Nonnullos nominat P. Franciscus à Sancta Clara in suo erudito libro de Fidei Systemate. c. 28. & c. 33. cui cum magis placeat communis, quam probavimus de infallibili Papæ ex Cathedra loquentis extra Concilium sententia, non audet tamen is contrariam hærescos condemnare, ne Catholicos quoque condemnet.

Respondet tamen objectioni, rectè à me statui hæreticum esse eum, qui neget absolute infallibilem Papæ de Sede l ætri, sive ex Cathedra definitæ autoritatem, quia qui hoc absolute negat, simpliciter & omnino negat illam prærogativam autoritatis, quocunque modo sumatur: nullatenus enim eam admittit, quemadmodum facit Thomas Anglus, qui ne includens quidem Concilium, admittit assistentiam spiritus sancti: At illi Catho-
lici

Authores, qui aiunt Papam extra Concilium non habere illam authoritatem, non negant absolute habere, sed eam circumscribunt & addicunt nexum cum Concilio, & in modo videntur discrepare: nam dicunt illud esse definire ex Cathedra, cum aut in Concilio, aut cum Concilio definit: & ita putant hæreseos notam effugere: nec enim negatio cadit supra rem, sed supra modum, atque adeo non est absoluta negatio. Imo pauci dicunt necessarium esse nexum cum Concilio, nam major eorum pars ait sufficere consensum Ecclesie recipientis Decretum Pontificis. Unde, si quod definit Pontifex in lucem exeat, & toti Ecclesie sufficienter proponatur, & illa recipiat, satis esse dicunt, ut definitio in Fidei Decretum transeat.

Qua de re Rossensis a. 27. & 28. & Celotius lib. 4. de Hierarch. & Becanus tomo 5. Controvers. in Apologia. Marchancius opusculo Exam. Cur. myst. & Franciscus à Sancta Clara cap. 28. & 33. qui partim ita opinantur, partim ita opinantes excusant. At nemo erit qui excusare possit Thomam Anglum, qui hanc infallibilitatem penitus negat tum Concilijs, tum Papæ: etiam conjunctis et nexis: & aufert omnem Assistentiam Spiritus Sancti, ac errare eos posse contendit, quod nemo Catholicorum, opinor, dicere est ausus, imo ne multi quidem hæreticorum Concilijs Universalibus infallibilem authoritatem negare ausi sunt.

Quare datâ operâ dixi in conclusione *Absolute*
negantem, eum hæreticum esse: ne aliquot, etiam ma-
 le sentientes Catholicos, condemnarem: quan-
 quam existimem cum Cano, si hujusmodi quæstio
 in Concilio proponatur, definitum iri: Summum
 Pontificem extra Concilium, & ante consensum
 Ecclesiæ ex Cathedra loqui posse, & si quid ex ea
 Petri authoritate definiat, id omnino ad Fidem
 pertinere: & qui contra sentiat eum hæreticum
 fore: quam existimo esse sententiam Divi Tho-
 mæ. 2.2.q.1. & q.11. & communem Thomistarum &
 Theologorum. De Thomâ Anglo ita sentio, eum
 non posse ab errore ulla ratione excusari. Ejusego
 sententiam, meumque de illa judicium ad sedem
 Apostolicam remitto.

ARTICULUS



ARTICULUS II.

Alij errores Thomæ Angli recensentur, censenturque.

GRave mihi, & acerbum esse fateor hominem Catholicum &, ut aiunt pium, & bene moratum erroris appellare : cumque eo de violato Religionis jure disceptare : mallem profectò cum Heterodoxo contendere, aperto scilicet & jurato Romanæ Ecclesiæ hoste, ut justius, & speciosius bellum videretur. Sed cum videam Thomam Anglum pravis imbutum opinionibus Romanæ & Catholicæ doctrinæ arcem oppugnare, & hostis personam suscipere, necesse erit occurrere, & arma opponere, impetumque aggredientis avertere. Nèc me pudebit eum hostis loco ducere, quem non puduit hostis personam suscipere. Imo justius cum eo dimicem, quod ille injustius ad castra Heterodoxorum opinando defecit, & cusa in eorum officina arma comparavit, & in Ecclesiam matrem convertit. Itaque non in Thoma ego

Catholicum, sed Heterodoxum oppugno : nec tam condemno, quam de violata Religione suspectum jure vador, & dicto vadimonio ad Romanum Tribunal sisto. Meum est causas aperire, Ecclesiæ judicare.

Primus Error esto : privare Cathedram Romanam protectione speciali Dei regentis, ne à Fide deficiat, eamque in Cathedram pestilentix convertere remoto ab ea Spiritus Sancti afflatu, quo negat infidentes eam Pontifices foveri. Quæ Heterodoxorum hæresis est : de qua multa superius diximus.

Secundus : negare hujus Privilegij fundamentum ; quod nullas in sacris litteris, nec in Patrum monumentis radices habeat : nec traditione aliquâ, consuetudine ve Ecclesiasticâ firmetur, quod omnino Hæretici negant : nos vero contra tot locis sacrae Paginæ Conciliorum Decretis, Patrum testimoniis, usu & praxi Ecclesiæ abundè confirmavimus.

Tertius, Ne Concilijs quidem universalibus Assistentiam Spiritus Sancti, & infallibilem auctoritatem concedere, etiam si justè ac legitime congregata habita, confirmata sint. Qui quantus sit Error Heterodoxi testantur, quorum plerique non audent Conciliorum auctoritati refragari. Sane moderatius imo honorificentius de Generalibus Conciliis loquitur Reformatio Anglicana ab Henrico 8. inchoata & ab Edvardo 6. provecta: titulo. de Fide & summa Tribit. c. 14. quàm Thomas Anglus, hac in re malè Anglus. Sed quod attinet Conciliorum Auctoritatem, meum non est de ijs hic accu-

accuratius agere: Thomam ad P. Franciscum à Sancta Clara remitto. Novit hominem. Disceat ex ejus systemate quid tenendum sit: ac proficiet; nisi malit cum Armihio magno Papæ & Concilliorum hoste sentire: cui ea impugnant Disput. privat. Thesi 58 prorsus consentit: ita ut ne ovum quidem ovo magis sit simile.

Quartus: Affirmare Pontificem *posse hæresim promulgare* quo verbo utitur Thomas imprudenter ne dicam, an impudenter? Si diceret *posse errare* Pontificem, utcumque ferendum: nam videretur de persona Pontificis privata loqui, quam immunem non esse ab errore, Theologi Catholici fatentur. Si ultra tenderet, affirmando in hæresim *posse incidere*: non idcirco damnandum: nam etsi ego putem Papam errare in Fide posse, hæreticum esse non posse, quia Pertinacem fore non puto, video tamen Canones, & Concilia id supponere, ut patet ex cap. *Si Papa.* dist. 40. & ex Concilio Romano sub Adriano, & ex octava Synodo. & questionem institui à Theologis *Utrum is & aquo deponendus sit?* quemadmodum disputat Bellarm. de Rom. Pontif. l. 2. c. 30. & Suarius tomo de Defensione Fidei. l. 3. & 4. Imo & Catus tantus Author, non dubitat asserere Papam in hæresim *posse incidere*: quod expressè tenet lib. 6. Locorum c. 8. prope finem. Uerum affirmare Papam *posse Hæresim promulgare*, uti affirmat Thomas Angelus, sustineri nullo modo potest. Nam promulgatio Hæresis, est publica & solennis propositio, quæ

quæ non procedit à privata persona, sed publica: & ex publica authoritate, atque adeo si à Pontifice sit, ab eo tanquam loquente ex Cathedra procedet, quod est à Catholica Fide alienum. Unde Canus proximè citatus, cum admittat Papam hæreticum esse opinando posse, negat docendo posse. Ipsum audiamus. *Non est igitur negandum, quin summus Pontifex hæreticus esse possit, cuius rei exemplum unum & item alterum forsitan proferetur; at quod in Fidei iudicio contra Fidem desinierit, ne unus quidem proferri potest.* Cum autem errare uti iudex non possit, minus uti Pastor promulgare Hæresim poterit, nam hoc esset dogmatizare in perniciem Ecclesie, & motu proprio de Sede Petri tanquam legem Hæresim promulgare: quod scædum cogitatu, & horribile dictu esse, quis non videt? Quantò est Thoma Anglo Bellarminus! quantò Osius! Quantò Turrecemata! Quantò Canus! Quantò Becanus! Quantò Suarius Religiosior & Prudentior! qui non modo negant Hæreticos Pontifices cum loquuntur ex Cathedra esse posse, verum etiam quibus Errores ab Heterodoxis, Orthodoxisve tribuantur, eos ab Erroribus omninò liberos esse volunt. Qua in re defensorem se præstat Albertus Fighius acrem & vehementem. lib. 4. c. 8. de Hierarch. Eccles. Equidem mallet, ut cum his Principibus Anglus pro Fide Patria, quam cum hostibus contra illam pugnaret.

Quintus: Supponere Authoritatem quam Summo Pontifici inesse dicunt ex Evangelio & Concilijs.

cilij, & Patribus Catholici, esse Fidei Artificem: eamq; ita vocare, ut constet ex ultima linea Paragraphi 2. ut enim suam opinionem confirmet, jactat à se explodi illam *Potestatem Definitivam & Fidei Artificem*. perinde ac nos Papæ tribuamus Potestatem condendi Articulos Fidei. Sed non miror Thomam hoc Anglum obijcere, nam qui semel cum Hæreticis sentit, necesse est perperam sentire: eum qui à veritate aberrat, omnibus se exponat erroribus: nec id Stoicorum est Paradoxon. Igitur quod Thomas supponit, magna vi nobis Hæretici obijciunt: non enim distinguunt inter hæc duo, *Facere articulum de Fide, & Declarare eum esse de Fide*: cum multum inter utrumque intersit. Nec enim conduntur Articuli de novo, sed demonstrantur: uti cum quis thesaurum terrâ obrutum eruit, & oculis exponit: non gignit thesaurum, sed monstrat: ita Ecclesia & Pontifex Veritatum aliquot opes in sacris litteris contentas, ignotas adhuc & occultas, & in Traditionum scrinijs custoditas patefacit, & in lucem edit, & quasi intento digito indicat, & demonstrat. Unde Augustinus Fidem Thesauro l. 1. de Genesi ad litteram. c. 26. comparavit. Itaque omnes Catholici authores docent, Ecclesiam non esse Authorem Fidei, sed judicem & testem. Id Scotus in 4. d. 5. q. 1. Id D. Thomas 1. p. q. 1. Id Gerson, verit. necessar. docent. Sequuntur Stapletonus Relect. cont. 4. q. 2. Rosfens. art. 28, cont. Lutherum. Valent. de Fide q. 1. p. 1. Smiling. proæm. q. 1. n. 22. Suarez de Fide et

& intomo Defensionis Fidei. lib. 1. c. 18. & Becanus tomo 5. Controv. sæpe. Davenport. in system. c. 2. & 3. Non est igitur Artifex Fidei cum articulos Fidei definit Pontifex, sed eorum expolitor & commonstrator: quemadmodum veritatum, quas scribendo demonstrat Thomas Angelus non est factor, sed demonstrator. At condit Pontifex Decreta & Constitutiones. Sanè, sed aliud est Decretum, aliud res quæ Decreto continetur: nam Decretum est Formula verborum, non res quæ sub ea Formula continetur, cujus Decreti author conditor non est, sed testis ac præceptor. Nisi forte si quis dialecticæ Magister veritatem aliquam demonstratione compositâ demonstrat, quod Formam eam argumentando conficit, conficit etiam veritatem.

Sextus & ultimus Error est. Prava illa, & intemperans Censura, quâ notat communem Catholicorum sententiam. Nil tam est à ratione, & iustitia alienum, quàm temerè de sententijs Catholicis iudicium ferre: easque perversè taxare, adeo, ut Ecclesia iniquissimè ferat, vel probabilibus, & quæ sustineri possunt sententijs notam hæreseos errorisve iniuri: et quidem jure: nam sicuti non est privati hominis aliquid censere de fide esse, ita neque aliquid hæreticum esse pronuntiare, cum id dubium est, & aliquo modo sustineri potest. Jam vero cum sententia communis est, ac pene Catholica, si quis eam Hæreticam dicat, gravissimè quidem peccat: nec ullo

ullâ ratione à temeritate liberari potest. Itaque, me
 authore, & si in multis erret Thomas Angelus, uti
 supra ostendimus multo in ijs minus erravit, quam
 in hoc projecto insolentique iudicio: quod ille tot
 calumnijs, tot diris exaggeravit, ut etsi verum
 diceret, turpissime tamen maledicendo delin-
 queret. Nunc cum in eam sit iniectus quæ tuta &
 pene Catholica est, sententia, non potest non
 ab omnibus rectè sentientibus temeritatis dam-
 nari. Et quidem observo Summis Pontificibus in
 censendis Authorum quorundam suspectorum pla-
 citis rationem item habere solere notarum qui-
 bus oppositas sententias afficiunt, ac in eas Censu-
 ræ suæ fulmen intorquere. Quod in lata à Roma-
 na Sede adversus Baium, Jansenium quæ Censura
 videre est.

Ac inprimis duæ Bullæ adversus quasdam pro-
 positiones Baij expeditæ sunt: altera à Pio V. al-
 tera a Gregorio XIII. earum censuram continen-
 tes. Quam expendens vir gravissimus Vasquez
 1.2. tom 2. d. 19. c. 18. ait nonnullas continere
 opiniones reapse tutas & sanas: cujusmodi qua-
 tuor sunt 29. 30. 36. 61. quas ille liberat ab er-
 rore, nec vult absolute damnari à Pontificibus: nam
 si damnarentur, & sua celebris de necessitate Gra-
 tiæ Christi *ad omnes actus morales bonos*: & Bellar-
 mine & Tolite *ad tentationes superandas* sententia,
 ut ait Vasquius, damnaretur: quod nullatenus ad-
 mittendum: cum præsertim ipse Toletus cum eâ-
 dem Bulla Lovanium ad eam publicandam, & con-

troversiam, & Bullæ iustitiam Vasquez sustineat, optime animadvertit, præterquam quod Pontifices dicant nonnullas aliquo modo sustineri posse (in quibus hæc 4. numerari possunt) non taxare, in quibusdam rem contentam in propositione, sed notam quam incurrunt oppositæ sententiæ: & ob notam falsam & injustam, propositionem damnare. Audiamus Vasquium. n. 176 Ego non dubito illas propositiones, quas memoravimus, sicut etiam multas continentes acere indicium, quo doctor ille aliorum opiniones criminabatur, damnari tantum, ut scandalo & offendiculo patentes, & hac ratione solum prohiberi: nam & audacia nimiaque arrogantia in aliorum sententiis maligne vellicandis, ac lacerandis non parvam scandali afferre solet, æquo docti & prudentes Theologi in suis Scriptis abstinere deberent. Hac eadem de causa in Ecclesia prohibitum est, ne ullus Theologus disputans aut edisserens de Conceptione Beate Virginis ita suam sententiam pronunciet, ut oppositam suggillate, aut aliquam notam ei incurrere audeat. Et addidit in rem aptissimè. Ex eo quod prædictæ propositiones continentes severiorem notam oppositæ opinionis hoc modo reprobatur, interdictæ sint à Pio V. & Gregorio XIII. non proinde illo modo in damnationem aut notam incidit sententia Authoris de ea re, si tollas censuram de opposita. Et mox. Non ergo incensatur prædictus Doctor, quod hanc sequatur sententiam, sed quod oppositam erroris arguat. Ideirco ipse Vasquez eam tuam putat Conciliorum & Patrum esse sententiam, ait nolle se oppositam ullâ notâ afficere, quod.

quod sciat quantum sit crimen acriter temoreque censere. Quod ego semper Vasquij iudicium non probavi tantum postquam agnovi, sed ingenio ad modestiam naturâ comparato, antequam nossem occupavi. Itaque & mitissimus ipse censendo fui, & in alijs moderationem amavi. Hoc me animo cum Augustinus, cui me totum dedidi, informandum accepisset, documento suo in suscepto consilio confirmavit. Nemo est enim Author durior ad accipiendam ex aliena doctrina offensionem, nec mollior ad deponendam, nec moderatior ad damnamdum: nemo eo difficilior alienos errores credit, nemo libentius excusat, nemo mitius accipit, nemo moderatius censet: ut videatur malle non invenire errores, quam condonare. In quo genere severo acrique taxandi, quia vehementior est Hieronymus, minus me fui, quam Augustinus amantem habuit, Cumque Patri Francisco Suario insigni Theologo multum honoris semper detulerim, eo nomine detuli plurimum quod cum abundet scientiâ, in censenda aliorum inscitia maximè parcus sit. Quorum modestiam si Recentiores quidam Theologi imitarentur, minus certè turbarum & in scholis, & in concionibus, imo & in Ecclesiis excitarent. Sanè quæ majore se mole voluunt flumina ea minus strident & murmurant, & taciturnitate illâ suâ profunditatem suam commendant: quam quia rivi, torrentes que non habent, in quoscunque lapides alliduntur, murmur & strepitum excitant. Ita naturâ com-

paratum, ut qui multa sciunt excusare norint, quòd vias omnes evadendi callent: qui pauca norunt, cum ignorent alia, quicquid præter ea quæ norunt audiunt, errorem putent. Et id inter civem & advenam interest, quòd, hic unam tantum Regiam & communem ad civitatem ducentem viam novit, callium flexus & semitarum anfractus ignorat: Civis omnia viarum compendia perspecta & explorata habet. Unde fit ut advena quoscunque præter Regium iter euntes videat, eos errantes putet, & corripiat. Civis ire permittat quod sciat aliis item itineribus in urbem vadi. Ita ille ex ignorantia taxat, hic ex scientia tacet.

Ad institutum redeamus. Nota immoderata atque perversa ferri sanè non potest: ac in Baio jure damnata est: ejus que exemplo pœna sancita. Et nuper alio Jansenij, cujus è quinque propositionibus duæ Quarta & Quinta ob pravam censuram ab Innocentio Papa X. damnantur. Dum enim Semipelagianas duas eas sententias in propositionibus contentas appellat, eo nomine ipse taxatur, non quod alio item sensu non taxentur, sed quod hoc etiam perversæ censuræ vitio reprehendantur. Qua de re nos latè ac dilucide, opinor, in Mente Innocentii egimus.

Igitur gravissimè peccat Thomas Anglus in hujusmodi censura prava, & intemperanti Catholicæ sententiæ, quam cum debuisset venerari & sequi, tam acriter infectatur ut omnes maledicentiæ habenas effundat: eamque ita execretur, ut qui ejus tantum

tantum censuræ rationem habeat, vel ex ea, quod minus sit Theologiæ peritus, ueritatem spectare uelit, iudicaturus sit, eam & hæreticam & absurdam esse, imo & detestandam, diris que omnibus deo- vendam. Unde etsi in aliis non errasset Anglus, vel ob istud censuræ iniustæ & contumeliosæ crimen ad Tribunal Romanæ Sedis sistendus ejusque sententiâ condemnandus. Quod si contingat, magnopere propter personæ dignitatem & professionem dolebo, sed non potero tamen non & ejus crimen agnoscere, & de eo probare iudicium: multa enim necesse est iuste fieri, quæ non nisi dolenter accipi possunt. Si quis autem dissentire à me ipso me existimet, quod in meo lituo acrius acerbiusque cum Thoma, quam par est, egerim, nec moderationem quam laudo, in eo censendo tenuerim, is precor, expendat causas à me ibi hujus acerbitalis adductas, & censuram minime culpabit meam, cum præsertim ego non tam in ejus proprios priuatosque errores, quorum me magnopere miseret, quam in præteritam ejus de alienis sententiis procacem que Censuram sim inuectus.

Moneo.

Injuria sone pede prornat

Stantem Columnam.

*Nec captet risus hominum, famam que dicacis
Inueniet enim qui Par Pari reddat, quod mordeat.
Et grauiora notet dentat à Crimina charta.*

ARTICULUS

ARTICULUS III.

*Sententia quadam nexa cum hoc
errore Thomae Angli pro-
ponuntur & refel-
luntur.*

Theologica quadam Authoris opuscula ac-
curate legens, comperi cum ex illo de Au-
thoritate Papae perverso iudicio insolentes
& temerarias non paucas opinionationes tanquam ex
Fonte duxisse: aliisque, si in eo sit deinceps perstan-
dum, occasionem præbuisse, quibus ni occurram fie-
ri poterit, ut & ille novos errores hauriat, & cæteris
propinet. Nam qui semel negat infallibile Papae
in decernendo iudicium, consequens est eum illius
Decretis minimè obtemperaturum. Id & acci-
disse Authori exemplis adductis confirmem, & ne
postea accidat, monendo occupabo.

Igitur in appendice, quam adversus me edidit in
Causa Jansenij non minus meum de Censura Pon-
tificis, quàm Pontificis de Propositionibus Janse-
nij

nij, iudicium damnavit. Quod duobus modis effecit. Altero sustinendo damnatas propositiones, affirmando in sensu Scholastico, & proprio veras & Catholicas esse: altero negando esse Jansenii, in eo quo damnatae sunt sensu. Qui sane errores sunt, quemadmodum nos in lituo nostro ejus Tubae opposito probavimus: ac ideo monstrare omittimus. Utrumque autem ex eo Fonte deduci constat, quia si sacra ei & Sancta Pontificia auctoritas esset, non auderet ille Constitutionem Papae impugnare: tum negando Propositiones esse Jansenii, quod omnino Pontifex affirmabat, tum affirmando eas Catholicas, & sanas esse, si proprie sumerentur, nec in alienos sensus torquerentur, perinde ac Pontifex torsisset, torquendoque damnasset. In utroque errasse compertum est. Et quidem in sustinendis Propositionibus Jansenii post expeditam Bullam, ac in Bulla ipsa eludenda & impugnanda gravius deliquisse nemo ambigat. Quod autem errarit negando, eas Propositiones esse Jansenii, satis jam tum constitit, & ego ostendi. Nunc vero manifeste apparet, post grave illud, & venerabile Episcoporum Galliae super re prolatum, publicatumque iudicium, quod ego non dubitem Iusti Concilii Decretum appellare, cum tot tamque clari doctrinâ, & Pietate Patres Præsidente Eminentissimo Cardinali Julio Mazzarini ritè congregati censuerint, illas quinque Propositiones damnatas esse Jansenii, ac uti sunt damnatae, ab eo traditas fuisse. Cui nemo sine magnâ

magna temeritatis nota refragari possit. Ego certe cum vidi, tanquam oraculum e Cœlo lapsum accepi & veneratus sum.

Jam vero postquam recens hoc anno à sacra Romanæ inquisitionis Congregatione expedita est Sanctissimi Patris nostri Innocentij Papæ X. contra libellos Jansenii opinionibus faventes Constitutio, commentariolus iste Thomæ Angli adversus meam Censuram scriptus omnino proscribitur, cum in eum præcipue, quòd quinque illas Propositiones Jansenij damnatas defendat, fulmen illius Censuræ Inquisitoris jaciatur. Ac id ego certe in mea quam obtuli responsione fore prævideram, uti monui: nec dubito quin & quædam alia ejusdem hominis scripta cito damnentur, ut verus vates (etsi ei Celæno infelix videar) existam.

Venio ad aliud Thomæ Angli crimen, quod partim proditum evulgabo, partim occultum & obrutum prodam. Diu est quòd scio malè animatum esse Authorem in Religiosos viros, ac præcipue in Venerabiles Patres Societatis Jesu, qui cum ab omnibus Catholicis diligè colique maximè propter singularem doctrinæ, morumque probitatem debeant, eos tamen Author allatrare sæpe solet, & in invidiam allatrando vocare. Uritur ad id prætextu honesto defendendi Gratia dignitatem, perinde ac libertatis asserendæ studio à Jesuitis Patribus impugnetur. Mussat & ringitur ceu dentes velit infigere, & jam ultra progressus rodit Authorem

thores societatis, quod suspectam de Gratia opinionem sequantur. Id cum alias antea, tum maxime nuper egit, editâ contra me Appendice, in qua eos haud dubie carpit, meque sugillat, quod cum iis de damnandis Jansenij Propositionibus sentiens Semipelagianismum sapiam: quemadmodum in meo lituo palam feci, ubi calumnias iis mihi que impositas dilui. Nunc vero quoniam novo edito vernaculâ linguâ scripto libello manifestè ausus est Patres illos venerabiles criminari, & proditâ opellâ furtim cusâ, quæ inscribitur *Questio Theologica Historica* in qua disputationes habitæ super Molinæ doctrina coram Summo Pontifice Clemente VIII. fuerunt, & acta continentur, propriam de Gratia Societatis doctrinam calumniari, ceu in eo esset iudicio damnata, necesse erit nefariis ejus conatibus occurrere, & fictæ Calumniæ Clavam de manibus extorquere: cum præsertim hujusmodi opella nuperâ constitutione (cujus supra meminimus) ab Inquisitorum Romanæ Curia Sacra Congregatione nominatim proscripta sit. Erit autem æquum, ut quoniam Pontificiæ Sedis & Autoritatis Societas Jesu maxima & acerrima Propugnatrix et vindex est, nos qui de propugnanda eadem Autoritate agimus, Societatem quoque à Calumnia vindicemus: cum tam conjuncta utriusque sit Causa, ut non possit una sine altera, aut defendi, aut oppugnari: quæ summa Societatis laus est eisdem habere cum Sede Romana & Amicos, & Inimicos: ut quicumque unam amet, &

ambas diligit; & qui alteram oderit, ambas oderit. Id mihi legendo compertum, neminem qui Romanæ Sedi bellum hostis intulerit, non etiam bellum Societati huic Jesu Sanctissimæ intulisse.

Actam fuisse Romæ causam P. Molina, & coram Pontifice Clemente primum VI 11. deinde Paulo V. agitaram, & sciunt omnes, & mihi Constat, qui Madritti novi Bastidam unum ex Patronis Molinæ, senem jam & à Societate dimissum: à quo ego illud accepi. An verò extent Acta illa disputando confecta: & ubi sint compertum non habeo. Illud memini me Anno 1648. Parisiis in comitatu Legati Lusitaniæ Extraordinarij Marchionis Nisensis audire, à Præside Sacræ Inquisitionis Barcinonensis ibi tum agente, qui cum Legato & mihi familiaris erat, & frequens usus, Exemplum idoneum illorum Actorum Summæ Fidei manuscriptum in Chartophylacio Inquisitionis servari. Cujus cum aliud exemplum Legatus postularet, promisit ille (quod erat in præcinctu ad iter) cum Barcinonem pervenisset ad Legatum continuò missurum: quod præstare tamen aut noluit, aut non potuit: nec in Lusitaniam maturantibus, licuit, præsertim intercurrente bellorum turbine, per litteras exigere. Fidem tamen homini gravi, & exactæ ætatis, & insignis dignitatis adhibui. An verò illud Legitimum esset & incorruptum, id certè investigare non potui. Cum Londinum postea Anno 1652. Legatum Extraordinarium Comitem Penaguianum Cubiliarchum comi-

comitatus venissem, incidi in quoddam exemplum
hujus Disputationis typis mandatum Anno 1644.
inscriptum, *Quæstio Theologica, Historica & Juris*
Pontificij ejus expectatione jam pridem ductus &
tunc erectus omnibus lætitijs (ut cum Tullio di-
cam) inaccessi, Itaque avidissimè arripui, accuratissi-
mè legi : sed non omnino acquievi. Deprehendi
enim quædam in Authore affecti animi & præ-
occupati judicii signa, quæ illius Exempli fidem
elevatorunt, Per ea cum mentem Authoris indagaf-
sem, comperi eum aliarum partium à Societate
esse : & suscepto studio Molinæ sententiam impug-
nare, suamque illi oppositam tueri, & confirmare.

Deinde persuadere mihi non poteram Sanctis-
simum Pontificem Clementem, dum præesset Cau-
sæ tam facile, tamque aperte in contrarias Moli-
næ partes iturum : & toties indignabundum com-
moti animi signa daturum : adeo ut in convitia
quoque, & probra erumperet, quod apparet ex
n. 10. 12. & 13. Præterea illa verba Generalis So-
cietatis JESU ad Patrem Valentiam, relata n. 11.
Destruixisti Societatem, omnino conficta sunt. Mul-
ta insuper Molinæ imponuntur, quæ ne somniavit
quidem. Quid quòd Valentia Summo Theologo
ineptæ & inscitæ responsiones sæpe tribuuntur, quæ
vel à rudi discipulo reddi non possent? Iam illa
insignis est impostura ad concitandam invidiam
Societati : Molinistas publicè Romæ sustinuisse,
Non esse de Fide, *Clementem VIII. esse Pontificem. Et*
ipsum errare posse, quod n. 9. habetur : quæ dux senten-

tiæ maximè sunt à Societate alienæ. Certè ut illa est & egregiè pia & prudens, nec sentire illud posset: nec ut sentiret evulgare deberet, iis præsertim (quæ fingit author) formidolosis temporibus. Nec illi metus, quos n. 6. comminiscitur veri sunt. Unde enim Panicus ille terror? qui cogeret Molinæ librum *suspectum de hæresi agnoscere*, & *Sacro Inquisitionis Tribunali denuntiare*, cum ejus antea & postea quidam doctrinam defenderint? Nimirum timebant Censores, quos ad disputationem provocabant. At, negabant stare se aut velle, aut posse Doctoris Angelici autoritate, id que facti sunt. Credam: si probetur Patres Jesuitas suam de Gratia & Prædestinatione sententiam Divo Thomæ non assignare, eumque illius authorem dicere. Imo novi nil tam illis persuasum esse, quàm se suæ doctrinæ Divum Thomam habere Patronum: adeo ut putent & scribant eum Thomistis ipsis ademisse, ac sibi vendicasse. Quo jure non disputo: tantum refello, quod aiunt: testatos eos unquam fuisse se Divum Thomam reliquisse. Legat qui volet unum instar omnium Suarium cum alijs locis tum Tomo. 2. de gratia lib. 3. passim, ac imprimis cap. 49. Tandem si Molinæ sententia tam facile convicta & tam apertè damnata, quomodo ea postea tradita & defensa est à Lessio: nec contraeam quicquam expressè aut statutum, aut vulgatum? videmus enim illius & legi librum, & sustineri doctrinam: bellum que illud Scholasticum diremptum silentio imposito, cautoque ne alterutri alteri detra-

detraherent ; quod certè cum iis quæ in his actis commemorantur, minimè consentiunt.

Hac me moverant antea ad credendum illum libellum apocryphum esse : nuper autem lecto super hac ipsa re P. Annati iudicio, quod paucis postquam hæc scripsissem diebus, oblato mihi à P. Antonio Barradio Societatis Jesu, viro docto & designato Lucitanæ Provinciali, ejus ultimo contra Jansenium libello, expressum legi meam firmavi sententiam. Nunc tandem acceptâ Sacræ Romanæ Inquisitionis Censurâ illam opellam damnante, id omnino mihi persuasi. Consilium vero mihi placuit meum, qui cum maxime à Molinæ sententijs de Gratia, placitis que dissentiam, quod sint illa ab Augustini doctrina prorsus aliena, nunquam tamen ad ea impugnanda uti volui hujusce Constitutionis argumento, nec enim de illius fide constabat; non soleo autem in sententiis, aut oppugnan-
dis, aut confirmandis, fluxis & incertis uti rationibus : quemadmodum Thomas Anglus, qui cum in hac constitutione magnum situm esse præsidium putet, subruì ac procidere repente admoto Romanæ authoritatis ariete sensit, & doluit. Quid autem ex hujusmodi disputatione habita Romæ adversus Molinam colligi possit (nam id ego conjecturis idoneis assequor) aliàs in libro, quem contra Arminium & Remonstrantes adorno, coni-
ciendo exponam.

Graviores multò sunt ij, quos circa Authoritatem Papæ in conferendis indulgentiis admittit er-

tores

rores, qua de re quoniam ego latius, & copiosius singulari quaestione adversus eum scripturus sum: quam hic adornare jam ceperam, & subito discessu intermisi, in aliud tempus responsionem reservo, Ac secundo edito libro non eum modo, sed omnes etiam Heterodoxos illorum argumentis adductis suscepto studio refutabo.

Hoc est meum de Authoritate Pontificis Romani verum sincerum que judicium: quod ipsum ego, & ceteras meas quacunque de re sententias, Ecclesiae Romanae Censurae subijcio.

FINIS.

ERRATA.

Pagi. 13. lin. 11. *deprehendentur lege deprehenderentur.* p. 27. l. 23. *Saxaem lege Saxeam.* p. 30. l. 18. *negant. lege negabant.* p. 34. l. 6. *ligatur & solvetur le. ligetur & solvatur.* & l. 22. *ad quod dele ad.* 46. l. 11. *suos le. suas.* p. 90. l. 26 *alijs le. alij.* p. 51. l. 3. *omnes. le. id est omnes.* p. 58. *ac ejus vicem. le. ac ejus cujus vicem.* p. 58. l. 24. *esse. le. esset.* p. 10. l. 23. *graviteri. dele i. p. 64. l. 10. extra re. dele re.* p. 66. li. 1. p. 82. *videnius le. evidemius.* 16. *in. dele in.* p. 83. l. 9. *habui. lege haberi.* p. 9. l. 13. *nobis. le. vobis.* p. 103. l. 14. *consentientem. le. consensionem.* p. 17. l. 1. *Patris. le. Patres.* p. 110. l. penult. *post Romani Pontificis adde. n. confirmatum.* p. 149. l. 24. *authorines. le. auctoritatis.* p. 151. l. 27. *ex core à dele à.* p. 154. l. 1. *significaret. le. significare.* p. 163. l. 9. *judicemle. judicium. ib. A. hore. le. Anthore. ib. lin. penult. celebrando. le. celebrandi.* p. 165. l. 5. *Ecclesia. le. Ecclesia.* p. 167. l. 9. *custodiendum. le. custodiendam.* ib. l. 10. *nullam le. nullum.* p. 168. l. 17. *cupido. le. cupidi.* p. 171. l. 6. *prob amus. le. probemus. ib. li. 20. à vobis le. nobis.* p. 174. l. 5. 5. 6. *le. cur. ib. l. 11. interiores per interiores.* p. 180. l. 1. *nulla. le. nulla.* 14. 6. *ac dele. p. 183. l. 11. facile le. falli.* p. 184. l. 4. *admitteret. le. amiver.* p. 185. l. 6. *cum dele cum. ib. li. 14. hic le. id. ib. l. 26. & le. sed. ib. 18. conjunctum. le. conjuncta.* p. 196. l. 13. *non dele non.* p. 210. l. 9. *capite. capita. ib. ignit. dele it.* p. 212. l. 3. *ando. le. adeo.* p. 218. li. ult. *le. cum. p. 223. li. 3. alios. adde ne alios.* p. 236. l. 27. *Bellarmino, Tio que. le. Bellarmini Toleti que.*